


K 171530  
3

சென்னை  
பேரறிஞர்  
சென்னை

கி. பி. சி. சி.  
கி. பி. சி. சி.  
கி. பி. சி. சி.



3K1011(C41)

3 ნკპ 147-922

6.678


---

გამარჯობა, კატარა მშობარო!  
 შენი „ნაკადული“  
 პიონერთა ორგანიზაციაში შესვლას  
 პილოტავს!  
 ჩვენ აღრაც ხშირად შევხვედრივართ  
 ერთმანეთს, – ჯერ კიდევ მაშინ,  
 როცა სულ კატარა იყავი და  
 გზობლები გიკითხავდნენ ჩვენ  
 მიერ გამოცემულ წიგნებს,  
 და მაშინაც, როცა  
 დამარცვლით კითხულობდი შენს  
 „ღმრთაებას“.  
 მას შემდეგ ოთხი წელი გავიდა  
 და, აი, ახლა შენც უკვე პიონერი ხარ, დიდი  
 პიონერული ოჯახის  
 ერთი რიგითი წევრი.  
 ალბათ, ამის შემდეგ უფრო ხშირად  
 შევხვდებით ერთმანეთს,  
 ჩვენი წიგნებიც დაგეხმარება  
 შენი პიონერული საქმეების მოგვარებაში.  
 დღევანდელი დღის სახსოვრად კი, აი,  
 ეს კატარა წიგნი მიიღე.  
 იგი იქნება შენი  
 პირველი მეგობარი პიონერთის  
 უცნაურ სამყაროში...

---

ქვეყნის  
სიყვარული

ქ 141530



საქ-2000  
ფინანსური

საქართველოს  
საბჭოთავო  
საზოგადოებრივი  
მედიის  
სამსახური

„მე,-----,

ვლადიმერ ილიას ძე ლენინის სახელობის პიონერთა  
საკავშირო ორგანიზაციის რიგებში რომ შევდივარ,  
ჩემი ამხანაგების წინაშე ვიძლევი საზეიმო დაპირებას:  
მხურვალედ მეყვარება ჩემი სამშობლო,  
ვიცხოვრებ, ვისწავლი და ვიბრძოლებ ისე,  
როგორც გვიანდერმა დიდმა ლენინმა,  
როგორც გვასწავლის კომუნისტური პარტია,  
მუდამ შევასრულებ საბჭოთა კავშირის პიონერის კანონებს“.



„საგარეო ურთიერთობების ვ. ი. ლენინის სახელობის პიონერული ორგანიზაციის 40 წლისთავთან დაკავშირებით და ბავშვთა კომუნისტური აღზრდისათვის მისი დიდი შუშაობის აღსანიშნავად, საგარეო ურთიერთობების ვ. ი. ლენინის სახელობის პიონერული ორგანიზაცია დაჯილდოვდეს ვ. ი. ლენინის ორდენით“.

(სსრ კავშირის უმაღლესი საბჭოს პრეზიდიუმის  
1962 წლის 17 მაისის ბრძანებულებიდან)

„ლენინის ანდერძის სულიერებით ბავშვთა აღზრდაში გაწეული დიდი შუშაობისათვის და შექმნის 50 წლისთავთან დაკავშირებით, ვ. ი. ლენინის სახელობის სრულიად საკავშირო პიონერული ორგანიზაცია დაჯილდოვდეს ლენინის ორდენით“.

(სსრ კავშირის უმაღლესი საბჭოს პრეზიდიუმის  
1972 წლის 18 მაისის ბრძანებულებიდან)

# საბჭოთა კავშირის



პიონერი საფორბალოს,  
პარტიის, კომუნისების ერთობულია.

პიონერი ეფუადება,  
რომ ბანდეს კომკავშირელი.

პიონერი ბრკოლისა  
და შრომის ბეზრებს უსწორდება.

პიონერი პატივს სცემს  
დადუკულ ემბროლთა ხსოვნას და  
ეფუადება, რომ ბანდეს საფორბალოს  
ღამცველი.

# საბჭოთა კავშირის

# პიონერთა კანონები



**პიონერი უწყალოვარია  
სწავლაში, შრომასა და სპორტში.**

**პიონერი პატიოსანი  
და ერთგული ამხანაგია, ვუდავ  
გაგაეღულად იცავს სიპართლეს.**

**პიონერი რატოვკრელთა  
ამხანაგნი და წინააღმდეგია.**

**პიონერი ყველა ქვეყნის  
პიონერთა და მშრომელთა უპილავის  
მეგობარია.**

# პიონერთა კანონები



ბავშვთა ორგანიზაცია — ეს არის კომუნარების აღზრდის საუკეთესო გზა.

ვ. ი. ლენინი

იყო პიონერი — ეს მარტო წითელი ფელსახევის ტარებას არ ნიშნავს. იყო პიონერი — ნიშნავს, მონაწილეობდე ცხოვრების გაუმჯობესებაში, ფიქრობდე იმაზე, როგორ გააკეთო ეს.

ნ. კრუპსკაია

კარგია იყო პიონერი საბჭოთა ქვეყანაში. პიონერული ასაკი — ეს არის ადამიანის ცხოვრების საუკეთესო წლები. მაგრამ თქვენს წინ უფრო ნათელი მომავალია. იყავით მზად, შეხვდეთ ამ მომავალს ღირსეულ შემკვიდრებად!

რა არის ამისათვის საჭირო? უპირველეს ყოვლისა — კარგი სწავლა, სამშობლოს სიყვარული.

მ. კალინინი

ისწავლეთ მუშათა და გლეხთა დიდი საქმის სამსახური, იცოდეთ, რომ ამ გზაზე თქვენ გელით დიდება, ბედნიერება და გამარჯვება.

ს. ორჯონიკიძე

საბჭოთა ქვეყნის მომავალი იქნება ისეთი, როგორსაც შექმნიან მას დღევანდელი ოქტომბრელები, პიონერები და კომკავშირელები. პარტიას მტკიცედ სწამს, რომ ეს მომავალი იქნება საუცხოო, რომ ჩვენი შვილები და შვილიშვილები ღირსეულად ატარებენ წინ ოქტომბრის რევოლუციის დიად ღრთას.

ლ. ბრეჟნევი

**მუღამ მჟალ ვართ!**

ჩვენ დიდი, მეგობრული პიონერული ოჯახის წარგზავნილები, შევიკრიბეთ არტუქში ჩვენს მეექვსე, კომკავშირისა და პიონერული ორგანიზაციისათვის ვ. ი. ლენინის სახელის მინიჭების 50-ე წლისთავისადმი მიძღვნილ შეკრებაზე.

ნახევარი საუკუნეა, რაც ჩვენს პიონერულ დროშას ვლადიმერ ილიას ძე ლენინის უკვდავი სახელი ამშვენებს. ჩვენ, სამოცდაათიანი წლების პიონერები, ისევე როგორც ყოველი პიონერული თაობა, ლენინის ანდერძის ერთგულნი ვართ. გაბრძნობით, რომ არ შევლახავთ წმიდათაწმიდა ღირსებას, მთელი ჩვენი ცხოვრებით, სწავლით, შრომით გავამართლებთ ნორჩ ლენინელთა მაღალ წოდებას.

ჩვენ მშვენიერი, ბედნიერი, ძლევამოსილი ქვეყნის შვილები ვართ, ყოველდღე, ყოველ საათს ვგრძნობთ, რა მამობრივად ზრუნავენ ჩვენზე სამშობლო, კომუნისტური პარტია, საბჭოთა მთავრობა.

რა სასიხარულო იყო ყოველი ჩვენგანისათვის იმის გაგება, რომ ჩვენთვის კიდევ უფრო მეტ პიონერთა სასახლეებს, ნორჩ ტექნიკოსთა, ნატურალისტთა, ტურისტთა სადგურებს, ბანაკებს ააშენებენ, კიდევ უფრო საინტერესო და შინაარსიანი გახდება ჩვენი არდადეგები!

მაღლობა მშობლიურ კომუნისტურ პარტიას გულუხვობის, სიკეთისა და სიყვარულისათვის საბჭოთა ბავშვებისადმი.

გმადლობთ, ძვირფასო ლენინე ილიას ძე, იმისათვის, რომ ასე დიდ ყურადღებას უთმობთ ნორჩ პიონერებს, ზრუნავთ ჩვენზე. ვამაყობთ, რომ ალექ XVII ყრილობის მაღალი ტრიბუნიდან გაისმა პარტიის მამობრივი სიტყვა პიონერიაზე.

ჩვენი უფროსი სელმძღვანელის — კომკავშირის — წინამძღოლობით გამოვიმუშავეთ შრომისმოყვარეობას, პატიოსნებას, კეთილშობილებას, უფროსებისადმი პატივისცემას, სწავლაში თანმიმდევრულობას, ცხოვრებაში ცოდნის გამოყენების უნარს, სამშობლოსადმი სიყვარულს, ლენინური პარტიისადმი უსაზღვრო ერთგულებას.

საბჭოთა ხალხი მოელის ნათელ დღესასწაულს — დიდ სამამულლო ომში გამარჯვების 30 წლისთავს.

ჩვენ იმათი შვილიშვილები ვართ, ვინც ომის მრისხანე წლებში უშიშრად ებრძოდა მტერს ხალხთა ღირსების, თავისუფლებისა და დამოუკიდებლობის დასაცავად. ყველა ბავშვმა იცის, რომ ომის ძნელ გზებზე, პირველი დღიდან გამარჯვების სალუტამდე, იართ თქვენც, ლეონიდ ილიას ძე.

და დღეს, ამ მშვიდობიან, სასიხარულო დღეს, მხურვალე, გულთად მაღლობას გიძღვნით ჩვენი სამშობლოს ყველა დამცველს, მათ, ვინც უღრუბლო, ბედნიერი ბავშვობა გვაჩუქა.

არტეკში ჩვენთან ერთად არიან ჩვენი თანატოლები მსოფლიოს მრავალი ქვეყნიდან. ჩვენ სხვადასხვა სახელები, სხვადასხვა ენა, განსხვავებული სიმღერები გვაქვს, მაგრამ ჩვენ ყველას გვძულს ომი, გვძულს ფაშიზმი. ჩვენ ყველანი მშვიდობაზე ვოცნებობთ, გვსურს მეგობრები და ამხანაგები ვიყოთ.

ჩვენ საერთო არტეკულ მაღლობას ვუძღვნით კომუნისტურ პარტიას, საბჭოთა მთავრობას, თქვენ, ძვირფასო ლეონიდ ილიას ძე, მშვიდობისათვის, ხალხთა შორის მეგობრობის განმტკიცებისათვის დაუღალავი ბრძოლისათვის, ყველა ქვეყნის მშრომელთა ბავშვების ბედნიერებისათვის ბრძოლისათვის.

დაე, მუდამ იყოს მზე!

გაუმარჯოს ჩვენს საყვარელ სამშობლოს — საბჭოთა სოციალისტურ რესპუბლიკათა კავშირს!

გაუმარჯოს მშვიდობას!

საბჭოთა კავშირის კომუნისტური პარტიის საქმისათვის საბრძოლველად მუდამ მზად ვართ!

პიონერთა VI საკავშირო შეკრების დელეგატები  
არტეკი, 1974 წლის აგვისტო

**ჩვენ**

**ქვეყნის**

**ყველა ნორჩ**

**ლენინელს**

**პიონერი! ამხანაგო! მეგობარო!**

შენ მოგმართავს პიონერთა VI საკავშირო შეკრება, სამი ათასი მისი დელეგატი. შენთან ერთად, ჩვენი დიადი სამშობლოს ყველა ყმაწვილთან ერთად, ჩვენ დღეს მაღლობის სიტყვებით მივმართავთ საბჭოთა ხალხს, მშობლიურ კომუნისტურ პარტიას, ჩვენს წინამძღოლს — კომკავშირს — სიყვარულისა და მზრუნველობისათვის, ბედნიერებისათვის, რომ ვცხოვრობთ და ვიზრდებ-



ბით საბჭოთა სოციალისტური რესპუბლიკების კავშირში, სადაც ყოველი ჩვენგანისათვის ღიაა დიდ ცხოვრებაში გასასვლელი ნათელი გზა.

პიონერო, სადაც არ უნდა ცხოვრობდე, დიდ ქალაქსა თუ სოფელში, შენ ხედავ. მამულისადმი სამსახურის ნათელ მაგალითს — კომუნისტების, კომკავშირელების, შრომის გმირების მაგალითს. მათგან ვისწავლოთ ლენინის ანდერძისადმი, ოქტომბრის წითელი დროშისადმი, კომუნისმის საქმისადმი ერთგულების წმინდად დაცვა. მათგან ვისწავლოთ თავდადებული შრომა, სამშობლოს სიყვარული და დაცვა, როგორც იცავდნენ მას ჩვენი მამები, გმირი კომკავშირელები, ჩვენი თანატოლი გმირი პიონერები.

ვიყვით ისეთნი, როგორებიც ისინი იყვნენ, განვავარძოთ მათი რევოლუციური საქმე! გვეტონდეს დიდებული ლენინური თვისებები: კომუნისტური იდეოლოგია, შრომისმოყვარეობა, პატიოსნება, კეთილშობილება, შეუპოვრობა სწავლაში, შრომის სიყვარული, დიადი ლენინური პარტიისადმი უსაზღვრო ერთგულება.

შევასრულოთ კომკავშირის XVII ყრილობის განაწესი!

კარგად და წარჩინებით ვისწავლოთ, მტკიცედ ვიმეგობროთ, ერთმანეთს დავუხმაროთ, ვიცით, რომ გველის შემოქმედებითი სასიხარულო შრომა ჩვენი სამშობლოს საკეთილდღეოდ. ვეშაადებით კიდევ ამისათვის. ასლაც გვსურს ჩვენი პიონერული წვლილი შევიტანოთ მეცხრე სუთწლეულში. მოგიწოდებთ ყველას: ჩაებით ოპერაციაში — „ბაიკალ-ამურის მაგისტრალს — პიონერული რელსები!“ მონაწილეობა მიიღეთ დიდ ლაშქრობაში მაკულატურისა და პოლიმერული მასალების შესაგროვებლად — „მილიონი — სამშობლოს!“ გაუფრთხილდეთ და დავაშვეწოთ სახლი, სადაც ვცხოვრობთ, სკოლა, სადაც ვსწავლობთ, ბუნება, რომელიც გარს გვარტყია.

პიონერებო! ვიყვით მზად შრომისა და სამშობლოს დასაცავად! ყველანი გავხდეთ მშდ ნიშნოსნები!

ჩვენი კომუნისტური პარტია გვასწავლის — ვიმეგობროთ მთელ მსოფლიოს მშრომელთა შეილებთან, განვამტკიცოთ ერთიანობა სოციალისტური ქვეყნების პიონერებთან; გავზარდოთ პატრიოტი ინტერნაციონალისტები უფრო აქტიური მონაწილეობა მივიღოთ სოლიდარობის საერთაშორისო მოძრაობაში მათთან, ვინც იბრძვის იმპერიალიზმის, კოლონიალიზმის, ფაშიზმისა და რეაქციის წინააღმდეგ, ვინც იბრძვის იმისათვის, რომ მშვიდობა

სუფედეც მთელ დედამიწაზე. „თავისუფლება პოლიტიკურ პატიმრებს!“ „ძირს ჩილეს ფაშისტური ხუნტა!“ „თავისუფლება ამხანაგ ლუის კორვალანს!“ „დაე, მუდამ იყოს მზე!“

პიონერო! რგოლო! რაზმო! რაზმეულო! დადექი საკავშირო მარშის სტარტზე! წარჩინებული სწავლით, შრომით, სპორტში, საზოგადოებრივ საქმიანობაში წარმატებით ვუპასუხოთ სამშობლოს, პარტიის, ხალხის მამობრივ მზრუნველობას!

მზად ვიყოთ საბჭოთა კავშირის კომუნისტური პარტიის საქმისათვის საბრძოლველად!

პიონერთა VI საკავშირო შეკრების დელეგატები  
არტეკი, 1974 წლის აგვისტო

შენ  
პიონერი  
ხარ

შენ უკვე პიონერი ხარ. გიკეთია პიონერული ყელსახვევი, ატარებ პიონერის სამკერდე ნიშანს, მაგრამ თუ იცი, რას ნიშნავს ყოველივე ეს? თუ ჩაფიქრებისხარ საზეიმო დაპირების სიტყვებს? როგორ უნდა იცხოვრო, ისწავლო და იშრომო ისე, რომ არ გატეხო შენი თანატოლებისათვის მიცემული ფიცი?

ამ კითხვებზე პიონერული კანონები გაგცემენ პასუხს. ბევრი არ არის ეს კანონი, მხოლოდ რვა მუხლია, მაგრამ ნათქვამია ყველაფერი, რაც შენ გეხება — როგორი უნდა იყო, როგორ უნდა იქცეოდე, რას მოითხოვს სამშობლო შენგან. ეს კანონები თავისთავად არ მოსულა, პიონერთა თაობები ხუთ ათეულ წელიწადს წერდნენ მას. ყოველი მისი სიტყვა, ყოველი მისი მოთხოვნა მჭიდროდ არის დაკავშირებული ჩვენი ორგანიზაციის ისტორიასთან, მის საუკეთესო ტრადიციებთან.

პიონერთა თაობები ამ კანონებით შეგახსენებენ, რომ შენი ცხოვრების ყოველი წუთი ხალხს და სამშობლოს ეკუთვნის. შენ უნდა იყო უშიშარი და პირდაპირი, როგორც პავლიკ მოროზოვი, მამაცი და გაბედული, როგორც ვალოდია დუბინინი, ბეჯითი და დაუშარელი, როგორც ნათელა ჩელებაძე. დაეხმარე ადამიანებს ცხოვრების უკეთ გარდაქმნაში; იოლ გზას ნუ აირჩევ, იყავი იქ, სადაც ყველაზე მეტად ხარ საჭირო, — ეს უბრალო სიტყვები არაა, ეს არის ყველაზე დიდი პიონერული დავალება, შენ ხომ დღეიდან ჩვენი ხალხის დიდი საქმეების აქტიური მონაწილე ხარ. მონაწილე და არა მოწმე!

## პიონერთა მარში

მუსიკა რ. გაბიჩვაძისა

ლექსი კ. ქალაძისა

ჩვენ მოვდივართ და მოვიმღერთ, პიონერები,  
ვარდ-ყვავილებით გზას გვიფენენ მინდორ-ველები,  
ეს აღფრთოვანება ჩვენი ქვეყნის სიყვარულია,  
ხმა დაფდაფისა რომ გაისმის – ჩვენი გულია.

მისამღერი:

მაშ, ერთად ძმებო, ერთად ნათელ გზით,  
დღეს ხარობს გული მზით და ხალისით,  
ცა დილის შუქით თავის ღიმილს გვფენს,  
ცად აწვდილ დროშებს – ვაშა! აღისფერს!

ხვალ ჩვენი რაზმი ზღვას გასცურავს, ცად აფრინდება,  
რომ სიყვარულით ქვეყნის ბელადს უთხრას დიდება,  
მან ბრწყინვალეობით ბედნიერი გზა გაგვინათა  
და ჩვენც ამ ბაღნარს მოგვევლინეთ ვარდ-ყვავილებად.

მისამღერი:

ჩვენ კომკავშირი ერთად გვრაზმავს, გვაამხანაგებს,  
ჩვენ ავაშენებთ გმირულ შრომით ახალ ქალაქებს.  
ჩვენს ირგვლივ ცამდე აღმართული ღმერთი მთებია,  
ჩვენს ვაჟკაცობას, ჩვენს მარჯვენას ელოდებიან.

მისამღერი:

შენ მხოლოდ ოთხ წელს იქნები პიონერი. ეს არც ისე დიდი დროა, მაგრამ მთავარი ის არის, რომ საინტერესოდ და შინაარსიანად გაატარო ამ ოთხი წლის ყოველი დღე, ყოველი საათი. ამიტომ მიგიღეთ ჩვენს ორგანიზაციაში; ამიტომ აქვს განსაკუთრებული აზრი იმას, რომ იცხოვრო პიონერული კანონების მიხედვით. ყოველ წუთს, ყოველ საქმეში, ყოველი დიდი თუ პატარა დავალების შესრულების დროს გახსოვდეს საზეიმო დაპირების სიტყვები.

ისე უნდა იცხოვრო, რომ მუდამ შენი პიონერული ფიცის ერთგული დარჩე, სიხარული მოუტანო ადამიანებს.

## პ ი ო ნ ე რ ი

ჩვენ ვიწყებთ მოგზაურობას იმ საოცარ ქვეყანაში, პიონერთი რომ ეწოდება. ეს, მართლაც, ზღაპარივით ლამაზი ქვეყანაა თავისი გმირებით, საინტერესო ამბებითა და კანონებით. ამ ქვეყანას სიმღერებიც თავისი აქვს და ზეიმებიც თავისებური და მიმზიდველი. კოცონზე არაფერს ვამბობ, კოცონის ამბავი ხომ ისედაც კარგად იცით.

დღეს ოცდახუთი მილიონი შენი თანატოლი ატარებს პიონერის სახელს, უფროსილდება პიონერის ღირსებას. პიონერი ფრანგული სიტყვაა, ნიშნავს მუდამ წინმავალს, პირველს, მოწინავეს, ახლის წამომწყებს.

ალბათ, ვერაფერს იტყვის, პირველად ვის უწოდებს პიონერი. ძველ დროში, მრავალი წლის წინათ, პიონერს უწოდებდნენ იმას, ვინც პირველი შეაღწევდა გამოუკვლევ კუნძულზე ან ქვეყანაში და იქ დასახლდებოდა; პიონერს ეძახდნენ იმასაც, ვინც ახალ გზას გაიკაფავდა მეცნიერებაში, და იმასაც, ვინც რაიმე სასიკეთო სიახლეს წამოიწყებდა... ერთი სიტყვით, პიონერს უწოდებდნენ ყველას, ვისაც ადამიანებისათვის სიკეთე მოჰქონდა.

ჩვენი საუკუნე დიდი პიონერების საუკუნეა. ვლადიმერ ლენინი, იოსებ სტალინი, იაკობ სვერდლოვი, ფელიქს ძერჟინსკი, მიხეილ კალინინი, — შენ კარგად იცნობ ამ სახელებს. ისიც იცი, რომ მათ მთელი თავისი სიცოცხლე კაცობრიობის ნათელი მომავლისათვის ბრძოლას შესწირეს. მათთვის არავითარი დაბრკოლება არ არსებობდა — არც მეფის ძალადობა, არც კატორღა. ლენინმა ოთხი წელი გაატარა ციმბირში, ტაიგაში მივიწყებულ შუშენსკოეში. შემდეგ ცამეტ წელიწადს უცხოეთში ცხოვრობდა, მაგრამ ერთი დღითაც არ გაუწყვეტია კავშირი რუსეთის მუშათა

კლასთან, შეიარაღებული აჯანყებისათვის ამზადებდა მას. სტალინიც სამჯერ იყო ციხიბრში გადასახლებული, მაგრამ სამჯერვე გამოიქცა, რომ კვლავ სათავეში ჩასდგომოდა მუშათა მოძრაობას. დიას, მათთვის და მათი თანამებრძოლებისათვის არავითარი დაბრკოლება არ არსებობდა. მათ ახალი ნაშრომებით გაამდიდრეს მარქსისა და ენგელსის მოძღვრება კომუნიზმზე, შექმნეს მუშათა და გლეხთა პირველი თავისუფალი სახელმწიფო მსოფლიოში — საბჭოთა სოციალისტური რესპუბლიკების კავშირი.

ჩვენი ხალხი მათი ხელმძღვანელობით შეუდგა კომუნიზმის მშენებლობას. მათ — ლენინური გვარდიის ჯარისკაცებს — ამიტომაც ვუწოდებთ კომუნიზმის პიონერებს.

ხშირად გესმის სიტყვები: შრომისადმი კომუნიტური დამოკიდებულება. ეს სიტყვები ჩვენს ცხოვრებაში მხოლოდ ამ ოთხი ათეული წლის წინათ დამკვიდრდა. ჩვენს ხალხს შრომა შეუძლია, მას ოქროს ხელები აქვს, საქმეს არასოდეს გაქცევია. ეს განსაკუთრებით კარგად გამოჩნდა მაშინ, როცა ყველაფერი — მიწებიც, ფაბრიკებიც და ქარხნებიც — ხალხის საკუთრებაში გადავიდა, მუშებიც და გლეხებიც თავისთვის შრომობდნენ, თავისი სახელმწიფოსათვის, და შრომისადმი დამოკიდებულებაც შეიცვალა. ყველას ესმოდა — რაც მეტ მოსავალს მოიყვანდა, რაც უფრო მალე ააშენებდნენ ქარხნებს, ფაბრიკებსა და ელექტროსადგურებს, ცხოვრებაც მით უფრო გაუმჯობესდებოდა. ასე დაიწყო დამკვირვებელი შრომა-შეჯიბრება, რომ ერთ დღეში ორი და სამი დღის ნორმა შეესრულებინათ. ასე გამოჩნდნენ პირველი ხუთწლედის გმირები — დონეცკელი მადაროელი ალექსი სტახანოვი, ფეიქარი მარინა ვინოგრადოვა, ქვეყნის საუკეთესო მეფოლადე, კომკავშირელი შაკარ მაზაი, პირველი ტრაქტორისტი ქალი პაპა ანგელინა და ბევრი მათი თანამედროვე.

ამ ადამიანებმა ჩაუყარეს საფუძველი დამკვირვებელ შრომას, ხალხი მათ შემოქმედებითი შრომის პიონერებს უწოდებს.

სამართლიანად ამბობენ, კოსმოსისაკენ მიმავალი გზა კალუგაზე გადისო. აქ, კალუგაში, კოროვინის ქუჩაზე, ცხოვრობდა კონსტანტინე ციოლკოვსკი. მან ააგო პირველი აეროდინამიკური მილი, მან იხმარა პირველად ამ სამოცდათხუთმეტი წლის წინათ სიტყვა „რაკეტა“, საპლანეტათშორისო მოგზაურობის გეგმას რომ ამუშავებდა. მის სახლ-მუზეუმში არის აკადემიკოს სერგეი კოროლიოვის და კოსმონავტ იური გაგარინის სურათებიც. ციოლკოვსკი კოსმოსის ერთ-ერთი პირველი მკვლევარია, კოროლიო-



ვი — პირველი კოსმოსური ხომალდების კონსტრუქტორი, გაგარინი — პირველი კოსმონავტი. ადამიანი პირველად ამ სამი სახელით გაცვილდა თავის დედამიწას, დაადგა შორეული პლანეტებისაკენ მიმავალ გზას, უფრო ძლიერი და ყოვლისშემძლე გახდა. და მათ — შორეული სივრცის პირველ მკვლევარებს, — კოსმოსის პიონერებს ვუწოდებთ.

ჩვენი ხალხი მდიდარია ასეთი ადამიანებით. ყოველდღე გვესმის მეცნიერების, ტექნიკის, შემოქმედებითი შრომის პიონერების ახალი სახელები. ახლა შენც მათ რიგებში დგახარ, შენც პიონერი ხარ და ისე უნდა იცხოვრო, როგორც პიონერს შეპფერის. ეცადე, რომ ბევრითი სწავლით, შრომითა და პიონერული საქმეებით მხარი უსწორო უფროს ამხანაგებს — კომუნისტებს და კომკავშირელებს, ყველას, ვინც თავისი საქმის ნამდვილი პიონერია.

### პიონერის ღევიზი

ასეთია პიონერული ცხოვრების კანონი.  
მოწოდებაზე: „პიონერო, საბჭოთა კავშირის კომუნისტური პარტიის საქმისათვის საბრძოლველად იყავ მზად!“ — პიონერი უპასუხებს: „მზად ვარ!“

### წითელი დროშის ამბავი

მოსკოვში, ვლადიმერ ილიას ძე ლენინის ცენტრალურ მუზეუმში, თითქმის ნახევარი საუკუნეა ინახება ფრანგი მუშების საჩუქარი — კომუნარების წითელი დროშა. მეწამული ფერის ქსოვილს რომ უყურებ, თითქოს ისევ ცოცხლდებიან პარიზის კომუნის შორეული დღეები...

რაზე მოგვითხრობს კომუნარების დროშა?

ეს არის ამბავი ბოზოქარ წლებზე და ბრძოლებზე. ეს ამბავი 1832 წელს დაიწყო, როცა იენისის ერთ მზიან დღეს პარიზის ქუჩებში სისხლისფერი დროშა გამოჩნდა. ქალაქის მყუდროება დაირღვა, ქუჩებში ბარიკადები აღიმართა. აჯანყებული მუშები შეტევაზე გადადიოდნენ ბარიკადებზე დაღუპულთა სისხლში ამოვლებული დროშებით. ისინი ამით პატივს სცემდნენ თავიანთ თანამებრძოლებს და ფიცსაც აძლევდნენ, რომ თვითონაც სისხლის უკანასკნელ წვეთამდე იბრძოლებდნენ. პარიზის ბარიკადებზე ასე დაიბადა თავისუფლებისათვის ბრძოლის სიმბოლო — წითელი დროშა.

მუშათა აჯანყება დამარცხდა, მაგრამ პარიზის ქუჩებმა ორმოცი წლის შემდეგ კვლავ იხილეს რევოლუციის დროშები: 1871 წლის 18 მარტს პარიზი ისევ აჯანყდა. ბარიკადები წითელი



დროშებით იბრძოდნენ და იმარჯვებდნენ. პარიზის თავზე სამოცდათორმეტ დღეს ფრიალებდა კომუნარების წითელი დროშა.

კომუნამ მხოლოდ სამოცდათორმეტ დღეს იარსება, მისი სისხლისფერი დროშები კი ასლაც ფრიალებენ. სუთი წელიც არ იყო გასული, რომ წითელი დროშა პეტერბურგის ქუჩებშიც გამოჩნდა. იგი მუშათა პირველ დემონსტრაციას მიუძღოდა წინ. ეს იყო 1876 წელს.

დააკვირდი კომუნარების დროშას და მიხვდები, რომ წითელი ფერი სისხლის ფერია, რევოლუციის ბარიადეებზე, თავისუფლებისათვის ბრძოლაში დაღვრილი სისხლის ფერი. ამიტომ არის ჩვენი სახელმწიფო, პარტიული და კომკავშირული დროშებიც წითელი ფერისა. შენი რესპუბლიკის დროშაც, რაზმეულის დროშაც, რაზმის ალაშიც ამიტომ არის წითელი.

**პიონერული დროშა**

დროშა და ალაში — რევოლუციის საქმისადმი, კომუნისტური პარტიის საქმისადმი, საბჭოთა სამშობლოსადმი შენი ერთგულების სიმბოლოა. წითელი დროშის ღირსების დაცვა ყველა პიონერის უწმინდესი მოვალეობაა. ჩვენ ხომ წითელი დროშით ვუტყვედით ზამთრის სასახლეს, ვაშენებდით დნებარქვისა და ამურის კომკავშირულ ქალაქს, ვიცავდით მოსკოვსა და დარიალს, ვანადგურებდით მტერს, პირველ სამშვიდობო ხელს ვავლებდით ომგადახდილ მიწაზე. ჩვენი სამშობლოს ყველა მწვერვალზე და ყველა ხარაჩოზე რევოლუციის წითელი დროშა ფრიალებს.

შენ სწორედ ამ სისხლისფერ დროშასთან წარმოთქვი პიონერული ფიცი. ეს იმას ნიშნავს, რომ ერთგულება შეპფიცე პარტიას, ხალხს, კომკავშირს, ყველას, ვისი სისხლის წვეთებიც ურევია ამ დროშის ფერში.

1945 წლის მაისში, ბერლინის აღების შემდეგ, საბჭოთა ჯარისკაცებმა ერთ სარდაფში პიონერული დროშა იპოვეს. თურმე გესტაპოელებს ამ სარდაფში ჰყოლიათ ჩაკეტილი რუსეთიდან ჩამოყვანილი ბავშვები. დროშას სარდაფში ნესტი მოსდებოდა, მაგრამ მაინც ამაყად ფრიალებდა ბერლინის ნანგრევებზე, საბრძოლო დროშების გვერდით. ის უცნობი გმირებიც, ალბათ, ამაზე ოცნებობდნენ, რუსეთიდან ბერლინში უბით რომ ჩაიტანეს თავისი პიონერული დროშა. ახლა ეს დროშა კიევის 123-ე საშუალო სკოლაში ინახება.

„სწორება დროშაზე!“ — იძლევა ბრძანებას პიონერთა ხელმძღვა-

ნელი. ეს კი იმას ნიშნავს, რომ მოწინავე იყო ყველგან და ყველგან — სწავლაშიც, შრომაშიც, საზოგადოებრივ საქმიანობაშიც, სანიმუშოდ იცავდა პიონერის კანონებს, მთელი შენი სიცოცხლით ამართლებდე ნორჩი ლენინელის სახელს. აი, ეს არის სწორება წითელ რევოლუციურ დროშაზე.

რაზმეულის დროშა პიონერთა ოთახში ინახება, მისთვის სპეციალურად მოწყობილ კუთხეში. მის ერთ მხარეზე პიონერული ნიშანი და მოწოდებაა ამოქარგული, მეორე მხარეზე კი — რაზმეულის სახელწოდება. დროშა გამოაქვთ რაზმეულის შეკრების ან ხაზის ჩატარების დროს, პიონერთა რაიონულ და საქალაქო შეკრებებზე, აღლუმებსა და დემონსტრაციებზე, ყოველთვის, როცა რაზმეულის საბჭო ამას საჭიროდ ჩათვლის.

ყოველ რაზმს თავისი ალაში აქვს, ზედ რაზმის სახელწოდება და ნომერია ამოქარგული. ალაში გამოაქვთ რაზმეულისა და რაზმის შეკრებაზე, საზეიმო ხაზზე. რაზმი თავისი ალმით მიემართება ლაშქრობაში, ექსკურსიაზე, დემონსტრაციაზე, კოლექტიური პიონერული დავალების შესასრულებლად. რაზმის ალაშიც პიონერთა ოთახში ინახება, რაზმეულის დროშასთან ერთად.

რაზმის ალაში რაზმის ღირსებაა, ღირსება კი მხოლოდ ბეჯითი, მონდომებული და გაბედული ადამიანების მეგზურია. ამიტომ რაზმიც უნდა იყოს ბეჯითი, გაბედული, საინტერესო პიონერული საქმეების წამომწყები, მტკიცე და მეგობრული კოლექტივი. ყოველი პიონერი პასუხს აგებს თავისი რაზმისათვის, რაზმი კი — თითოეული პიონერისათვის. ასეთია რაზმის დევიზი.

## წითელი ყელსახვევი

დღეს პირველად გაგიკეთეს პიონერული ყელსახვევი. იცი, რატომ არის იგი წითელი? იმიტომ, რომ ეს ყელსახვევიც რევოლუციური დროშის ნაწილია. მისი სამი ბოლო სამი თაობის — კომუნისტების, კომკავშირელებისა და პიონერების — ურდვევი კავშირის სიმბოლოა.

ყელსახვევს უფრო დიდი ხნის ისტორია აქვს, ვიდრე თვით პიონერულ ორგანიზაციას. წითელ ყელსახვევებს ჯერ კიდევ 1919 წელს ატარებდნენ კომკავშირში შესვლაზე მეოცნებე ნორჩი კომუნისტები. იმდროინდელ ყელსახვევს მართკუთხედის ფორმა ჰქონდა. 1922 წელს, როდესაც ქალაქელი პიონერები სტუმრად ეწვივნენ სოფელ ბავშვებს, ყელსახვევები დიაგონალზე გაჭრეს. აი, ასე მიიღეს სამკუთხა ყელსახვევი.

**პიონერული  
ნიშანი**

პიონერულ ნიშანს სუთქიმიანი ვარსკვლავის ფორმა აქვს. ვარსკვლავის შუაგულში გამოხატულია ვ. ი. ლენინის სილუეტი და წარწერა — „მზად ვარ!“ ვარსკვლავს ზემოთ აღმართულია აღის სამი ენა, სამი თაობის — კომუნისტების, კომკავშირელებისა და პიონერების — ურღვევი კავშირის სიმბოლო.

პიონერები სამკერდე ნიშანს 1923 წლიდან ატარებენ. პირველ ნიშანზე გამოსახული იყო კოცონი, მის ფონზე — ჩაქური და ნამგალი, შუაზე კი — წარწერა: „იყავ მზად!“ ის პიონერული ნიშანი, რომელსაც შენ ატარებ, 1967 წელს შემოიღეს.

სუთქიმიანი ვარსკვლავი მარტო სამკერდე ნიშანზე კი არა, თითქმის ყველა პიონერულ ემბლემაზეა გამოსახული. შენც ხომ ვარსკვლავს ატარებდი, როცა ოქტომბრული იყავი!

**ამბავი  
წითელი  
ვარსკვლავისა**

საბჭოების წითელი ვარსკვლავი 1918 წლის 19 აპრილს დაიბადა, როცა სამხედრო საქმეების კომისარიატმა დაამტკიცა სამკერდე ნიშნის ნახაზი წითელი არმიის მებრძოლებისათვის. იმავე წელს გამოვიდა პატარა ბროშურა — „წითელი ვარსკვლავი“. აი, ამონაწერი ამ ბროშურიდან:

„შეხედე ამ წითელ ვარსკვლავს. თუ იცი, რას გამოხატავს იგი? ეს არის წითელი ვარსკვლავი — მშრომელებისა და ღირებულების დამცველი მუშურ-გლეხური წითელი არმიის ნიშანი.

შენ წითელ ვარსკვლავზე ხედავ გუთანს და უროს. იცი, რა არის ეს? ურო და გუთანი — ეს არის ქალაქის მუშებისა და სოფლის მხვეწელ-მთესველების ერთიანობის სიმბოლო. ისინი შეკავშირდნენ, რომ თავისი მიწა და თავისუფლება, მუშურ-გლეხური საბჭოთა ხელისუფლება და სოციალისტური სამშობლო სისხლის უკანასკნელ წვეთამდე დაიცვან მშრომელი ხალხის მტრებისა და ჯალათებისაგან — კაპიტალისტებისაგან, მემამულეებისაგან, კულაკებისაგან, უცხოელი მძარცველებისა და სხვა კონტრრევოლუციური გარეწრებისაგან.

შენი დამცველია მუშა და გლეხი — რევოლუციის ჯარისკაცი, სახელოვანი წითელი არმიის რიგებში რომ ჩადგა.

ასლა ჩაუფიქრდი და დაიმახსოვრე, რა დიადი სიმბოლოა ეს წითელი ვარსკვლავი“.

სამოქალაქო ომის წლებში ვარსკვლავის ორდენით აჯილდოებდნენ ყველაზე მამაც და გაბედულ მებრძოლებს. მერე რევოლუციის ჯარისკაცების ვარსკვლავი კრემლის კოშკებზეც აბრწყინდა: ოქტომბრის ოცი წლისთავის ზეიმის დღეებში კრემლის სუთ კოშკზე





აენთო საბჭოეთის ყველაზე მთავარი ვარსკვლავები. მათი მაკეტი საბჭოთა კავშირის სახალხო მხატვარმა ფ. ფედოროვსკიმ შექმნა. მოგვიანებით წითელი ვარსკვლავი ჩვენი სამშობლოს გერბზედაც გამოჩნდა, მუშათა და გლეხთა ერთიანობის სიმბოლო — გუთანის და ურო — 1922 წელს ჩაქუჩით და ნამგლით შეცვალეს.

სამამულო ომის დროს ბრუსტის ციხე-სიმაგრის დამცველები ვარსკვლავებს ხატავდნენ ყუმბარებისაგან ამომწვარ კედლებზე. ალბათ, შენც იცი გრიგოლ სხულუხიას ამბავი: განრისხებულმა მტრებმა, როცა ვერ გამოტყუეს, მკერდზე ხუთქიმიანი ვარსკვლავი ამოსჭრეს და შერე ცოცხალი კაცი ცეცხლში ჩააგდეს. ვარსკვლავი იყო გამოსახული იმ ყუმბარებზედაც, მტერს რომ ვუშენდით. ჩვენი ხალხი გმირის ოქროს ვარსკვლავით აღნიშნავს თავისი საუკეთესო შვილების თავდადებულ შრომას და ბრძოლას. ასე იქცა წითელი ვარსკვლავი ჩვენი სამშობლოს, საბჭოთა სოციალისტური რესპუბლიკების კავშირის ემბლემად.

„ახლა ჩაუფიქრდი და დაიმახსოვრე, რა დიადი სიმბოლოა ეს წითელი ვარსკვლავი“.

ამ სიტყვებით შენც მოგმართავენ, ხუთქიმიანი ვარსკვლავი ხომ შენს მკერდზედაც ბრწყინავს!

## პიონერული სალუტი

პიონერთა რიგებში როცა გიღებდნენ, ალბათ, შეამჩნიე, რომ პიონერები საღმით შეხვდნენ რაზმეულის დროშას: თავს ზემოთ აღმართეს მარჯვენა ხელის მჭიდროდ შეკრული ხუთი თითი. აი, ეს არის პიონერის მისალმება — სალუტი. მჭიდროდ შეკრული ხუთი თითი ხუთი კონტინენტის ბავშვების შეგობრობას ნიშნავს. თავს ზემოთ აღმართული ხელი კი იმის ნიშანია, რომ პიონერი საერთო ინტერესებს თავის თავზე მალა აყენებს.

ნორჩი ლენინელები პიონერულ სალუტს იღებენ საბჭოთა კავშირის ან მოძმე რესპუბლიკების ჰიმნის, პარტიული ჰიმნის — „ინტერნაციონალის“ — შესრულების დროს. პიონერული სალუტით ხვდებიან წითელ დროშას, სალუტს იღებენ ვ. ი. ლენინის მავზოლეუმთან, ჩვენი სამშობლოს თავისუფლებისა და დამოუკიდებლობისათვის მებრძოლთა ობელისკებთან, უცნობი ჯარისკაცის საფლავთან.

სალუტს იღებენ მაშინ, როცა პიონერულმძღვანელებს, პიონერების ან საბჭოთა არმიის მეთაურების მწყობრს ხვდებიან, და მაშინაც, როცა პიონერულ მოწოდებაზე უპასუხებენ.

## დოლი

ყველა თაობის პიონერების ძველი და ერთგული მეგობარია დოლი. სადაც უნდა იყოს რაზმი — საჭეიშო ხაზზე, ლაშქრობაში, სპორტულ ზეიმზე თუ საპირველმაისო დემონსტრაციაზე, — მას ყველგან თან ახლავს პიონერული დოლი. ჰკითხე შენს უფროს მეგობრებს, რას ახსენებს მათ პიონერული დოლის ხმა, და ისინი აუცილებლად გაიხსენებენ პირველ მწყობრს, პირველ შეკრებებს და ლაშქრობებს. გაიხსენებენ არკადი გაიდარის მოთხრობას „მედოლის ბედი“, კინოფილმს „მარჯვედ, მედოლევ!“ პირველი პიონერების ცხოვრებას რომ ასახავს.

წაიკითხე ეს წიგნი, ნახე ეს კინოფილმი, იქნებ შენი რაზმეულის პირველ მედოლეებსაც მიაგნო. გაესაუბრე მათ და მიხედობი, რატომ ყლერს ასე ამაყად ეს სიტყვები — რაზმეულის მედოლე.

## საყვირი

საყვირი პიონერული დოლის დვიძლი ძმა, რაზმის მუდმივი თანამგზავარია. რაზმი საყვირის ნიშანზე იწყებს ლაშქრობას, მიემართება კოლექტიური დავალებების შესასრულებლად; საყვირის ხმაზე იღვიძებს პიონერთა ბანაკი, ჩვენი სამშობლოს საზღვრების სადარაჯოზე გადაიან მესაზღვრეთა ნორჩი მეგობრები; საზეიმო ხაზზე დოლისა და საყვირის თანხლებით გამოაქვთ რაზმეულისა და რაზმის დროსა. მაგრამ ზოგჯერ...

მოსკოვის პიონერთა სასახლეში დგას პატარა მესაყვირის ბრინჯაოს ქანდაკება. საყვირი მაღლა აქვს შემართული, თითქოს ისევე შეკრებისაკენ მოუწოდებს ნორჩ სპარტაკელებს.

ეს ამბავი გერმანიის ქალაქ პალეში მოხდა 1925 წლის 13 მარტს. სახალხო პარკში, მუშათა მიტინგზე, სიტყვით უნდა გამოსულიყო ერნსტ ტელმანი. მიტინგების ჩატარება აკრძალული იყო. მუშები მალულად იკრიბებოდნენ. აქ იყო პატარა მესაყვირეც, გადაბრუნებულ ურიკაზე იდგა და თავის განუყრელ საყვირს წმენდდა.

მიტინგი დაიწყო თუ არა, ხეებს შორის პოლიციელებიც გამოჩნდნენ. პატარა მესაყვირემ პირველმა დაინახა ისინი და საყვირი მოიმარჯვა, რომ მუშები გაეფრთხილებინა. რომელიღაც პოლიციელი მიიჭრა მასთან, მაგრამ ბიჭი შემოტრიალდა და საყვირი თავში ჩაატყა. იმწამსვე რამდენიმე მუშაც წამოეშველა. და როცა პოლიციელებმა ტყვიები დაუშინეს მუშებს, ერთმა ტყვიამ პატარა მედოლევ იმსხვერპლა.



ასე დაიღუპა ნორჩი სპარტაკელთა პატარა მესაყვირე, თოთხმეტი წლის ფრიც ვაინეკი.

მასზე ახლა წიგნებს წერენ და სიმღერებს თხზავენ, გერმანიის დემოკრატიულ რესპუბლიკაშიც და ჩვენშიც ბევრი რაზმი ატარებს მამაცი მესაყვირის სახელს. აქ კი, ლენინის მთებზე, პიონერთა სასახლეში, ათი წელია დგას ნორჩი მესაყვირის ბრინჯაოს ქანდაკება.

ფრიც ვაინეკს საყვირი მაღლა აქვს შემართული, თითქოს ისევ შეკრებისკენ მოგვიწოდებს...

**პიონერული  
საქმეები**

„საჭიროა პატიოსნად იცხოვრო, საჭიროა ბევრი იშრომო, საჭიროა ძლიერ გიყვარდეს და უფროთხილდებოდე ამ დიდ, ბედნიერ მიწას, რომელსაც საბჭოთა კავშირი ჰქვია“. — ასე წერს ერთ თავის მოთხრობაში არკადი გაიღარი. შესანიშნავი სიტყვებია, მართალი და ჭკუის სასწავლებელი.

„საჭიროა...“ ეს სიტყვა ბრძანებასავით მოკლეა და პირდაპირი. მილიონობით შენი თანატოლისათვის მოწოდებად გაისმოდა იგი ოციან წლებში, როცა პირველი პიონერები ანბანს ასწავლიდნენ წერა-კითხვის უცოდინარ მუშებსა და გლეხებს, ფულს აგროვებდნენ ბავშვთა სახლების ასაშენებლად. ასე იყო ოცდაათიან წლებშიც, როცა პიონერები კულაკებს ებრძოდნენ, აწყობდნენ ლაშქრობებს ბუნების დასაცავად, იღებდნენ ბამბისა და სიმინდის უხვ მოსავალს. სამამულო ომის წლებშიც ხომ ასე იყო — ათასობით პოლკის შეილობილი და ნორჩი პარტიზანი ებრძოდა მტერს, უფრო მეტი კი ზურგში მუშაობდა, რომ ფრონტს შაშხანა და პური არ მოჰკლებოდა.

ამ ორი ათეული წლის წინათ პიონერებს მადლობას ეუბნებოდნენ აბაკან-ტაიშეტის რკინიგზის ასაგებად შეგროვებული ჯარითისათვის. გაივლის დრო და სამოცდაათიანი წლების პიონერებსაც მადლობას გადაუხდიან შუშენსკოეს ჰიდროელექტროსადგურისა და ვოლჟსკის გიგანტური ავტოქარხნის მშენებლები. და განა მარტო ისინი, დღეს ოცდახუთი მილიონი შენი თანატოლი მწვანე საგუშაგოზედაც დგას და ჩუკოტკაზე მეგობრობის სასახლესაც აშენებს, ხელში წიგნიც უჭირავს და მშენებლის ქაფჩაც. სხვაგვარად არც შეიძლება. სახლი რომ ააშენო, ცოდნაა საჭირო, ცოდნას კი შრომა უყვარს.

სამოცდაათიანი წლების დასაწყისში ახალი საქმეებით შეივსო

პიონერული ცხოვრების მატრიანე. ეს არის მარშრუტები: „ცოდნის სამყაროში“, „პიონერმშენი“, „საბჭოთა კავშირი ჩემი სამშობლოა“, „თემურელი“, „ძლიერნი, გამბედავნი, მარდნი“, „მშვენიერების სამყაროში“, „ვარსკვლავი“, „მშვიდობა და სოლიდარობა“.

**„სსრ კავშირი — ჩემი სამშობლო“.**

„სსრ კავშირი — ჩემი სამშობლო“. იცით, რატომ არის იგი ყველაზე მთავარი? იმიტომ, რომ შენ უნდა შეისწავლო ჩვენი სოციალისტური სამშობლოს ისტორია, კომუნისტური პარტიის, საბჭოთა ხალხის, ლენინური კომკავშირის, ვ. ი. ლენინის სახელობის საკავშირო პიონერული ორგანიზაციის რევოლუციური, საბრძოლო და შრომითი ტრადიციები. ეს არის გმირული ბრძოლისა და სასახელო შრომის ტრადიციები, შენი მშობლიური ხალხის ყველაზე ძვირფასი, ყველაზე სანუკვარი, ყველაზე უწმინდესი ტრადიციები, და ახლა, პიონერი რომ გახდი, შენც ამ ტრადიციების დამცველთა და გამგრძელებელთა რიგებში ჩადექი!

იყო დრო, როცა მსოფლიოში ეჭვის თვალით უცქეროდნენ ჩვენს ქვეყანას. მაგრამ ამ ორმოცდაათი წლის მანძილზე ჩვენი ქვეყანა ისე გაძლიერდა, რომ მსხვილი კაპიტალისტური სახელმწიფოებიც კი ცდილობენ ჩვენთან ურთიერთობის გაუმჯობესებას. მართლაც, ბევრი რამ გვაქვს საამაყო: პირველად ჩვენს ქვეყანაში ამუშავდა ატომური ელექტროსადგური. პირველი ატომური ყინულმჭრელიც ჩვენში ააგეს. დედამიწის პირველ ხელოვნურ თანამგზავრებზედაც, კოსმოსურ ხომალდებსა და მთვარემაველებზედაც ხომ ჩვენი სამშობლოს გერბი იყო.

როგორ მიადრწია საბჭოთა ხალხმა ყოველივე ამას? როგორი გზა გაიარა ჩვენმა სამშობლომ? მოძმე რესპუბლიკებმა? როგორ მტკიცდებოდა და ვითარდებოდა ერთა ძმური კავშირი, დღეს თავის რიგებში ას ოცდაათი სხვადასხვა ეროვნების ხალხს რომ აერთიანებს? როგორ შეიცვალა ამ ორმოცდაათი წლის მანძილზე შენი რესპუბლიკა, შენი ქალაქი, შენი კუთხე, თუნდაც შენი ზოფელი? ამ კითხვებზე პასუხის გაცემა ყველა პიონერს უნდა შეეძლოს. პიონერული მარშის დებულება ამიტომ მოითხოვს შენგან, რომ შეისწავლო ჩვენი ქვეყნის შექმნის ისტორია, საბჭოთა ხალხის რევოლუციური, საბრძოლო და შრომითი ტრადიციები, გაეცნო უფროსების მიერ მეცხრე ხუთწლედში მიღწეულ წარმატებებს, დაუმეგობრდე მოძმე რესპუბლიკების პიონერებს.



რაზმში მოაწყვეთ შეკრებები „ჩემი სამშობლოს რუკასთან“ იმოგზაურეთ რევოლუციური, საბრძოლო და შრომითი დიდების ადგილებში, ჩაატარეთ ლაშქრობები და ექსკურსიები მშობლიური მხარის შესასწავლად, ეწვიეთ მშენებლობებს, შეხვდით ხუთწლედის მოწინავე ადამიანებს, მოუარეთ სამშო საფლავებსა და გმირთა ობელისკებს, რაზმში მოაწყვეთ მეგობრობის კუთხე ან მუზეუმი. შორეული მხარიდან მიღებული უბრალო ღია ბარათიც კი ძვირფასი ექსპონატია ასეთი მუზეუმისათვის, იგი ხომ მეგობრის ხელით არის დაწერილი.

იყო წითელი კვალისმაძიებელი, საბრძოლო და შრომითი დიდების მწვერავი, — ეს იმას ნიშნავს, რომ საკუთარი თვალით ნახო და გულით იგრძნო, თუ რა შეუძლია ხალხთა მეგობრობას, რამდენ გამოცდას და განსაცდელს გაუძლო ხალხის ერთიანმა მარჯვენამ, რამდენი სიკეთე მოუტანა მან სხვადასხვა კონტინენტზე მცხოვრებ ადამიანებს.

„პიონერები ეცნობიან ვ. ი. ლენინის, მისი თანამებრძოლების ცხოვრებასა და მოღვაწეობას, კომუნისტური პარტიისა და ლენინური კომკავშირის გმირულ გზას, იზრდებიან ლენინის ანდერძისადმი, სამშობლოსადმი, პარტიისადმი, კომუნიზმისადმი ერთგულ ადამიანებად“, — ასეთია ამ მარშრუტის მოთხოვნა. ეს იმას ნიშნავს, რომ შენც სწორედ ასეთი მოქალაქე უნდა გახდე.

შენგან მოითხოვენ, რომ თვალისჩინივით გაუფრთხილდე წითელი ყელსახვევის ღირსებას, პიონერულ დროშას, შეისწავლო პიონერული ორგანიზაციის ისტორია, მისი ტრადიციები, რაზმთან ერთად შენი საქმეებით ახალი ფურცლები ჩაწერო რაზმეულის მატრიანში. რაზმში საქმე ისე უნდა ააწყოთ, რომ ყველა მოსწავლემ იცოდეს ჩვენი ორგანიზაციის ისტორიის ძირითადი მოვლენები, ტრადიციები, სიმბოლიკა და რიტუალები, პიონერებისა და პიონერხელმძღვანელების საბრძოლო და შრომითი გმირობის ამბები, მწყობრში სიარული და სამწყობრო პიონერული სიმღერები, პარტიული ჰიმნი „ინტერნაციონალი“. შეაგროვეთ მასალები თქვენი რაზმეულის, ქალაქისა და სოფლის პიონერული ორგანიზაციის ისტორიისათვის, მოაწყვეთ შეკრებები და პიონერული მამაცობის კოცონები, შეხვდით პირველ პიონერებს, ისინი გაამბობენ, როგორ ესმოდათ პიონერთა თაობებს წითელი რევოლუციური დროშისადმი სწორება.

კარგად დაიხსომე: ნამდვილი პიონერი ის არის, ვინც სანიმუშოდ ასრულებს საბჭოთა კავშირის პიონერთა კანონებს, მოსწავ-



ლეთა ქცევის წესებს სკოლაში, შინ, ქუჩასა და საზოგადოებრივ ადგილებში, მომთხოვნია თავისი თავისადმი, მტკიცე ხასიათისაა, დისციპლინიანი და ზრდილობიანი, ებრძვის წესრიგის დამრღვევებს, უხეშობას, გულგრილობას, კონტროლს უწევს საკუთარ საქციელს, ყურადღებით ეკიდება ამხანაგების რჩევას, სანიმუშოდ ასრულებს ყოველ პიონერულ დავალებას, უფრთხილდება რაზმის ღირსებას, იცავს მის ინტერესებს, ახსოვს პიონერული ცხოვრების კანონი — ყოველი პიონერი იბრძვის რაზმის სახელისათვის, რაზმი ზრუნავს თითოეულ პიონერზე. საკმარისია თუ არა ყველაფერი ეს, რომ სამაგალითო იყო სხვებისათვის? რა თქმა უნდა, საკმარისია. თანაც, ისიც ხომ უნდა გავითვალისწინოთ, რომ აქტიურ მონაწილეობას მიიღებ რაზმის შეკრებებსა და „პიონერული ფარნის“ რეიდებში, ამხანაგებს დაეხმარები ქუჩაში მოძრაობის წესების შესწავლასა და დაცვაში. აი, ამ შემთხვევაში შეგეძლება იმის თქმა, რომ შენც სიკეთეს ემსახურები.

მარბრუტი „სსრ კავშირი ჩემი სამშობლოა“ ძალიან ბევრ საინტერესო მოგზაურობას გაბირდება. მხოლოდ ნუ დასჯერდება იმას, რაც აქ არის აღწერილი, ეს ხომ ზღვაში წვეთია იმასთან შედარებით, რაც შენ და შენმა მეგობრებმა უნდა გააკეთოთ!

**„ცოდნის  
საწყაროში“**

ამ რამდენიმე წლის წინათ ეგვიპტის ერთ-ერთ პირამიდაში ძველისძველი ქიმიური ლაბორატორია აღმოჩნდა. როცა მეცნიერებმა შეისწავლეს იგი, გამოიჩინა, რომ ძველ ეგვიპტეშიც კარგად სცოდნიათ საწარმოო ქიმიის ბევრი საიდუმლო.

უხსოვარი დროიდან ვითარდება ასტრონომია — მეცნიერება, რომელიც სწავლობს ცის სხეულებს. ჯერ კიდევ ჩვენი შორეული წინაპრები იკვლევდნენ გზას ვარსკვლავების მეოხებით უცხო მხარეში. ძველ საბერძნეთში შეეძლოთ წინასწარ განესაზღვრათ მზისა თუ მთვარის დაბნელების დრო.

მათემატიკურმა მეცნიერებამაც განვითარების ათასწლოვანი გზა გაიარა, სანამ უმარტივესი ანგარიში უმაღლესი მათემატიკის კანონებამდე მიაღწევდა. დღეს ხომ ამ კანონების გარეშე შენობასაც ვერ ააგებ, ახალ მანქანასაც ვერ შექმნი.

ასევე ითქმის კიდევ ბევრ სხვა მეცნიერებაზე, ასწლობითა და ათასწლეულობით რომ ვითარდებოდა. მთელ ამ ცოდნას, კაცობრიობა ათასწლეულობით რომ იძენდა, შენ სკოლაში სწავლის ათი

წლის მანძილზე დაეუფლები. ასე რომ, სკოლაში გატარებული ეს ათი წელი მრავალი ასეული წლის ტოლია.

პითაგორას თეორემის შესწავლას ორი საათიც არ სჭირდება, მისი სახელგანთქმული ავტორი კი, ვინ იცის, რამდენ წელიწადს ფიქრობდა მასზე. საკმარისია გავეცნოთ მენდელეევის პერიოდულ სისტემას, რომ გავიგოთ, რომელი ქიმიური ელემენტებისაგან შედგება ჩვენი სამყარო. ამ სისტემის შექმნამდე კი რამდენი შრომა, გარჯა და ძიება დასჭირდათ მსოფლიოს ქიმიკოსებს. მენდელეევიც ზომ ამ საქმეს შესწირა მთელი სიცოცხლე!

რა იოლია ახლა აფრიკისა თუ ამერიკის გაცნობა. რუკები და სახელმძღვანელოები დაწვრილებით გვიამბობენ შორეული ქვეყნებისა და კონტინენტების კლიმატზე, ცხოველთა და მცენარეთა სამყაროზე, მოსახლეობაზე. მაგრამ რა დიდი შრომა, აურაცხელი საფრთხის გადალახვა და ხშირად თავგანწირვაც სჭირდებოდათ მოგზაურებსა და მკვლევარებს, რომ ასე ბევრი რამ გვეცოდნოდა დღეს.

ცოდნამ, მართლაც, ზღაპრულად გარდაქმნა ჩვენი ცხოვრება. ყველამ კარგად იცის, როგორ ოცნებობდნენ ჩვენი წინაპრები ჯადოსნურ სარკესა თუ მფრინავ ხალიჩაზე. ამ ოცნებათა ახდენა კი მხოლოდ ცოდნას შეეძლო. ადამიანს ახლა აქვს საშუალება დააკვირდეს ბალახის ზრდას, მოუსმინოს თევზების ლაპარაკს, ჩაეშვას ოკეანის ფსკერზე, აფრინდეს კოსმოსში, ქვანახშირისაგან მიიღოს ლამაზი ქსოვილი, ხისგან — ბეწვის ქურქი, საამქროს განაგებს კიბერნეტიკული მანქანა, ერთი მანქანა ას და ათას მუშას ცვლის, — ეს უკვე აღარ არის ფანტასტიკა. ეს სინამდვილეა!

რა თქმა უნდა, ყველაფერი ერთბაშად არ გაკეთდება, მაგრამ არაფერია ისეთი, რის შესწავლა და ახსნაც არ ხერხდებოდეს. ამ ასი წლის წინათ ერთი ფრანგი მეცნიერი ამბობდა, კაცობრიობა ვერ შეიტყობს, რა ნივთიერებებისაგან შედგება მზე, რადგან მფრინავი აპარატი ამ მნათობის ზედაპირს ვერასდროს ვერ მიუახლოვდებაო. მაგრამ მას შემდეგ ასი წელიც არ გასულა და, აი, ადამიანმა შეძლო მზის ქიმიური შემადგენლობის განსაზღვრა. თურმე ციური სხეულები დიდად არ განსხვავდებიან დედამიწისაგან. სხვაგვარად არც შეიძლება, დედამიწაც ზომ ციური სხეულია, როგორც მარსი და ვენერა, მზე და მთვარე.

ცოდნა ძალაა! პირველად ეს სიტყვები ოთხასი წლის წინათ ითქვა. მეცნიერება კიდევ უფრო ძირფესვიანად გარდაქმნის ჩვენს



ცხოვრებას — ჩვენს სახლებს, ქარხნებსა და ფაბრიკებს, სოფლის მეურნეობას, ტრანსპორტს. ამისათვის საჭიროა ცოდნა, ახლის შესწავლა და განვითარება.

შენ დიდი და ნათელი გზა მიგიძღვის ცოდნის სამყაროში. შენს ყველაზე მთავარ პიონერულ დავალებას ცოდნის სამყაროში მოგზაურობა ჰქვია. რაც უფრო მეტს ივლი წინ, მით უფრო მომხიბვლელ და საინტერესო სივრცეებს გადაშლის შენ წინ მეცნიერება. ეს ისეთი მოგზაურობაა, საიდანაც უკან დაბრუნება არ სურს ადამიანს, რადგან იგი სულ უფრო და უფრო ღრმად იჭრება ცოდნის წარმტაცსა და უსაზღვრო სამყაროში.

**რას  
გოითხოვნი  
შენგან?**

რას ნიშნავს შენთვის მოგზაურობა ცოდნის სამყაროში? ამ კითხვაზე თითქოს დაუფიქრებლადაც შეიძლება პასუხის გაცემა: — ბეჯით სწავლას!

მაგრამ მართო ეს არ არის საკმარისი, და, აი, რატომ: არ იფიქრო, თითქოს სწავლა შენი პირადი საქმეა, როგორც გინდა, ისე ისწავლი. მოგწონს გეოგრაფია — ფრიადზე სწავლობ, არითმეტიკას კი რატომღაც გული ვერ დაუდე და — საშუალოც საკმარისია. იქნებ, მართლაც, ასე ფიქრობდი ადრე? ახლა პიონერი ხარ, ახლა ამ საქმეს უფრო სერიოზულად უნდა მოეკიდო. ცოდნის შეძენა განა უბრალო მიზანია ცოდნა საჭიროა, როგორც შაშხანა ბრძოლაში — ამბობდა ნადეჟდა კონსტანტინეს ასული კრუპსკაია. შენ და შენმა მეგობრებმა სწორედ მისი დახმარებით უნდა აშენოთ ჩვენი ქვეყნის ხვალისდელი დღე.

ამიტომ არ არის საკმარისი, რომ მხოლოდ შენს თავზე და შენს ნიშნებზე იზრუნო, შენი წიგნების მეტს არაფერს ხედავდე. ახლა თვითონაც უნდა იბეჯითო და სხვასაც დაეხმარო სწავლაში. — აი, ეს არის მთავარი.

დაეხმარე შენი რაზმის პიონერებს საყოველთაო სწავლების საგუშაგოს მოწყობაში, რომ თქვენი კოლექტივის ყველა წევრი სერიოზულად ეკიდებოდეს სწავლას. უმიზეზოდ არ აცდენდეს გაკვეთილებს, არ არღწევდეს დღის რეჟიმს, არ დაიწყოს ქურჩა-ქურჩა უქმად ხეტიალი. პირველკლასელებზედაც უნდა იფიქრო. გააცანი მათ შენი მშობლიური სკოლის ტრადიციები, წაუკითხე ახალი წიგნები, ასწავლე ოქტომბრელთა წესები და თამაშები. იქნებ თქვენს სკოლაში გახანგრძლივებული დღის ჯგუფებიც არის? ჰოდა, თუ არის, მაშინ ამ ჯგუფების მეცადინეობაზედაც შეიხედე,

დაეხმარე უმცროსი კლასის მოსწავლეებს საშინაო დავა-  
ლების შესრულებაში. იქნება საინტერესო ექსკურსიაც მო-  
აწყობ მათთვის?

გაკვეთილი მხოლოდ ორმოცდახუთ წუთს გრძელდება, მაგრამ  
განა ეს ორმოცდახუთი წუთი ყველაფრისათვის საკმარისია? რა  
თქმა უნდა, არა. აი, ამიტომაც გამოიგონეს სხვადასხვა სასკოლო  
წრეები, სამეცნიერო კლუბები, ოლიმპიადები, კონკურსები, კონ-  
ფერენციები. შენს სკოლაშიც არის ბევრი ასეთი წრე. იქნებ საც-  
დელი ნაკვეთი ან სათბურიც იყოს, სადაც საინტერესო ცდების  
ჩატარება და ახალი ჯიშების გამოყვანაც შეიძლება? ჩაეწე-  
რე ერთ ასეთ წრეში. მეგობრებსაც ურჩიე, რომ მხოლოდ გაკ-  
ვეთილზე მიღებული ცოდნით არ დაკმაყოფილდნენ. ეს თქვენს  
მოგზაურობას ცოდნის სამყაროში კიდევ უფრო საინტერესოს და  
მიმზიდველს გახდის.

პატარა რომ იყავი, ალბათ, შენც ოცნებობდი თვითმფრინავებ-  
სა და ავტომანქანებზე, გემებსა და კოსმოსურ რაკეტებზე. ახლა  
ყველა ქალაქში და რაიონში არის პიონერთა სახლი, ნორჩ ტექნი-  
კოსთა და ნატურალისტთა სადგური, სადაც თვითმფრინავებისა და  
გემების მოდელებს აკეთებენ, ამუშავებენ პიონერულ რადიოსად-  
გურებს, აკვირდებიან მცენარეებსა და ცხოველებს, აწყობენ არქეო-  
ლოგიურ ექსპედიციებსა და ტურისტულ ლაშქრობებს. ახლა ეს  
ექსპედიციები და ლაშქრობები შენც გელიან, რომ თვითონაც ის-  
წავლო და სხვასაც დაეხმარო იმის შესწავლაში, რაც შენს სასკო-  
ლო სახელმძღვანელოებში არ წერია.

ეცადეთ, რომ თქვენს რაზმშიც შექმნათ ცნობისმოყვართა  
კლუბი, ჩაატაროთ ნორჩი მათემატიკოსების, ისტორიკოსებისა  
და ლიტერატორების კონკურსები. რაზმის შეკრებებზე მოიწვიეთ  
მეცნიერები, ინჟინრები, აგრონომები, ექიმები. დაინტერესდი, კი-  
თხულობენ თუ არა შენი ამხანაგები ჟურნალებს და გაზეთებს,  
შენი რგოლიდან რამდენი პიონერია ჩაწერილი ბიბლიოთეკაში,  
როგორ უვლიან წიგნებს, ვინ არის მათი საყვარელი ლიტერატუ-  
რი გმირი. ეს რომ გეცოდინება, შენი ინიციატივით შეიძლება  
რაზმში ჩაატაროთ საბავშვო წიგნის კვირეული, იმოგზაუროთ სა-  
ინტერესო ამბების ქვეყანაში, გამართოთ პატარა საკლასო ბიბ-  
ლიოთეკაც, შეხვდეთ მწერლებსა და პოეტებს. ესეც ხომ ცოდნის  
სამყაროში მოგზაურობაა!

შენც იბეჯითე და სხვასაც დაეხმარე უკეთ სწავლაში, — აი,  
რას მოითხოვს შენგან საკავშირო პიონერული მარში.



**შენი  
„პიონერ-  
შენი“**

„ვ. ი. ლენინი. ახალგაზრდობის კავშირთა ამოცანები“, — აწერია ყდაზე. ეს სიტყვა ვლადიმერ ილიას ძე ლენინმა კომკავშირის მესამე ყრილობაზე წარმოთქვა 1920 წლის 2 ოქტომბერს. შენ ამ წიგნში წაიკითხავ: ახალგაზრდა თაობამ „თავისი სწავლის ყველა ამოცანა ისე უნდა დააყენოს, რომ ყოველდღე, ყოველ სოფელში, ყოველ ქალაქში ახალგაზრდობა პრაქტიკულად წყვეტდეს საზოგადო შრომის ამა თუ იმ, თუნდაც სულ მცირე, სულ უბრალო ამოცანას“. იცი, ეს რას ნიშნავს?

იმას, რომ მართლაც წიგნებით ცხოვრება არ შეიძლება. ცოდნას თავისთავად არაერთგვაროვანი ფასი არა აქვს, თუ მას ადამიანი პრაქტიკულად არ იყენებს ცხოვრებაში. აბა, წარმოიდგინე, რას გვარგია მიწაში ჩამარხული ოქრო? სწავლაში ხომ უნდა იბეჯითო, მაგრამ შრომაშიც და პიონერულ საქმეებშიც პირველი უნდა იყო. ეცადე, შენი ცოდნა საზოგადო შრომაში გამოიყენო, — აი, მაშინ იქნები ნამდვილი პიონერი.

შენ უკვე იცი, როგორ ეხმარებოდნენ პირველი პიონერები მაგნიტის მშენებლებს და სოფლის მშრომელებს. „პიონერმშენს“ სწორედ მაშინ ჩაეყარა საფუძველი, იგი ახლა ახალი საქმეებისაკენ მოუწოდებს სამოცდაათიანი წლების პიონერებს: შენ უნდა იცოდე, როგორია მეთე ხუთწლედის მთავარი ამოცანები, როგორ ასრულებენ ჩვენი რესპუბლიკის მშრომელები კომუნისტური პარტიის XXV ყრილობის გადაწყვეტილებებს, როგორ შეიცვლება ჩვენი სამშობლოს რუკა ამ ხუთი წლის მანძილზე. რაზმსაც ხომ აქვს თავისი ხუთწლედი — პიონერული საქმეების მატიანე. ესაა პიონერული ფოლადი, ტრაქტორები და ელმავლები, შენი ამხანაგების მიერ შეგროვებული ჯართისაგან რომ არის აგებული; პიონერთა სასახლე შორეულ ჩუკოტკაზე, მთელი პიონერთი რომ აშენებს; ოპერაცია „თეთრი ფარი“ — პიონერული მაკულატურისაგან დამზადებული წიგნები და რვეულები; „მწვანე საგუშაგო“ — საცხოვრებელი კვარტალების, ქუჩებისა და ხეივნების გამწვანება; მუშაობა მოსწავლეთა საწარმოო ბრიგადებში, ახალი სახლების მშენებლობაზე, ჩაის პლანტაციებში, ბაღებსა და ვენახებში, ყველგან, სადაც შენი მარჯვენა საჭიროა.

მშობლიური სკოლაც არ უნდა დაივიწყო, ახლა შენ ხარ მისი ბატონ-პატრონი. თვალისჩინივით უნდა გაუფრთხილდე შენს საკლასო ოთახს, შენს მერხს, სასკოლო ქონებას, სახელმძღვანელოებს. ამხანაგებთან ერთად სასკოლო სახელოსნოში შეაკეთე ხოლმე დაზიანებული მერხები და დაფები, დაამზადე სასწავლო ხელ-

საწყობები, იზრუნე სკოლის ეზოს გამწვანებასა და კეთილმოწყობაზე, იმაზე, რომ ზაფხულში სკოლის შენობის შეკეთებაზე თქვენი რაზმის პიონერებმაც იმუშაონ. მოაწყვეთ შეხვედრები სოციალისტური შრომის გამორებთან, სახელოვან ადამიანებთან, ჩაატარეთ ხელმარჯვე ოსტატების კონკურსები, „შრომის დიდების“ შეკრებები. შეადგინეთ „პიონერმშენის“ რუკა და მატრიანე, სადაც თქვენი რაზმის საქმეებს აღწერთ, შეიტანთ მოწინავე პიონერების გვარებს.

და თუ შენც მოხვდები რაზმის მატრიანეში, მაშინ შეგიძლია თქვა, რომ „პიონერმშენის“ აქტიური მონაწილე ხარ.

მხოლოდ ერთი რამ გახსოვდეს:

რასაც უნდა აკეთებდე, რა უმნიშვნელო საქმესაც უნდა მოჰკიდო ხელი, ყველაფერი კეთილსინდისიერად გააკეთე, საქმე აუცილებლად ბოლომდე მიიყვანე. ბოლომდე პირნათლად მოიხადე შენი ვალი. მარტო ის არ არის საკმარისი, რომ რაღაცას აკეთებ. მთავარია, როგორ აკეთებ!

## „მშვიდობა და სოლიდარობა“

ინტერნაციონალიზმი, — ეს სიტყვა ძვირფასია ყველა პატიოსანი ადამიანისათვის. დაეხმარე მეგობარს, მხარი შეაშველე გეჭირვების დროს, — ასეთია ჩვენი ცხოვრების კანონი.

ოციან წლებში კავკასიელი მუშები თავის ჰურსა და მარილს უნაწილებდნენ ვოლგისპირეთის დამშეულ მოსახლეობას. ათას კილომეტრზე, შორეულ ტაიგაში მიდიოდნენ სამუშაოდ რუსები და ყირგიზები, აზერბაიჯანელები და უკრაინელები, რომ აეშენებინათ ამურის კომკავშირული ქალაქი.

საბჭოთა მთვარეშავალი, ოქროსფრად მოლივლივე პურის ყანები ყამირზე, ტაშკენტის აღდგენილი პროსპექტები, შენი ახალი სკოლა, ახალი მერხები, — ყოველ საქმეში, ყოველ დიდ და პატარა გამარჯვებაში სხვადასხვა ეროვნების ხალხის შრომა ჩაქსოვილი.

ჩვენი ძალა ერთობაშია. მოძმე რესპუბლიკებმა იმიტომ უწოდეს თავის გაერთიანებას კავშირი, რომ ერთად ებრძოლათ და ერთად ეშენებინათ მომავალი. მაგრამ ნამდვილი ინტერნაციონალისტი მშვიდად ვერ იქნება, თუ მსოფლიოს ომის საშიშროება ემუქრება.

და მიცურავს ვიეტნამისაკენ ხომალდი. მას ჩანთები და წიგნები მიაქვს ვიეტნამელი ბავშვებისათვის. მიფრინავენ შორეული



პერუსაკენ თვითმფრინავები, წამლები მიაქვს მიწისძვრისაგან დაზარალებულთა გადასარჩენად. ნილოსის ტალღები ლენინგრადში დამზადებულ ტურბინებს აბრუნებენ. ეს ჩანთები და წიგნები ბიონერებმა შეაგროვეს; ეს წამლებიც ბიონერების მიერ შეგროვებული სამკურნალო მცენარეებისაგან დამზადდა; ამ ტურბინების ზოგიერთი დეტალიც ბიონერული ჯართისაგან გააკეთეს. აი, ეს არის ბიონერული სილიდარობა, შენი წვლილი მსოფლიოს უკეთ ვარაქმნის საქმეში.

ინტერნაციონალური მეგობრობის კლუბი, მიმოწერა სხვადასხვა ქვეყნების ბიონერებთან, დაუსწრებელი ვიქტორინები, საერთაშორისო სპორტული შეჯიბრებები, კონკურსები, მეგობრობა დამოუკიდებლობისა და თავისუფლებისათვის მებრძოლი ქვეყნების ბავშვებთან, მეგობრობის ბიონერული ამანათები, — ყველაფერი ეს ჩვეულებრივი ამბავია ყველა რაზმეულისათვის. ახლა ამ საქმეებში შენც უნდა შეიტანო წვლილი. ჩაეწერე ინტერნაციონალური მეგობრობის კლუბში, გაეცანი უცხოელი თანატოლების ცხოვრებას, მათი ორგანიზაციების საქმიანობას, მონაწილეობა მიიღე ნორჩი მხატვრების საერთაშორისო კონკურსებში და ბიონერულ თამაშებში. მსოფლიოს მრავალი ქვეყნის ბავშვები ახლა სურათებს აგროვებენ წიგნისათვის „დაე, მუდამ იყოს მზე!“ თუ იყოჩაღებ, ამ წიგნში შენი ნახატებიც დაიბეჭდება.

რაც ყველაზე მთავარია, ყველგან, ყველა საქმეში გახსოვდეს სიტყვები: „წითელი დროშა მშვიდობისა და პროლეტარული სოლიდარობის დროშაა!“

**თ ე მ უ რ ე ლ ი**

ყველა ბიონერი თემურელია. წაიკითხე არკადი გაიდარის მოთხრობა „თემური და მისი რაზმი“. წაიკითხე და მიხედვები, რატომ აირჩიეს თემურელებმა ასეთი დევიზი: „აჩუქე ადამიანებს სიხარული“.

თემურელს მახვილი თვალი აქვს, ყურადღებით აკვირდება ყველაფერს, რაც მის გარშემო ხდება, და მუდამ იქ არის, სადაც საჭიროა მისი დახმარება. თემურელი სხვის მითითებას და თხოვნას არ ელოდება, ზრუნავს ინვალიდებზე, შრომისა და ბრძოლის ვეტერანებზე, ომში დაღუპულთა და სამხედრო მოსამსახურეთა ოჯახებზე, შინაც საქმიანობს, მშობლებს ეხმარება, უმცროს დაძმებს უვლის. ამ გამრჯე ხელებისათვის საქმეს რა გამოლევს: სისუფ-



თავისა და წესრიგის საგუშაგოები ბიონერული მოქმედების ზონაში, სათამაშო და სპორტული მოედნები, კლუბები და ბიბლიოთეკები ეზოებში, თამაშობები და კონკურსები პატარებისათვის, — ასეთია თემურელების ყოველდღიური საზრუნავი.

**„პარსკვლაპო“** ბიონერს მუდამ ახსოვს, რომ ოქტომბრელები მომავალი ბიონერები არიან, მუდამ ეხმარება რაზმს ოქტომბრელთა ჯგუფთან მუშაობაში: ოქტომბრელებს ამზადებს ბიონერთა ორგანიზაციის რიგებში შესასვლელად, აცნობს მათ ვ. ი. ლენინისა და მისი თანამებრძოლების ცხოვრებასა და მოღვაწეობას, ბიონერთა ორგანიზაციის ისტორიას, ეხმარება სწავლასა და შრომაში, ზრუნავს მათზე, თვალყურს ადევნებს, რომ არავინ დაჩაგროს, ხელმძღვანელობს ოქტომბრელთა მუშაობას საცხოვრებელი ადგილის მიხედვით, აქტიურად მონაწილეობს ოქტომბრელთა კვირეულის მომზადებასა და ჩატარებაში, ბიონერულ რაზმებთან ოქტომბრელთა ჯგუფების შექმნის 50 წლისთავის ზეიმისათვის სამზადისში. ახლა შენც გეხება ეს ბიონერული დავალება.

გავა დრო, შენი რაზმი უკანასკნელად დადგება საზეიმო ხაზზე. მერე მის ადგილს სხვა რაზმი დაიკავებს. სხვა ბიონერი მოვა შენს ადგილზე. რაზმის დროშასაც სხვა მედროშე ჩაიბარებს. მაგრამ ვინ იქნება ეს „სხვა“? აი, სწორედ ის, დღევანდელი ოქტომბრელი, პირველი კლასიდანვე შენ რომ ასწავლიდი ბიონერული ცხოვრების კანონს.

აღზარდე შენი ცვლა, შენს ადგილს რომ დაიკავებს ბიონერულ მწყობრში, — ასეთია ამ კანონის ერთი ყველაზე მთავარი მოთხოვნა.

ახლა კი, მოდი, ბიონერთა საკავშირო მარშის კიდევ ერთ საინტერესო მარშრუტზე ვისაუბროთ. ეს არის „მშვენიერების სამყარო“.

**„მშვენიერების სამყარო“** რა ხშირად გვეხმის ეს სიტყვები! ზოგიერთს, ალბათ, ისეთი წარმოდგენა აქვს, თითქოს ეს სამყარო სადღაც ჩვენგან განცალკევებულად არსებობს. როცა გვინდა — ვეწვევით, როცა გვინდა — დავტოვებთ. მაგრამ სულაც არ არის ასე. მშვენიერების სამყარო, ეს საოცარი და საინტერესო სამყარო, შეიძლება არსებობდეს თვით ადამიანში. ეს კი იმაზეა დამოკიდებული, თუ როგორი თვა-



ლით ვუცქერთ ცხოვრების მოვლენებს, ხელოვნების ნაწარმოებებს, როგორ აღვიქვამთ მუსიკას, ფერებს, გულისხმიერნი ვართ თუ არა ადამიანთა მიმართ...

ხელოვნება, წიგნები აუცილებელია ადამიანისათვის, მისი სულიერი ზრდისათვის. ისინი ავსებენ და ამდიდრებენ ჩვენს ცხოვრებას. ამიტომ უნდა ეცადოთ, რომ თქვენთვის განკუთვნილი არც ერთი წიგნი არ დატოვოთ უყურადღებოდ. ძალიან კარგია, როცა ამხანაგებთან ერთად ესწრებით საგასტროლოდ ჩამოსული თეატრის სპექტაკლებს, გაინტერესებთ სიმფონიური ორკესტრის ახალი პროგრამა, კითხულობთ ახალ წიგნებს და ერთმანეთს უზიარებთ შთაბეჭდილებებს.

მარშრუტი „მშვენიერების სამყაროში“, პირველ რიგში, იმას უწყობს ხელს, რომ ეს მშვენიერი სამყარო ჩასახლდეს თქვენთან — თქვენს კლასებში, თქვენი სკოლის დერეფნებში, თქვენს პიონერთა ოთახში.

კარგ სასკოლო თეატრსაც კი დაეკარგება ფასი, თუ დარბაზი უხეიროდ გამოიყურება. აბა, რა სასიამოვნოა მოსწავლეთა ანსამბლის გამოსვლა, თუ სცენა უსუფთოა? უყვავილოდ სიცოცხლე ეკარგება სკოლის სარკმლებსა და დერეფნებს.

თქვენს რაზმშიც შექმენით „სილამაზის საბჭო“, მარჯვე და გამრჯე ხელებისათვის ყველგან მოიძებნება შესაფერისი საქმე. ხატვის მასწავლებელს სთხოვეთ და გირჩიეთ, როგორ უნდა მოაწყოთ საკლასო ოთახი და დერეფანი. ეცადეთ, რომ ამ საქმეში ყველა პიონერმა მიიღოს მონაწილეობა. ნახავთ, რა თავდაჭერილად მოიქცვიან მაშინ ყველაზე ცელქებიც კი. თავისი ხელით გალამაზებულ ოთახსა და დერეფანს ხომ ყველა განსაკუთრებით მოუფრთხილდება!

რა თქმა უნდა, მარტო თქვენ ყველაფერს ვერ გააკეთებთ. დაუმეგობრდით საინტერესო ადამიანებს, რაზმის შეკრებებზე მიიწვიეთ. უფროსები არ დაგზარდებიან, სიამოვნებით უხელმძღვანელებენ თვითმოქმედების წრეებს, დაგეხმარებიან სპექტაკლების მომზადებაში, თქვენთან ერთად ეწვევიან თეატრებსა და მუზეუმებს.

ერთი რამ გახსოვდეთ: ზოგი ტრაბახით ამბობს ხოლმე, უკვე შვიდი წიგნი წაიკითხეთ, ან კიდევ — ამ კვირაში სამჯერ ვიყავით კინოში. აბა, რაოდენობას რა აზრი აქვს! მთავარი ის არის, რა გაიგე ამ წიგნიდან ან სპექტაკლიდან, რა შეგმატა წაკითხულმა ან ნანახმა. ყველა წიგნი და ყველა სპექტაკლი ხომ რაღაცას

გვასწავლის, რადაცით გვამდიდრებს, რადაცისკენ მოგვიწოდებს. აი, ეს არის მთავარი, და თქვენი უფროსი მეგობრები ამის გარკვევაში დაგეხმარებიან.

მხატვრული თვითმოქმედების წრეების მუშაობაში ყველა პიონერი უნდა მონაწილეობდეს. რა თქმა უნდა, ყველა მოსწავლეს არ შეუძლია სიმღერა და მსახიობობა, მაგრამ ეს არც არის აუცილებელი. თუ სიმღერა არ შეგიძლია, მაშინ მოხსენება წაიკითხე შენი საყვარელი კომპოზიტორის შემოქმედებაზე. ან იქნებ ვინმეს ცეკვა არ ემარჯვება? კეთილი, მაშინ საცეკვაო კოსტუმების დამზადებაში დაიხმარეთ. ესეც ხომ მშვენიერების სამყაროა? ერთი სიტყვით, მშვენიერების სამყარო ყველას სამყაროა. ადამიანი თუ მონღოლებს, ყოველთვის იბოვის თავის შესაფერის ადგილს ამ უკიდევანო სამყაროში.

ალბათ, შენც შეამჩნიე, რომ პიონერული მარშის მარშრუტები მჭიდროდ უკავშირდება ერთმანეთს. მართლაც, განა შეიძლება „პიონერმშენი“ წარმოვიდგინოთ ისე, რომ მასში არ მონაწილეობდნენ ნორჩი არქიტექტორები და მხატვრები? განა შეიძლება მარშრუტზე „საბჭოთა კავშირი ჩემი სამშობლოა“ ისე გაეცნო მოძმე რესპუბლიკების ცხოვრებას, რომ არ ისწავლო მოძმე ხალხთა სიმღერები, თამაშობანი, ცეკვები? ან ჩვენი პიონერული „ცისკარი“ როგორი იქნება ხალისიანი სალაშქრო სიმღერების გარეშე?

დიახ, ყველა მარშრუტის გავლას გაგიადვილებს ხელოვნებასთან მეგობრობა, გაგიღამაზებს მთელ ცხოვრებას. ამიტომაც არსად და არასდროს არ უნდა დათმო მშვენიერების სამყარო...

„ქლიპრნი.  
გამბედავნი,  
მარღნი“

„პიონერი პატივის სცემს დაღუპულ მეზობლთა ხსოვნას და ეზზადება, რომ გახდეს სამშობლოს დამცველი“. შენ კარგად იცი ეს პიონერული კანონი, მაგრამ თუ იცი, რას გავალებს, რას მოითხოვს იგი შენგან?

...1944 წელი, კარპატები. ასეული შეტევაზე გადადის. სერჟანტი ერონის ინაური პირველი მიდის იერიშზე:

— წინ, არწივებო! კიდევ ერთი ნახტომი და... აბა, მოწყევითი და ასეული გაპყვა, მაგრამ წინ დანალმული მავთულხლართებია, ვერც ხელით და ვერც ტყვიით ვერაფერს გახდება. გამოცდილი მესანგრეებია საჭირო, რომ ნაღმები ამოიღონ. დაყოვნება არ შეიძლება, მტერს ახალ-ახალი ძალები ემატება. ესეც რომ არ იყოს.



მტერი მაღლობზეა გამაგრებული, მთის ძირას გაშლილ ასეულს განადგურების საფრთხე ემუქრება.

— მე წავალ...

ასეულის მეთაურის ნებართვა არც კი უთხოვია, სერჟანტი წინ გაეშურა, მკერდით შეეჯახა დანადმულ მავთულხლართს და ააფეთქა. ასეული ქარიშხალივით აიჭრა მაღლობზე. მტერმა ვერ გაუძლო, გატყდა და მოკურცხლა.

შორეული კარბატების იმ უსახელო მაღლობზე დარჩა წარწერა:

„ჩვენ ვიცოცხლებთ! მაგრამ თუ სიკვდილი მოგვიწევს, მოვკვდებით ისე, როგორც მოკვდა კომკავშირელი ინაური!“

ჩვიდმეტი წლისა იყო ერონის ინაური, ფრონტზე მოხალისედ რომ წავიდა. ჯარისკაცურ დროშასთან დასდო ფიცი, რომ სისხლის უკანასკნელ წვეთამდე იბრძოლებდა. ჯარისკაცურ სანგარში მიიღეს კომკავშირში. და მოკვდა ისე, როგორც სამშობლოს ნამდვილ ჯარისკაცს შეჰფერის. განა მარტო ერონისი, ჩვენს ხალხს მრავალზე მრავალი ასეთი სასახელო შვილი ჰყავს, ჩვენი მიწის ყოველი მტკაველი მათი წმინდა სისხლით არის მორწყული. ამიტომაც მოითხოვენ შენგან, რომ პატივი სცე დაღუპულ მეომართა ხსოვნას. ამიტომაც გაავლებენ, რომ სამშობლოს დამცველთა რიგებში ჩადგე.

რა უნდა გააკეთო ამისათვის?

ამ კითხვაზე შენ და შენი რაზმის პიონერებს პასუხს გაგცემთ საკავშირო მარშის დებულება. იგი გირჩევთ, რომ თქვენი რაზმი ან რგოლი დაუმეგობრდეს ოქტომბრის რევოლუციისა და სამოქალაქო ომის ვეტერანებს, გაეცნოს საბჭოთა არმიის ისტორიას, გამორჩენილი მხედართმთავრების ცხოვრებასა და მოღვაწეობას. შეაგროვეთ მასალები გმირ კომკავშირელებზე და პიონერებზე, ჩვენი სოციალისტური სამშობლოს ერთგულ დამცველებზე.

რევოლუციური და საბრძოლო დიდების ადგილებიც არ დაივიწყოთ, ასეთი ადგილები სომ ყველა ქალაქში და რაიონში არის! ჩაიწერეთ ძველი ბოლშევიკებისა და პირველი პიონერების მოგონებები, შეაგროვეთ სამოქალაქო და სამამულო ომების ამსახველი ფოტოსურათები, ძველი გაზეთები და ჟურნალები. ყველაზე საინტერესო მასალები იქნებ თქვენი რაზმეულის რევოლუციური და საბრძოლო დიდების მუზეუმშიც გამოჰფინოთ. აი, ეს, მართლაც, კარგი იქნება!

ჩვენი მწერლები შენთვის და შენი მეგობრებისათვის ბევრ სა-



ინტერესო წიგნს წერენ გმირობასა და მამაცობაზე. თქვენს გმირ თანატოლებზე. უცადეთ, რომ რაზმში მოაწყოთ ასეთი წიგნების პატარა ბიბლიოთეკა, ჩაატაროთ საზეიმო შეკრება თემაზე — „გმირი პიონერები“, გამართოთ შეხვედრები რევოლუციისა და სამამულო ომის ვეტერანებთან, ყოფილ პარტიზანებთან. იქნებ რომელიმე სამხედრო ნაწილის მეთაურებსაც დაუმეგობრდეთ? რაზმეულის საბჭო დაგეხმარებათ ამაში. და მაშინ თქვენს რაზმშიც შეიქმნება საბჭოთა არმიის ნორჩ მეგობართა ათეული, ნორჩი საინიტრების, მზვერავეების, ტოპოგრაფებისა და მსროლელების წრეები. ამ წრეებში ყველა პიონერისათვის მოიძებნება შესაფერისი საქმე, რაზმი კი სამხედრო-სპორტული თამაშის „ცისკარის“ მონაწილე გახდება.

„ცისკარი“ დაგეხმარება, რომ დაეუფლო ნორჩი არმიელის ერთ-ერთ სპეციალობას, მიიღო სამკერდე სპორტული ნიშანი. ახლა ბევრი სპორტული შეჯიბრება ეწყობა პიონერებისათვის: საერთაშორისო მძლეოსნური ოთხჭიდი ვაზეთ „პიონერსკაია პრაედას“ პრიზზე „მეგობრობა“, ნორჩ ფეხბურთელთა ტურნირი „ტყავის ბურთის“ პრიზზე, ნორჩ მოცურავეთა კლუბების პირველობა „ნეპტუნი“, ნორჩ მოჭადრაკეთა ტურნირი „თეთრი კუ“, პიონერთა საკავშირო სპორტული თამაშები. თქვენს სკოლაშიც ხომ ეწყობა ასეთი ტურნირები და ზეიმები, მუშაობს სპორტული სექციები? ჩაეწყურე ერთ ასეთ სექციაში, ბევრი ჩემპიონის გზა სწორედ სკოლის სპორტული სექციიდან დაიწყო.

დიახ, ასპარეზი ძალიან ფართოა. აიხრე შენი გზა ამ ასპარეზზე, სისტემატურად ივარჯიშე, დაეხმარე რაზმს სპორტული ზეიმებისა და ტურნირების მოწყობაში. დილის გამამხნეველი ვარჯიშიც არ დაივიწყო. იქნებ სპორტსმენი არც გამოხვიდე, მაგრამ დილის ვარჯიში ორგანიზმის გასაკაჟებლად მაინც აუცილებელია.

ხომ გახსოვს, რით დავიწყეთ საუბარი ამ მარშრუტზე? სულ მალე შენ სამშობლოს დამცველთა რიგებში უნდა ჩადგე, აამუშაო გიგანტური ტურბინები, ახალი არხები გაჭრა უკიდევანო უდაბნოში, კოსმოსური ხომალდით გაფრინდე შორეული პლანეტებისაკენ. და ამიტომ, მომავლის საჭესთან შენი კუთვნილი ადგილი რომ დაიკავო, განათლებულიც უნდა იყო, ძლიერიც, გამბედავიც და მარდიც.

გისურვებთ, სწორედ ასეთი ყოფილიყავი!

## მოვდივართ ლალი სიმღერით

მუსიკა რ. გაბიჩვაძისა

ლექსი ი. ნონეშვილისა

მოვდივართ ლალი სიმღერით  
პიონერები, პიონერები,  
და მოგვძახიან მარად მზისფერი  
სამშობლოს მინდორ-ველები.

მ ი ს ა მ ლ ე რ ი:

წინ მიგვიძღვის ფრენით დროშა ალისფერი,  
ყელსახვევიც წითლად გვიმკობს გულს.  
მზად ვართ, მარად მზად ვართ,  
შევასრულოთ კარგად,  
რაც პარტიას და ხალხს ჩვენგან სურს!  
შეილნი მრავალ ერის ერთად ვმღერით  
და სიმღერა ჩვენი ყველგან ჰქუხს!

დღეს ყველგან შრომა, შეჯიბრი  
სიხარულია, სიხარულია.  
ჯერ სწავლა გვინდა, შემდეგ ბეჯითი,  
ბეჯითი შრომა გვწყურია.

მ ი ს ა მ ლ ე რ ი:

მშვიდობის მზის ქვეშ აყვავდა  
ჩვენი სამშობლოს მთა-ველი,  
მშვიდობა უნდა დიდს და პატარას,  
როგორც შუქი და ჰაერი.

მ ი ს ა მ ლ ე რ ი:



**გადავ-  
ფრცლოთ  
პიონერული  
მატიანე**

ნახევარ საუკუნეზე მეტია არსებობს შენი ორგანიზაცია. ჩვენი სამშობლოს დროშების გვერდით ხუთი ათეული წელია ამაყად ფრიალებს პიონერული დროშაც. ამ დროშაზე ახლა ლენინის ორი ორდენია—ბრძოლითა და შრომით გავლილი ორმოცდაათი წლის ღირსეული ჯილდო. მოდი, ერთად გადავფურცლოთ პიონერული მატიანე, იგი შენი თანატოლებების სიბუჯითისა და გმირული შემართების მრავალ საინტერესო ამბავს ინახავს.

**თავისუფალი 1918, 1919, 1920 წლები...**

უცხოეთის თითხმეტი სახელმწიფო ებრძოდა ახალგაზრდა რესპუბლიკას. აღმოსავლეთი, სამხრეთი და ჩრდილოეთი თეთრი არმიის ხელში აღმოჩნდა. მაგრამ ეს კიდევ არ იყო ყველა განსაცდელი, რაც იმ მრისხანე წლებში გამოსცადა ჩვენმა ხალხმა. უკმაოდ იდგნენ ფაბრიკები და ქარხნები, მიწა მოუხსნავი რჩებოდა, საკმარისი არ იყო პური და სათბობი... მძიმე და გმირული წლები იყო ეს წლები! ქვეყანა შიმშილობდა, მაგრამ მაინც იბრძოდა, აშენებდა, ფიქრობდა მომავალზე, ფიქრობდა იმაზეც, ვისაც ეს მომავალი უნდა ეშენებინა.

ჰკითხე პირველ პიონერებს და ისინი გიამბობენ, როგორ დაიწყო ჩვენი ორგანიზაციის გზა სწორედ იმ მძიმე და გმირულ წლებში. გიამბობენ პირველ პიონერულ რაზმებზე, პირველ შეკრებებზე. პირველ ბანაკებზე, პირველ გმირებზე.

მაშინ ხომ ყველაფერი პირველი და უჩვეულო იყო!

შენ უნდა იცოდე, რომ ბავშვთა კომუნისტური მოძრაობის ისტორია ჩვენი საუკუნის პირველივე წლებიდან იწყება, როცა მუშათა გამოსვლებში ბავშვები და მოზარდებიც მონაწილეობდნენ. ეს არც არის გასაკვირი, რადგან იმხანად ფაბრიკა-ქარხნებში ძალიან ბევრი მოზარდი მუშაობდა. ეს იყო ყველაზე იაფი მუშახელი. მაშინდელი წესების მიხედვით, საწარმოების მეპატრონეები არასრულწლოვან მუშებს გაცილებით ნაკლებს უხდიდნენ, ვიდრე ჩვეულებრივ მუშებს. მოზარდები ამიტომაც აწყობდნენ გაფიცვებს, მონაწილეობდნენ მუშათა მიტინგებსა და დემონსტრაციებში, მონაწილეობდნენ ხელფასის გათანაბრებას, ბარაკადებზეც კი იბრძოდნენ. მოზარდების ერთი ასეთი მიტინგი 1905 წლის 8 ივლისს მოქმედ ქალაქ ეკატერინოსლავში (ახლა ამ ქალაქს დნეპროპეტროვსკი ჰქვია). ერთი თვით ადრე კი, 1905 წლის 1 მაისს, ღარიბი გლეხების შეილებმა მიტინგი გამართეს ბრიანსკის გუბერნიის

სოფელ ლიუბოხნოში. მიტინგის შემდეგ ბავშვებმა წითელი დრო-  
შებითა და სიმღერებით შემოიარეს მთელი სოფელი, შექმნეს უფ-  
როსკლასელთა რამდენიმე იატაკქვეშა რევოლუციური წრე. იმავე  
1905 წელს გაიფიცნენ თბილისის, ქუთაისის, ბათუმის, ფოთისა  
და სხვა ქალაქების მოსწავლეებიც. ისინი მართავდნენ მიტინ-  
გებს, მოითხოვდნენ არსებული სასკოლო რეჟიმის შეცვლას, კედ-  
ლებიდან ხსნიდნენ და ხევდნენ იმპერატორის სურათებს. დიდი  
დემონსტრაცია მოეწყო ქუთაისში. პოლიციამ და მეფის კაზაკებმა  
ტყვია დაუშინეს მოსწავლეებს. ამ შეტაკების დროს მოკლეს და  
დაჭრეს რამდენიმე კაცი, დააპატიმრეს 70-მდე მოსწავლე, მაგრამ  
კვლავ მტკიცედ გაისმოდა მათი მოწოდება: „ჩვენ პროტესტს ვუ-  
ცხადებთ თანამედროვე პოლიტიკურ წყობას და გავიძახით: ძირს  
თვითმპყრობელობა! გაუმარჯოს თავისუფლებას!“

ასე იყო ადრე, რუსეთის პირველი რევოლუციის დროს. ოქ-  
ტომბრის დღეებში კი ათასობით ნორჩი გმირი იბრძოდა რევოლუ-  
ციის ბარიკადებზე, უფროსების მხარდამხარ უტყვედა ზამთრის სა-  
სახლეს, შოულობდა იარაღს, იყო მზვერავი, მკეკავშირე, სანიტა-  
რული რაზმის წევრი. მათი წმინდა სისხლით არის დაწერილი  
ჩვენი პიონერული მატყანის პირველი ფურცლები.

## მოსკოვის გავროში

ეს ამბავი მოხდა 1917 წელს მოსკოვში. ოქტომბერი იწურებო-  
და, მუშათა მოსკოვი აჯანყებისათვის ემზადებოდა. მიხეილსონის  
ქარხნის მუშებს იარაღი დაურიგეს. ქარხანაში ბავშვებიც მუშა-  
ობდნენ, მაგრამ მათ იარაღის მიცემაზე უარი უთხრეს. თვრამე-  
ტი წლისა ვინც არ არის, იარაღს ვერ მიიღებსო, — განაცხადა  
მუშათა კომიტეტის თავმჯდომარემ. უარი უთხრეს, მაგრამ განა  
ასე ადვილად მოიშორებდნენ თეთრების დამარცხებაზე შეოცნებე-  
ჭაბუკებს?

ყველაზე მეტად თოთხმეტი წლის ანდრეევი წუსდა. მისი ნამ-  
დვილი სახელი არავენ იცოდა, დიდებიც და პატარებიც „არბუზს“  
ეძახდნენ. და, აი, „არბუზმა“ იმდენი იყოჩაღა, ბოლოს მაინც თა-  
ვისი გაიტანა — ქარხნის ახალგაზრდებს იარაღი დაურიგეს.

მოსკოვში ოქტომბრის მძიმე დღეები იდგა. ცხარე ბრძოლებით  
მოქანცულმა წითელარმიელებმა მოკლე შესვენებით ისარგებლეს.  
სანგრებიდან შეუმჩნევლად ამოვიდნენ და უახლოესი საჩაივისაკენ  
გაემართნენ. სამედიცინო ბუნქტი ახლა ამ საჩაიუში იყო გამარ-  
თული, საბრძოლო მასალას და სურსათ-სანოვაგესაც იქ ინახავ-



დნენ. სანგარში მარტოდმარტო დარჩენილმა ანდრეევმა გადაწყვიტა ეეშმაკა: სანგრები ცარიელი იყო. მტერი ამას რომ არ მიმხვდარიყო, „არბუზი“ დარბოდა და სხვადასხვა თოფიდან იუნკრების სანგრებს ტყვიას ტყვიაზე უშენდა.

ალბათ იუნკრები ვერც მიხვდებოდნენ, რომ მათ წინ მხოლოდ ერთი თოთხმეტი წლის ბიჭი იყო, მაგრამ შემთხვევით სანგრიდან თოფი გადავარდა. „არბუზმა“ კარგად იცოდა, ჩვენები როგორი წვალებით შოულობდნენ იარაღს, და თოფის ასალუბად სანგრიდან ამოვიდა. მტრის ტყვიამფრქვევის ჯერმა იგი ძირს დასცა.

ანდრეევი მძიმედ დაიჭრა. სამ დღესა და ღამეს ებრძოდა სიკვდილს. უკანასკნელად გონს რომ მოეგო, მხოლოდ ეს იკითხა:

— დაამარცხეთ იუნკრები?

და როცა უპასუხეს, დავაამარცხეთო, გაიღიმა:

— ასეც ვიცოდი.

მეორე დღეს პავლიკ ანდრეევი (მისი ნამდვილი სახელი მხოლოდ დალუპვის შემდეგ გაიგეს) კრემლის კედელთან დაკრძალეს, სამომო საფლავში. იმ დღეს წითელ მოედანზე იყო მთელი მოსკოვი. აქ იყო ამერიკელი მწერალი ჯონ რიდიც. სწორედ მან შეარქვა პავლიკ ანდრეევს „მოსკოვის გავროში“.

## ნორჩი

### ამბიტატორი

ლენინგრადში, მარსის მოედანზე, იასამნების ტყერში არის ძმათა სასაფლაო. აქ, რევოლუციის საქმისათვის თავდადებულ მებრძოლთა გვერდით, ერთი პატარა ბიჭუნაც განისვენებს, თეთრ, ქათქათა ფილაზე წარწერაა: „პატარა არტისტ-ამბიტატორს, კოტე მღებროვს. 1913—1922“.

ვინ იყო კოტე მღებროვი?

კოტე მღებროვი წარმოშობით ქართველი იყო, მღებრიშვილი, მესხეთიდან. მამამისი მეფის არმიის ოფიცრად მსახურობდა, მაგრამ რევოლუციონერებს თანაუგრძნობდა და ესმარებოდა კიდევაც. მეფის ხელისუფლების დამხობის შემდეგ მსახიობობა დაიწყო, შექმნა გმირული თეატრი და წარმოდგენებს მართავდა წითელგვარდიელთა ნაწილებში. ამ წარმოდგენებში კოტეც მონაწილეობდა — კითხულობდა ლექსებს, ასრულებდა როლებს, ყველაზე მეტად კინეკრასივის და ბლოკის ლექსების კითხვა უკვარდა. რუსეთში სამოქალაქო ომის მძიმე დღეები იდგა, ხშირად უხდებოდათ ფრონტის წინა ხაზზე გამოსვლა. სპექტაკლის დროს ზოგჯერ სროლაც

ატეხილა, მაგრამ წარმოდგენის შეწყვეტაზე არც უფიქრიათ. ეს ხომ გმირული თეატრი იყო!

პატარა კოტე პეტროვრადის დამცველებსაც ესმარებოდა. ვინ მოსთვლის, რამდენჯერ შეპარულა მტრის ბანაკში, რომ დაუზვერა და საჭირო ცნობები მიეწოდებინა ჩვენი ჯარებისათვის, ვინ იცის, რამდენჯერ ამხილა მტრები, საბჭოთა ხელისუფლების წინააღმდეგ ფარულად რომ მუშაობდნენ. წითელგვარდიელებმა კოტე მღებროვს სიყვარულით „პატარა აგიტატორი“ შეარქვეს. მტრებმა ბევრჯერ სცადეს ხელში მისი ჩაგდება, მაგრამ, ამაოდ. ერთხელ კი...

შინ ღამით ბრუნდებოდა. გვიანი იყო, ტრამვაიში მარტოღმარტო იჯდა. სწორედ აქ ჩაიგდეს ხელში ბანდიტებმა. ვატმანიც მათი კაცი აღმოჩნდა. „პატარა აგიტატორი“ ტრამვაის ქვეშ ჩააგდეს. ასე დაიღუპა პეტროვრადის ნორჩი აგიტატორი...

**1919 წლის  
25 მაისი**

წითელ მოედანზე საყოველთაო სწავლების აღლუმში გაიმართა. აღლუმში მოსკოვის ბაუმანის რაიონის „ახალგაზრდა კომუნისტების რაზმის“ წევრებიც მონაწილეობდნენ. იმ ხანებში ჩვენი ქვეყნის ზოგიერთ ქალაქში ბავშვთა რამდენიმე ასეთი ორგანიზაცია მუშაობდა. ყველას თავისი სახელწოდება და წესდება ჰქონდა. ტულელმა ბავშვებმა თავის ორგანიზაციას „ბავშვთა კომუნისტური პარტია“ შეარქვეს, ორენბურგის ოლქის ერთი სოფლის ბავშვებმა — „წითელი ყვავილი“, კიეველები კი თავის რაზმებს „ნორჩ მშრომელთა არმიას“ ეძახდნენ. უკრაინელმა ბავშვებმა ეს სახელი იმიტომ აირჩიეს, რომ მუშათა დამკვერთა შრომითს რაზმებს ესმარებოდნენ და თვითონაც მათი მაგალითით მუშაობდნენ.

წითელ მოედანზე შეკრებილ ბავშვებს სიტყვით მიმართა ვლადიმერ ილიას ძე ლენინმა. რევოლუციას ბავშვებიც და მოზარდი პროლეტარებიც უნდა დაეხმარონ, ბავშვთა ორგანიზაცია კომუნისტების აღზრდის საუკეთესო გზაა, — ამბობდა იგი.

და, აი, სამოქალაქო ომის დამთავრების შემდეგ, პარტიის ცენტრალური კომიტეტის დავალებით, კომკავშირის შეუდგა ნორჩი პიონერების კომუნისტური ორგანიზაციის შექმნას. კომკავშირის ცენტრალური კომიტეტის სპეციალურმა კომისიამ, ბავშვთა მოძრაობის საკითხებს რომ სწავლობდა, შეადგინა პიონერთა ორგანიზაციის დროებითი წესდება. კომისიის მუშაობაში აქტიურად მონაწილეობდა ნადეჟდა კონსტანტინეს ასული კრუპსკაია.

**დიდო  
მზრუნველი  
მეგობარი**

ნადეჟდა კონსტანტინეს ასული კრუპსკაია 1869 წლის 26 თებერვალს დაიბადა.

ახალგაზრდა იყო, პროფესიული რევოლუციონერის გზას რომ დაადგა. ძნელი იყო ეს გზა, ძნელი და ხიფათიანი. იატაკქვეშეთ-შიც მოუხდა მუშაობა, ციხეშიც იჯდა, ვადასახლებაშიც იყო, ბოლოს იძულებული გახდა საზღვარგარეთ წასულიყო ემიგრაციაში. შუერიგებელმა ბრძოლამ ყველაფერთან, რაც ძველ რუსეთში ადამიანებს თავისუფლად სუნთქვას უშლიდა, კომუნიზმის იდეალები-სადმი უანგარო ერთგულებამ მას სიძნელებით აღსაყვებ მშფოთვა-რე ცხოვრება არგუნა, მაგრამ რაოდენ კეთილშობილური და ლამა-ზი იყო ეს ცხოვრება, ღელვითა და საზრუნავით, იმედებითა და გამარჯვებებით, ბრძოლითა და შრომით აღსაყვებ ეს იყო უდრეკი ბოლშევიკის, ვლადიმერ ილიას ძე ლენინის მეუღლის ცხოვრება, ბელადის მიერ პარტიის შექმნისა და პროლეტარული რევოლუცი-ისათვის საბრძოლველად, მსოფლიოში პირველი სოციალისტური სახელმწიფოს შესაქმნელად გაწეულ ტიტანურ შრომას რომ ინა-წილებდა.

ნადეჟდა კონსტანტინეს ასული ოქტომბრის შეიარაღებული აჯანყების მომზადებაში მონაწილეობდა, რევოლუციის გამარჯვე-ბის შემდეგ კი დიდ სააგიტაციო მუშაობას ეწეოდა, იყო მთავრო-ბის რამდენიმე კომისიის წევრი, აქტიურად მონაწილეობდა საბ-ჭოთა სკოლის მშენებლობაში.

ამ გულთბილსა და კეთილ ადამიანს ნაზი, დედობრივი სიყვა-რულით უყვარდა ბავშვები, გულთან ახლოს მიჰქონდა მათი სიხა-რული და სურვილები, ხშირად ხვდებოდა, წერდა მათ შესახებ. 1921 წლის დეკემბერში კომკავშირის ცენტრალურმა კომიტეტმა განიხილა მისი წერილი ბავშვებთან და მოზარდებთან მუშაობის აუცილებლობაზე. ჩვენ აქედანვე უნდა ვიზრუნოთ მოზარდ თაობა-ზე, რადგან მომავალი მას ეკუთვნის, — წერდა ის. და, აი, სულ მალე შეიქმნა პიონერთა ორგანიზაცია. იმ დროიდან სიცოცხლის უკანასკნელ დღეებამდე ნადეჟდა კონსტანტინეს ასულს არ შეუწყ-ვეტია პიონერებზე ზრუნვა, იმაზე ზრუნვა, რომ ბავშვები შეგნებუ-ლი და გაბედული, კეთილი და მხიარული ადამიანები გაზრდი-ლიყვნენ. ასეთი ადამიანები ხომ უანგაროდ ემსახურებიან უკე-თესი მომავლისათვის ბრძოლის საქმეს! თვითონაც ასეთი იყო, — უანგარო მებრძოლი და კეთილი მრჩეველი. ბავშვებთან დიდი მი-წერ-მოწერა ჰქონდა. ხშირად მის წერილებს „პიონერსკაია პრაფ-დაც“ ბეჭდავდა და მაშინ მთელი ჩვენი ქვეყნის პიონერები კი-

თხულობდნენ მის წერილებს, უფიქრდებოდნენ, პრაქტიკული დასკვნები გამოჰქონდათ.

ყველა პიონერს დასჭირდება და კეთილ სამსახურს გაუწევს მისი რჩევა წერილიდან „ბანაკებში ცხოვრების შესახებ“. სრული უსაქმურობა ან განუწყვეტელი გართობა დასვენება არ არისო — წერდა ნადეჟდა კონსტანტინეს ასული. — დასვენებას სარგებლობაც უნდა მოჰქონდეს. ბავშვმა უნდა გაიკაფოს ჯანმრთელობა, ძალ-ღონით აივსოს. ჰაერზე იყოს, რაც შეიძლება მეტი იმოძრაოს, ისეირნოს. ცხოვრებასაც უნდა დააკვირდეს, მუშაობაც აუცილებელია, პიონერმა იმაზედაც უნდა იფიქროს, როგორ დაუმეგობრდება ახლო მცხოვრებ ბავშვებს, მათთან ერთად რით დაეხმარება უფროსებს, რას ასწავლის თავის ახალ ამხანაგებს, რას ისწავლის მათგან.

აი, კიდევ ერთი საინტერესო წერილი — „ჩემი“ და „ჩვენი“. ერთ ბიჭუნას შინ კედელზე ლენინის სურათი უკიდია. ეს სურათი მან ბიბლიოთეკის წიგნიდან ამოხია. ასე იწყება ეს წერილი და მთავრდება შეკითხვით ბავშვებისადმი, — რა წყობილებას ემხრობიან ისინი — ძველს, როცა ამბობდნენ, ყველა თავისთვის უნდა იყოსო, თუ ახალს — ლენინურს, საზოგადოებრივი ქონებისა და ცხოვრებისადმი ახლებურ დამოკიდებულებას, მასზე ზრუნვას.

პიონერმა, მიზნად რომ დაუსახავს ძლიერი ნებისყოფის გამო მუშაობა, აუცილებლად უნდა წაიკითხოს მისი წერილი „შეგნებული დისციპლინის შესახებ“. ეს წერილი უნდა წაიკითხო, რომ მიხვდე, თავზე ხელის აღება გმირობა არ არის, დისციპლინა ყველაზე კარგი საშუალებაა ძლიერი ნებისყოფის გამოსამუშავებლად. ამ წერილიდან იმასაც გაიგებ, როგორ უნდა გაატარო თავისუფალი დრო, რომ მტკიცე ხასიათი გამოიმუშაო.

აუცილებლად წაიკითხეთ ნადეჟდა კონსტანტინეს ასულის წიგნი „წერილები პიონერებს“. ამ წიგნში დაბეჭდილია წერილები: „უნდა ვისწავლოთ მუშაობა თავითა და ხელებით“, „ყველა ეროვნების ბავშვების მეგობრობის შესახებ“, „უნდა გაუფრთხილდეთ საკუთარსა და სხვის დროს“. ჯერ შენ წაიკითხე ეს წერილები, ყურადღებით წაიკითხე, შემდეგ რგოლის ან რაზმის წევრებსაც გააცანი. ამ წერილებში იბოვით პასუხს თქვენთვის საინტერესო ბევრ კითხვაზე.

ნადეჟდა კონსტანტინეს ასული ბევრს სწერდა პიონერებს და პიონერებზედაც ბევრი აქვს დაწერილი. მას უნდოდა, რომ ბავშვები კარგი კომუნისტები გაზრდილიყვნენ, ბევრი ეკითხათ, კარგად

ესწავლათ, ყოფილიყვნენ თავაზიანნი, სუსტებს დახმარებოდნენ, პატივი ეცათ უფროსებისათვის, ოჯახში მშობლებს მიხმარებოდნენ. ნადეჟდა კონსტანტინეს ასულ კრუპსკაიას წერილები ქართულ ენაზედაც არის დაბეჭდილი. კარგი იქნება, თუ შენი რგოლის პიონერები თვითონაც გაეცნობიან და სხვასაც გააცნობენ მის ნაშრომებს, ეს თქვენს პიონერულ ცხოვრებას უფრო საინტერესოს და შინაარსიანს გახდის.

### 1922 წლის დასაწყისი

ასლა კი ისევ ისტორიას დავუბრუნდეთ. „სპარტაკის“ სახელობის ბავშვთა კომუნისტური ჯგუფების ორგანიზაცია „ნორჩი პიონერები“, — ასეთი იყო პიონერული ორგანიზაციის ზუსტი სახელწოდება.

1922 წლის 13 თებერვალს მოსკოვში, კრასნაია პრესნიას რაიონში, მეთექვსმეტე სტამბის კომკავშირელებმა ჩაატარეს პირველი პიონერული რაზმის შეკრება. რაზმში 52 პიონერი მიიღეს. პირველი პიონერები წერა-კითხვის უცოდინარ მუშებს ასწავლიდნენ ანბანს, აწყობდნენ მხატვრული თვითმოქმედების კონცერტებს, უფროსებს ესმარებოდნენ ბავშვთა სახლების მოწყობაში, ფულს აგროვებდნენ სხვა ქვეყნების მუშათა ოჯახების დასახმარებლად. მალე ასეთივე პიონერული რაზმები შეიქმნა ოქტიაბრსკის რკინიგზის სარემონტო სახელოსნოში და სოკოლნიკის რაიონში.

### 1922 წლის 19 მაისი

კომკავშირის მეორე კონფერენციამ 1922 წლის 19 მაისს მიიღო დადგენილება, რომ მოსკოვის პიონერთა რაზმების მუშაობის გამოცდილება მთელს ჩვენს ქვეყანაში გავრცელებულიყო.

19 მაისი ამიტომაც ითვლება პიონერული ორგანიზაციის დაბადების დღედ.

### 1924 წლის სექტემბერი

თბილისში შეიქმნა პირველი პიონერული რაზმი, ლენინის რაიონში მალე პიონერთა პირველი კლუბიც გაიხსნა.

— აგვისტო იყო, კომკავშირის თბილისის საქალაქო კომიტეტში გამოგვიძახეს და დაგვაავალეს, დაგვეწყო პიონერული კლუბტივების ჩამოყალიბება, — ასე იგონებს ასლა იმ დღეებს ძველი კომკავშირული გიორგი გიგაური, — მალე მუშაობასაც შევეუდექით.



თარხნიშვილის ქუნაზე ერთი სახლის ეზოში ხშირად იკრიბებოდნენ უბნის ბავშვები. სწორედ აქ გადაეწყვიტეთ პიონერული ჯგუფის ჩამოყალიბება. ბავშვებიც და მათი მშობლებიც პირველად ამრეზილად გვიცქეროდნენ, მაგრამ ყველაფერი მოგვარდა. ვატარებდით საუბრებს ბავშვთა კომუნისტური ორგანიზაციის მნიშვნელობაზე, ჩამოვყალიბეთ სიმღერისა და ცეკვის, ჭრა-კერვის შემსწავლელი წრეები, გამოვუშვით კედლის გაზეთი, ქალაქგარეთ ლაშქრობაც კი მოვაწყეთ. ეს, ალბათ, ერთ-ერთი პირველი ლაშქრობა იყო. მალე მშობლებიც დარწმუნდნენ ჩვენი საქმიანობის სიკეთეში და მხარში ამოგვიდგნენ.

პიონერთა შორის ბევრი ობოლი ბავშვი გვყავდა. მათზე ზრუნვა მშობლებმა ითავეს, შექმნეს ობოლ ბავშვთა დახმარების ფონდი. ჩვენს რაზმს ცნობილი რევოლუციონერის საშა გეგეჭკორის სახელი ვუწოდეთ.

**1924 წლის  
იანვარი**

1924 წლის 21 იანვარს გარდაიცვალა ვლადიმერ ილიას ძე ლენინი. მოსკოვში, კავშირების სახლის სვეტებიან დარბაზში, უფროსებთან ერთად პიონერებიც იდგნენ საპატიო ყარაულში. 23 იანვარს გაიმართა კომკავშირის ცენტრალური კომიტეტის საგანგებო სხდომა. კომკავშირელებმა გადაწყვიტეს, რომ ბავშვთა კომუნისტური ჯგუფებისათვის ეწოდებინათ ლენინის სახელი. მათ მოწოდებით მიმართეს საბჭოთა კავშირის ყველა პიონერს:

„ილიჩი გვასწავლიდა, რომ არასდროს არ შეეჩერებუდიყავით, მტკიცედ გვევლო დასახული მიზნისაკენ. და ჩვენ შევასრულებთ ილიჩის ანდერძს. ილიჩი პროლეტარული ბრძოლის უდიდესი პიონერია!

ილიჩი ყველა ქვეყნის მუშათა წინამძღოლია კომუნისტებისაკენ მიმავალ გზაზე.. სწავლა, ბრძოლა და ცხოვრება ისე, როგორც ცხოვრობდა და იბრძოდა ილიჩი, — ეს არის ყველაზე მნიშვნელოვანი საქმე...

მტკიცედ იარეთ ილიჩის გზით!“

**1922 წლის  
23 მაისი**

მოსკოვში, კავშირების სახლის სვეტებიან დარბაზში, გაიხსნა კომუნისტური პარტიის XIII ყრილობა. ჩვენი პიონერული მატია-ნისათვის ეს თარიღი კიდევ იმით არის მნიშვნელოვანი, რომ წითელ მოედანზე დიდი ზეიმი გაიმართა პიონერთა ორგანიზაციისათვის ე. ი. ლენინის სახელის მინიჭების აღსანიშნავად.

იმ დღეს წითელ მოედანზე მოსკოვის გუბერნიის ათი ათასი პიონერი შეიკრიბა. აქ იყვნენ პარტიის XIII ყრილობის დელეგატებიც. კომკავშირის ცენტრალური კომიტეტის მდივანმა ვ. ვასიუტინმა გამოაცხადა, რომ ნორჩი პიონერები დღეიდან ატარებენ ვლადიმერ ილიას ძე ლენინის სახელს. ძველმა ბოლშევიკმა ფელიქს კონმა ყრილობის დელეგატების სახელით წაიკითხა საზეიმო დაპირება, და მთელი მოედანი — ათი ათასი პიონერი — მასთან ერთად იმეორებდა პიონერული ფიცის სიტყვებს:

„მე, საბჭოთა კავშირის ნორჩი პიონერი, ჩემი ამხანაგების წინაშე საზეიმოდ ვდებ პირობას, რომ მტკიცედ ვიბრძოლებ მთელი მსოფლიოს მუშათა და გლეხთა განთავისუფლებისათვის, პატიოსნად და განუსრულებლად შევასრულებ ნორჩ პიონერთა კანონებს და ილიჩის ანდჯრძს“.

გაისმა ბრძანება და პირველ პიონერთა რაზმებმა მწყობრი ნაბიჯით ჩაიარეს შავზოლუემის წინ. აი, სწორედ ეს დღე, 1924 წლის 23 მაისი, ითვლება პიონერული ორგანიზაციისათვის ვლადიმერ ილიას ძე ლენინის სახელის მინიჭების თარიღად.

## ოციანი წლები

შენი ორგანიზაცია ოციან წლებში დაიბადა. მაშინ ჩაეყარა საფუძველი მის ტრადიციებს, პიონერული ცხოვრების კანონებს. ახლა ყოველ დილით ჩვეულებრივად იკეთებენ პიონერულ ყელსახვევს, ემზადებიან რაზმის შეკრებისათვის. საკვირველი თითქოს არაფერია; მაგრამ რომ იცოდეთ, რა ძნელი იყო ყელსახვევის ტარება იმ შორეულ ოციან წლებში! პირველ პიონერებს დასცინოდნენ ყოფილი ჩინოვნიკების შვილები, მათ წინააღმდეგ იბრძოდნენ სკაუტები — მეფის რუსეთის ბავშვთა ბურჟუაზიული ორგანიზაციის წევრები. ბავშვებს პიონერთა ორგანიზაციაში შესვლას უკრძალავდნენ შეუგნებელი და გაუნათლებელი მშობლები... დიას, შენი ორგანიზაციაც ძველთან და დრომოჭმულთან ჭიდილში იწრთობოდა.

პირველმა პიონერებმა სომ მოსკოვის მუშებისაგან მიიღეს წითელი დროშა, ასრულებდნენ მათ განაწესს:

— გახსოვდეთ და იცნობდეთ რუსეთის რევოლუციის ბელებს.

— რესპუბლიკის პირველი დამახებისთანავე იყავით მზად მის დასაცავად.

— დაეხმარეთ რესპუბლიკას კაპიტალის წინააღმდეგ ბრძოლაში.

— ისწავლეთ შრომა.

— არასოდეს არ დაეცეთ სულით, ყოველთვის გაბედულად იარეთ წინ.

— თქვენი დევიზი უნდა იყოს: „მზად ვართ!“

ძნელი, მაგრამ ქვეყნისათვის ძალზე საჭირო საქმეები ერგოთ წილად პირველ პიონერებს. ისინი აქტიურად მონაწილეობდნენ რევოლუციურ ზეიმებში, მოსახლეობაში ავრცელებდნენ წიგნებს, ზრუნავდნენ იმაზე, რომ ყველა მათს თანატოლს ევლო სკოლაში, ქოხ-სამკითხველოებში საუბრებს ატარებდნენ წერა-კითხვის უცოდინარ გლეხებს შორის, სისუფთავის დასაცავად ქმნიდნენ ნორჩ სანიტართა რაზმებს, მუშაობდნენ სამოქალაქო ომის წლებში განადგურებული სახალხო მეურნეობის აღდგენაზე. უკრაინელმა პიონერებმა ნამდვილი ბრძოლა გამოუცხადეს მინდვრის მავნებლებს, ლენინგრადელმა ბავშვებმა დაიწყეს ფულის შეგროვება თვითმფრინავის ასაგებად. პიონერულ ყულაბაში სხვა ქალაქების ბავშვებსაც შექმნდათ ფული. და, აი, პირველი ასეთი თვითმფრინავიც ააგეს! პირველს მეორე მოჰყვა, მეორეს — მესამე. „პიონერი“, „ლენინური ნაპერწკლები“. „პიონერსკაია პრადა“, — ასე ერქვა იმ თვითმფრინავებს. ასლა ამით ველარავის გააკვირვებ, მაგრამ მაშინ ყოველი ასეთი „ჩვეულებრივი ამბავი“ ნამდვილ გმირობას ნიშნავდა. გმირობა იყო ისიც, რომ პირველი პიონერები გაბედულად იბრძოდნენ რელიგიისა და ძველი ცხოვრების გადმონაშთების წინააღმდეგ. 1928 წელს აზერბაიჯანის ქალაქ ნუსხეში გოგონებმა პირველად მოიხსნეს ჩადრი, შორეული ჩუკოტკის დასახლება უელენის პიონერებმა კი ხელი მოაწერეს სახელმწიფო სესხს. ბერი შამანის წყველამაც ვერ შეაშინა ისინი, თავისი კაპიკები რესპუბლიკას გადასცეს ახალი ფაბრიკებისა და ქარხნების ასაშენებლად.

კრანსნია პრესნიას ერთ-ერთ პირველ რაზმში მხოლოდ 52 წევრი იყო. გავიდა ათი წელი და ჩვენი ქვეყნის პიონერული რაზმეული თავის რიგებში უკვე ორ მილიონ მოსწავლეს აერთიანებდა. ამ დიდი პიონერული ოჯახის 738 საუკეთესო წარმომადგენელმა 1929 წლის აგვისტოში მოსკოვში მოიყარა თავი ნორჩ ლენინელთა პირველ საკავშირო შეკრებაზე. მის დელეგატებს, ალბათ, ახლაც ახსოვთ ჩირაღდნებით მსვლელობა დედაქალაქის ქუჩებში, ინტერნაციონალური კარნავალი, სპარტაკაიდა და საზეიმოდ მორთული „დინამოს“ სტადიონი, წითელი ყელსახვევების მღელვარე ზღვაში რომ იყო ჩაქარგული...



„დინამოს“ სტადიონი დილიდანვე პიონერებით გაივსო. შეკრუ-  
ბის დელეგატებთან ერთად ოცი ათასი მოსკოველი აქტივისტი  
და მოფლიოს 64 ქვეყნიდან ჩამოსული დელეგატი მოუთმენლად  
ელოდა შეკრების საზეიმო გახსნას. და, აი, დაფდაფების ხმაც გა-  
ისმა, სტადიონზე ექვსასი მედოლე და მესაყვირე შემოვიდა. მათ  
მედროშეები მოპყვებოდნენ. ანძაზე შეკრების ალაში აღიმართა...

ასე დაიწყო პირველი საკავშირო შეკრება. შემდეგ კრემლის  
დიდ სასახლეში ჩატარდა პიონერთა სამდღიანი საკავშირო კონ-  
ფერენცია, 22 აგვისტოს კი ბავშვთა საერთაშორისო კონგრესის  
სხდომა გაიმართა. ამ კონგრესზე სიტყვით გამოვიდა ნ. კ. კრუპ-  
სკაია. იგი პიონერებს ესაუბრა წიგნის სიყვარულსა და ერთმანე-  
თისადმი მეგობრულ დამოკიდებულებაზე, იმაზე, როგორ უნდა  
იბეჯითონ, როგორ უნდა შეასრულონ ილიჩის ანდერძი. პიონერ-  
თა ორგანიზაცია ბავშვთა პოლიტიკური ორგანიზაციაა, ყოველი  
ნორჩი კომუნისტი აქტიურად უნდა დაეხმაროს უფროსებს ახალი  
ცხოვრების მშენებლობაში, — ამბობდა ნ. კ. კრუპსკაია.

შეკრების დელეგატები და სტუმრები მოსკოვის ფაბრიკებსა  
და ქარხნებსაც ეწვივნენ, ესაუბრნენ მუშებს, შეხვდნენ სახალხო  
კომისართა საბჭოს წევრებს, შეკრების საპატიო დელეგაციებს —  
მაქსიმ გორკის, ემელიან იაროსლავსკის, ვლადიმერ მაიაკოვსკის.  
სწორედ იმ დღეებში გამოქვეყნდა ვლადიმერ მაიაკოვსკის ლექსი  
„ელვა სიმღერა“.

„ზღვას გადასწვდება,  
ლურჯ ტალღას  
ხმა ქედებს გადაეკლება,  
უმღერე, ელვა სიმღერავ,  
პიონერების შეკრებას!“

საკავშირო შეკრების დელეგატთა შორის 145 ქართველი პიონ-  
ერიც იყო. ისინი ამ დიდი პიონერული ზეიმის დელეგატებად  
აირჩიეს ამიერკავკასიის პიონერთა პირველ შეკრებაზე თბილისში,  
1929 წლის 4-6 აგვისტოს.

**ოცდაათიანი  
წლები**

ახალი ქვეყნის შენების მართლაც ზღაპრული წლებია ეს წლე-  
ბი. „ხუთწლელი“, „კომლენურნობა“, „დამკვრელი“, „სოციალისტუ-  
რი შეჯიბრება“, „საყოველთაო სწავლება“, — ახალი ქალაქების,  
ფაბრიკებისა და ქარხნების სახელებთან ერთად იბადებოდა ეს ახა-  
ლი სიტყვებიც. ისტორიის სახელმძღვანელოდან შენ ბევრ ასეთ

ახალ სახელს იცნობ. ეს არის ვოლგა-დონის არხი და დნებარკესი, ლევენდარული მაგნიტკა და ამურის კომსომოლსკი — ოცდაათიანი წლების კომკავშირული ქალაქი. ჩვენი ქვეყნის ყველა კუთხიდან ციმბირისაკენ კომკავშირული საგზურებით მიექგზავრებოდნენ ახალგაზრდები, რომ სითბო და სიუხვე დაებრუნებინათ გაყინული მიწებისათვის. მათ გაუვალ ტაიგებში გაჰყავდათ ახალი გზები, მიწის ქვეშ ჭრდნენ მოსკოვის მეტროპოლიტენის პირველ კილომეტრებს, ებრძოდნენ დნებარისა და რიონის ტალღებს, რომ მდინარეებიც ხალხის სამსახურში ჩაეყენებინათ.

მგინიავი ვალერი ჩკალოვი... ჩელიუსკინელები... პაპანიელეები... მთელი მსოფლიო გააოცა ამ ადამიანების სიმამაცემ. ოცდაათიანი წლების შენი თანატოლებიც მათგან სწავლობდნენ სიმამაცეს.

— თქვენ იზრდებით, როგორც უკლასო სოციალისტური საზოგადოების მშენებლები, — სწერდა ალექსი მაქსიმეს ძე გორკი პიონერებს, — თქვენი სწრაფი ზრდა უნდა აიხსნას მხოლოდ იმით, რომ ცხოვრებას სწავლობთ არა მარტო სკოლაში, არამედ თქვენი მამების, დედების, უფროსი დებისა და ძმების ყოველდღიურ შრომითს საქმიანობაში მონაწილეობითაც.

ამ კანონით ცხოვრობდა ოცდაათიანი წლების პიონერეთი. როცა დაიწყო კოლექტივიზაცია — კოლმეურნეობების შექმნა, პიონერები უფროსებთან ერთად გაბედულად იბრძოდნენ სოფლად ახალი ცხოვრების დამკვიდრებისათვის: ბიბლიოთეკებისათვის აგროვებდნენ წიგნებს, მოსავლისა და საკოლმეურნეო ქონების დასაცავად ქმნიდნენ „მსუბუქი კავალერიის“ რაზმებს, ერთ მილიონ გლეხს შეასწავლეს წერა-კითხვა, საშუალო სოფლებს გაუგზავნეს 20 ათასი რადიომიმღები, პირველ კომუნებს საჩუქრად გადასცეს 4600 ტრაქტორი; 1932 წლის ზაფხულში ყაზახეთსა და ჩრდილოეთ კავკასიაში ჩატარდა მოსწავლეთა ორი საკავშირო ექსპედიცია. პიონერებმა აქლემებითა და სამოქალაქო ომისდროინდელი ოთხთვალეებით გაიარეს ათასობით კილომეტრი, შეაგროვეს გვალვისგამძლე მცენარეებისა და სამკურნალო ბალახების ნიმუშები. 1933 წლის ივლისში, მესამე ექსპედიციის დროს, ბავშვებმა ნავეებით იმოგზაურეს ვოლგაზე იაროსლავლიდან კოსტრომამდე, შეისწავლეს ვოლგისპირეთის ფლორა და ფაუნა, საკვები ბალახების ნიმუშები გამოსაკვლევად გადასცეს მეცნიერებს. შემდეგ, ი. ვ. მიჩურინის დავალებით, ასეთი ექსპედიცია ალტაის მხარეშიც მოეწყო.

შენი ორგანიზაციის მატრიანეში ოქროს ასოებით არის ჩაწერილი იმ პიონერების სახელები, სიცოცხლე რომ შესწირეს სოციალისტური სოფლის მომავალს. 1932 წლის 7 სექტემბერს კულაკების ხელით დაიღუპა ურალელი პიონერი პაველიკ მოროზოვი. იმავე წელს კულაკებმა მოკლეს ციმბირელი კოლია მიაგოტინი. 1933 წელი... 1934... 1935... კომუნისტებთან ერთად კულაკების წინააღმდეგ იბრძოდა და დაიღუპა ყირგიზი პიონერი კიჩან ჯაგაიოვი, სომეხი გრიშა აკოფიანი, უკრაინელი ვანა ვასილჩენკო, რუსი კოლია იაკოვლევი, გაზეთ „ნორჩი პიონერის“ ნორჩი კორესპონდენტი ნიკიტა უნინი. პიონერთა თაობები არ ივიწყებენ ამ სახელებს, რადგან ახალი ცხოვრების გამარჯვება მათი სახელების გამარჯვებაც არის.

შენდებოდა ახალი ფაბრიკები და ქარხნები. კომკავშირული ბრიგადების გვერდით პიონერული რაზმებიც მუშაობდნენ. მეფოლადე მაკარ მაზაი, მჭედელი ალექსანდრე ბუსიგინი, ფეიქარი მარია ვინოგრადოვა, ტრაქტორისტი პაშა ანგელინა, — შენც უნდა იცოდე ეს სახელები. პირველი ხუთწლედების ამ გმირების გვერდით, ჩვეულებრივ, პიონერ მამლაქათ ნახანგოვასაც ასახელებენ ხოლმე. თორმეტი წლის გოგონა იყო მამლაქათი, როცა 1935 წლის დეკემბერში ლენინის ორდენით დააჯილდოვეს ბამბის უხვი მოსავლის მოყვანისათვის. ორი ათეული წლის შემდეგ შეკითხვაზე — როგორ მოიყვანა სარეკორდო მოსავალი, — მამლაქათ ნახანგოვამ ასე უპასუხა:

— ჩვენ, ოცდაათიანი წლების პიონერებს, ცხოვრება ვერ წარმოგვედგინა შრომის გარეშე. მეც სხვებთან ერთად ვმუშაობდი...

ქვეყანა სწავლობდა, ეუფლებოდა ახალ ტექნიკას, ზრუნავდა თავდაცვის ძლიერებაზე. სწავლობდა და იზრდებოდა პიონერთიც. „ყოველ სკოლას, ყოველ პიონერულ რაზმს — ავიამოდელისტთა წრე!“ — ასეთი იყო მისი დევიზი ოცდაათიან წლებში. მოსკოველმა პიონერებმა მოტორიანი ავიამოდელების პირველი ესკადრილია ააგეს. უკრაინელი პიონერი გიორგი ბერეგოვოვი პირველად მოვიდა ნორჩ ავტომოდელისტთა წრეში და თავისი პირველი მოდელიც მალე გამართა. აბა, ჰკითხე ჩვენს მამაც მფრინავებს და კოსმონავტებს, სად დაიწყეს მათ ავიატორის გზა, ისინი ასე გიბასუსებენ: „პიონერულ წრეში“. ჩკალოვი, ბაიდუკოვი, ბელიაკოვი, კამანინი იყვნენ მათი სიმამაცის მასწავლებელნი.

ოცდაათიანი წლები... ეს არის შენი ორგანიზაციის ზრდისა და დაჯილდოების წლები. თავის რიგებში იგი უკვე 10 მილიონამ-



დე პიონერსა და 4 მილიონ ოქტომბრელს აერთიანებდა. ასე გაიზარდა შენი პიონერული ოჯახი 1940 წლისათვის. ეს, მართლაც, დიდი ოჯახი იყო თავისი მომავლით, თავისი საქმეებით.

**1931 წლის  
6 ივნისი**

გამოვიდა გაზეთ „ნორჩი ლენინელის“ პირველი ნომერი. ქართული პიონერული გაზეთი ჯერ კიდევ 1924 წლის 1 ოქტომბერს გამოვიდა, მაშინ მას „ახალგაზრდა პიონერი“ ერქვა. 1926 წლიდან დროებით შეწყდა მისი გამოცემა. „ნორჩი ლენინელი“ იმხანად მცირე ფორმატის ერთ ფურცელზე იბეჭდებოდა, მაგრამ ამ ორ გვერდსაც ბევრი სიხარული და საინტერესო ამბავი მოჰქონდა ქართველი ბავშვებისათვის.

**1931 წლის  
20 ნოემბერი**

თბილისში გაიხსნა საქართველოს პიონერთა პირველი რესპუბლიკური შეკრება, შეაჯამეს საკოლმეურნეო ესტაფეტის შედეგები. ეს ესტაფეტა 1931 წლის გაზაფხულზე ჩატარდა, რომ ყველა პიონერს აქტიური მონაწილეობა მიეღო საგაზაფხულო სამუშაოებში. ესტაფეტის დროს პიონერებმა ბურჟუაზიისაგან გაწმინდეს 1434 ჰექტარი მიწა, 137 ჰექტარზე დათესეს შაქრის ჭარხალი, დარგეს 26 ათასზე მეტი ხის ნერგი და ვაზი, თვითმფრინავ „საქართველოს პიონერის“ ასაგებად შეაგროვეს 25 ათასი მანეთი.

**1935 წლის  
24 იანვარი**

თბილისელ პიონერებს ამ დღეს დიდი ზეიმი ჰქონდათ—ს. ორჯონიკიძის სახელობის კულტურისა და დასვენების პარკში გაიხსნა მსოფლიოში პირველი საბავშვო რკინიგზა. მოსწავლეები მთელ წელიწადს მუშაობდნენ რკინიგზის მშენებლობაზე: ღიანდაგებიც თვითონ დააგეს, სადგურებიც თვითონ ააშენეს, ვაგონებიც თავისი ხელით გამართეს. პიონერებს ამიერკავკასიის ლენინის სახელობის რკინიგზის საქარხნო სასწავლებლის მოწაფეებიც ესმარებოდნენ. მათ შეაკეთეს პატარა ორთქლმავალიც, ჯარითან ერთად გადასადნობად რომ იყო გამზადებული. ნორჩ რკინიგზელებს შეასწავლეს მემანქანის, სადგურის მორიგის, დისპეტჩერის და მეკავშირის სპეციალობა. საბავშვო რკინიგზაზე ხომ ყველაფერი პიონერებს უნდა გაეკეთებინათ!

საბავშვო რკინიგზას თავდაპირველად ორი სადგური ჰქონდა —

„პიონერი“ და „სიხარული“, მოგვიანებით შესამეც შეემატა — „მზიური“. მალე თბილისელი პიონერების მაგალითზე ჩვენი ქვეყნის სხვა ქალაქებშიც დაიწყეს საბავშვო რკინიგზის მშენებლობა.

### 1937 წლის მარტი

ყველა პიონერულმა რაზმმა და რაზმეულმა დაიწყო ფულის შეგროვება ესპანელი თანატოლების დასახმარებლად. ესპანელმა პიონერებმა საბჭოთა ბავშვებს საჩუქრად გამოუგზავნეს ბარსელონის პიონერთა დროშა, რომელმაც მებრძოლი რესპუბლიკის მრავალი ბარიკადა მოიარა.

### 1938 წლის სექტემბერი

ხასანის ტბასთან იაპონელი იმპერიალისტების წინააღმდეგ გამართულ ბრძოლებში პიონერებიც მონაწილეობდნენ: ისინი ექიმებს ესმარებოდნენ დაჭრილი მეომრების მოვლაში, მუშაობდნენ ჰოსპიტლებში, სამხედრო ნაწილებში მიჰქონდათ პიონერული ამა-ნათები, ჩვენი ქვეყნის ყველა კუთხიდან რომ უგზავნიდნენ მებრძოლებს. რამდენიმე პიონერი ამიტომაც დააჯილდოვეს მედლით „საბრძოლო დამსახურებისათვის“.

### 1939 წლის 23 მაისი

ჩვენს ქვეყანაში ზეიმით აღნიშნეს პიონერული ორგანიზაციისათვის ვ. ი. ლენინის სახელის მინიჭების 15 წლისთავი. აგვისტოში კი მოსკოვში გაიხსნა საკავშირო სასოფლო-სამეურნეო გამოფენა. ნორჩი ნატურალისტების პავილიონში ქართველი პიონერების ექსპონატებსაც უჩვენებდნენ მნახველებს. ეს იყო მანდარინის, ლიმონისა და ვაზის უხვმოსავლიანი ჯიშები, მოსწავლეებმა რომ გამოიყვანეს სასკოლო სათბურებში.

### ორმოციანო წლები

ჩვეულებრივი საახალწლო ზეიმით დაიწყო ეს წლები: ნაძვის ხე, სიმღერა, საზამთრო არდადეგები. ჩვენი ხალხი ახალი გეგმებით ხვდებოდა 1941 წელს. პიონერებსაც თავისი გეგმები ჰქონდათ, — ზოგმა ბანაკს მიაშურა, ზოგიც სამხედრო ფიზკულტურული შეჯიბრებისათვის ემზადებოდა. საქართველოს კომკავშირის ცენტრალურმა კომიტეტმა მოაწყო მოსწავლეთა გასამხედროებელი ლაშქრობა. მოლაშქრენი ხაშურიდან ფეხით ავიდნენ ბაკურიანში და იქ ხუთ დღეს დარჩნენ. სწავლობდნენ თხილამურებით

სრიალს, ეუფლებოდნენ სამხედრო საქმეს, ჩაატარეს სამხედრო თამაში, ეს იყო იანვარში, საზამთრო არდადეგების დროს. სამაისოდ კი თბილისელმა პიონერებმა დიდი საჩუქარი მიიღეს — 2 მაისს გაიხსნა პიონერთა და ოქტომბრელთა სასახლე.

ასე იყო ყველგან. ჩვენი ქვეყნის ყველა კუთხეში იგრძნობოდა მშვიდობის დღეების რიტმი, მხოლოდ ... 22 ივნისის განთიადამდე...

და შემდეგ, ათას ოთხას თვრამეტი დღის ბრძოლა დასჭირდა ამ მშვიდობიანი დღეების დაცვას. ეს იყო გმირობა ფრონტის ხაზზე და ღრმა ზურგში, მთელი ხალხის გმირობა, მილიონთა გმირობა, ათას ოთხას თვრამეტი დღე რომ გრძელდებოდა და სჭედდა გამარჯვებას. შენ იცი, რაც უღირს ჩვენს ხალხს ეს გამარჯვება — ომმა ოცი მილიონი საბჭოთა მოქალაქის სიცოცხლე შეიწირა. შენ იცი იცი, რომ მათ შორის ძალზე ბევრი შენი თანატოლიც იყო.

— გაივლის წლები, — მიმართავდა პიონერებს არკადი გაიდარი 1941 წლის აგვისტოში, — თქვენ გაიზრდებით და დიდი და მშვიდობიანი შრომის შემდეგ დასვენების დროს სიამოვნებით მოიგონებთ, რომ ოდესღაც, სამშობლოსათვის მრისხანე დღეებში, გულხელდაკრეფილნი კი არ ისხედით, რითაც შეგეშლოთ, ესმარებოდით თქვენს ქვეყანას ვერაგ მტერზე გამარჯვებაში.

უკვე ომის პირველსავე დღეს ბრესტის ციხესიმაგრის ნორჩ დამცველებს მებრძოლებისათვის მიჰქონდათ საბრძოლო მასალა და წყალი, წინა ხაზიდან გამოჰყავდათ დაჭრილები. რამდენი მამაცი ნორჩი მზვერავი, მეკავშირე და სანიტარი გამოჩნდა მოქმედ არმიის ომის პირველი დღეებიდანვე! ჯარისკაცები მათ „პოლკის შვილობილებს“ ეძახდნენ სიყვარულით. ცივი ჯარისკაცური სანგარი იყო მათი სახლი და სკოლა; მათი ხელმძღვანელი — ბევრისმნახველი სერჟანტი და მებრძოლი გენერალი; მათი პიონერული კანონი — სიკვდილი გერმანელ ოკუპანტებს!

ჩვენ დღესაც მებრძოლთა მწყობრში ვახსენებთ მათ, ვინც გამარჯვებისათვის იბრძოდა და გამარჯვების დღეს ვერ მოესწრო — საბჭოთა კავშირის გმირებს, პიონერებს: ვალენტინ კოტიკს, მარატ კაზეის, ზინა პორტნოვას, ლიონია გოლიკოვს; პარტიზანების ნორჩ მზვერავებს: ვალოდია დუბინინს და ვიტია კორობკოვს, მამაც მეომარს ერონის ინაურს... მათ გმირობაზე წიგნები დაიწერა, შეიქმნა სიმღერები, კინოფილმებიც გადაიღეს. ვინ მოსთვლის, რამდენი ასეთი კოტიკი და ინაური ჰყავს ჩვენს ხალხს,

მათ ასახელეს გვირობით



რონია გორიკოვი

მარტ კანელი

მათ ასახელეს გვირობით


სამუშაო სახელოვანი!



ვალენტინ კოციკი



ჟინა ბორჯნაია



სამუშაო სახელოვანი!



აქამდე უცნობი რამდენი გმირის სახელს გავიგონებთ კიდევ და კიდევ!

მტრის ზურგში პიონერთა რამდენიმე ფარული რაზმი მოქმედებდა. ისინი ასრულებდნენ კომუნისტებისა და იატაკქვეშა კომკავშირული ორგანიზაციების დავალებებს, მოსახლეობაში ავრცელებდნენ ფურცლებს, მწყობრიდან გამოჰყავდათ მტრის ტექნიკა, პარტიზანებისათვის აგროვებდნენ იარაღს და წამლებს. ერთი ასეთი რაზმი დონის ოლქის სოფელ პოკროვკაშიც იყო, მას ვასია ნოსაკოვი მეთაურობდა. პიონერებს ერთი გამოქვაბული ჰქონდათ, სადაც თავისი რაზმეულის დროშას ინახავდნენ და რაზმის შეკრებებს აწყობდნენ ხოლმე. გამოქვაბულში მალავდნენ იმასაც, ვისაც ფაშისტები გერმანიაში გაგზავნას დაუპირებდნენ. დონიდან გერმანელების განდევნის შემდეგ ამ იატაკქვეშა პიონერული რაზმის ყველა წევრი დააჯილდოვეს მედლით „დიდი სამამულო ომის პარტიზანი“.

ყველგან — მოსკოვის მისადგომებთან, ალყაშემორტყმულ ლენინგრადში, ბელორუსიაში, ოდესის კატაკომბებში, ბრიანსკის ტყეებში და სტალინგრადთან, — ყველგან მამაცურად იბრძოდნენ სამშობლოს ნორჩი დამცველები. მოსკოველმა პიონერებმა ხანძარსაწინააღმდეგო რაზმები შექმნეს, დღედაღამ მორიგეობდნენ ქალაქში და ახლა ორმოციანი წლების 20 ათასი მოსკოველი პიონერი ატარებს მედალს „მოსკოვის დაცვისათვის“. ბლოკადის პირველი დღეებიდანვე იბრძოდნენ ლენინგრადელი პიონერებიც, იბრძოდნენ და სწავლობდნენ კიდევაც. მტერი ქალაქს ბომბავდა, ინგრეოდა სახლები, არ იყო საკმარისი სანოვავე, ისინი კი ჩვეულებრივად დადიოდნენ სკოლაში, სწავლობდნენ, ეხმარებოდნენ ქალაქის დამცველებს. ამიტომ იყო, რომ გმირული ქალაქის 15249 ნორჩი მოქალაქე დააჯილდოვეს მედლით „ლენინგრადის დაცვისათვის“.

სამამულო ომი მძიმე იყო იმისთვისაც, ვინც ფრონტზე იბრძოდა და იმისთვისაც, ვინც ზურგში დარჩა, ვინც ფრონტს ახარავებდა საბრძოლო აღჭურვილობითა და სურსათით. ბავშვებმა შეცვალეს ფრონტზე წასული მამები და უფროსი ძმები, მუშაობდნენ ფაბრიკებში, ქარხნებში, კოლმეურნეობებში, ყველგან, სადაც სარგებლობის მოტანა შეეძლოთ. მაშინ ხომ უმნიშვნელო საქმეები არ არსებობდა! ადამიანები ცხოვრობდნენ მხოლოდ ერთი აზრით: „ყველაფერი ფრონტისათვის! ყველაფერი მტერზე გამარჯვ-“



ვებისათვის" 1942 წლის ნოემბერში სწორედ ამ დევიზით ჩატარდა საკავშირო პიონერული კვირეული.

პიონერთა დელეგაციები პირდაპირ ფრონტზე მიდიოდნენ, რომ საბჭოთა არმიის ნაწილებისათვის გადაეცათ თავისი სახსრებით აკრეული თვითმფრინავები და ტანკები. მტერს თავზარს სცემდნენ ესკადრილების — „ციმბირის პიონერის“, „ტაშკენტის პიონერის“, „უზბეკეთის პიონერის“ — მამაცი მფრინავები. მტრის მრავალზე მრავალი ზღუდე გადაულახავთ სატანკო კოლონებს: „მოსკოვის პიონერს“, „კუიბისევის პიონერს“, „ურალის პიონერს“, „საქართველოს პიონერს“. ამ სატანკო კოლონის ასაგებად ქართველმა პიონერებმა 1943 წელს 11000000 მანეთი შეაგროვეს.

იმ წლების პიონერული მატრიანე ბევრ ასეთ საინტერესო ფურცელს ინახავს. არავინ და არაფერი არ არის დავიწყებული: არც ის პატარა პიონერული ალამი, სამშობლოდან გერმანიაში გარეკილმა უცნობმა ბიჭუნებმა უბით რომ ჩაიტანეს ბერლინში... არც ის ოცი ვაგონი ვაშლი, უზბეკეთის პიონერებმა რომ გაუგზავნეს ბლოკადაში მყოფ ლენინგრადის დამცველებს... არც ის ქართული ოჯახები, ევაკუირებული ბავშვები რომ შეიფარეს... არც ის სახელები, ნანგრევებად ქცეული რაიხსტაგის კედლებზე რომ წააწერეს დაღუპულ ჯარისკაცთა მავიერ... არავინ და არაფერი არ არის დავიწყებული, რადგან გმირობის დავიწყება არ შეიძლება.

**1941 წლის  
ივლისი-  
ნოემბერი**

სამამულო ომის დღეებში ფრონტის დაკვეთით მუშაობდა თბილისის საბავშვო რკინიგზაც. ნორჩმა რკინიგზელებმა, ამიერკავკასიის სამხედრო ოლქის შტაბის დაეალებით, თავიანთ სახელოსნოში კავალერიისათვის 10 ათას ნალს გაუკეთეს ნასვრეტი. ამ სამუშაოსათვის მიღებული ფული — 10 ათასი მანეთი მათ ჯავშნიანი მატარებლის ასაშენებლად გაგზავნეს უმაღლესი მთავარსარდლის სახელზე. რამდენიმე თვის შემდეგ საბავშვო რკინიგზაზე ასეთი დეპეშა მოვიდა:

„ჩემი სალამი და წითელი არმიის მადლობა საბავშვო რკინიგზაზე მომუშავე რკინიგზელებს, რომელთაც 10 ათასი მანეთი შეაგროვეს ჯავშნოსანი მატარებლის ასაგებად. ი. ბ. სტალინი“.

**1942 წლის  
12 აპრილი**

პიონერთა სასახლეში თბილისის მოსწავლეთა აქტივის კრება გაიმართა. კრების მონაწილეებმა წერილი გაუგზავნეს გმირი ქალაქის სევასტოპოლის ბავშვებს.

„ძვირფასო მეგობრებო, ისევე, როგორც თქვენ, ჩვენც ვიქნებით მამების ღირსეული შვილები; ისევე, როგორც თქვენი, ჩვენი ლოზუნგია — „ყველაფერი ფრონტისათვის! ვერაგ მტერზე, პიტლერულ გერმანიაზე გამარჯვებისათვის“. გმირი პარტიზანი გოგონას ტანიას ხსოვნის ნიშნად, მისი სახელობის ტანკის ასაგებად უკვე შევაგროვეთ რამდენიმე ათეული ათასი მანეთი. დაე, ტანკმა „ზოია კოსმოდემიანსკაია“ ისევე გმირულად იბრძოდეს ფაშისტების წინააღმდეგ, როგორც „ტანია“ იბრძოდა!“.

1943 წლის  
2 იანვარი

გაზეთ „პრავდაში“ დაიბეჭდა გორელი პიონერის ლეილა კიკნაძის წერილი ი. ბ. სტალინისადმი. იგი სწერდა უმაღლეს მთავარსარდალს, რომ სატანკო კოლონის „ნორჩი პიონერის“ ასაგებად შეაგროვა 1200 მანეთი. გაზეთის იმავე ნომერში დაიბეჭდა უმაღლესი მთავარსარდალის პასუხი, ლეილასა და კიდევ სამი სხვა მოსწავლის სახელზე გამოგზავნილი: „გმადლობთ, ნორჩო ამხანაგებო, წითელ არმიაზე თქვენი ზრუნვისათვის. გისურვებთ ჯანმრთელობას და წარმატებას სწავლასა და საზოგადოებრივ საქმიანობაში“.

1943 წლის  
5 ნოემბერი

თბილისელმა პიონერებმა შეფომა აიღეს კრასნოდარის მხარის სკოლებზე, ოკუპაციაში რომ იმყოფებოდნენ ორი წლის მანძილზე. ჩვენი პიონერები თავის კრასნოდარულ თანატოლებს უგზავნიდნენ ტანსაცმელს, ხილს, წიგნებს, გეოგრაფიულ რუკებს და სხვა სასწავლო მოწყობილობას.

1945 წლის  
9 მაისი

ფაშისტურ გერმანიაზე გამარჯვების დღე. ერთი თვის შემდეგ, 1945 წლის 9 ივნისს, საბჭოთა კავშირის უმაღლესი საბჭოს პრეზიდიუმის ბრძანებულებით, დაარსების ოც წლისთავთან დაკავშირებით, გაზეთი „პიონერსკაია პრავდა“ დაჯილდოვდა შრომის წითელი დროშის ორდენით. ეს იყო იმ ნაყოფიერი მუშაობის ჯილდო, გაზეთმა რომ გასწია ბავშვთა აღზრდისა და სასარგებლო შრომითს საქმიანობაში მათი აქტიური ჩაბმისათვის.

1948 წლის  
28 მარტი

ქალაქ ვლადიმირში გაიხსნა ნორჩ მებაღეთა პირველი საკავშირო შეჯიბრება, შეჯამდა საკავშირო შეჯიბრების შედეგები. გამარჯვებულთა შორის აღმოჩნდა მახარაძის საბავშვო სახლის პიონერთა რაზმეულიც. ამ რაზმეულის პიონერებმა დარგეს და ახარეს 770 ძირი ხენილი, 350 ძირი დეკორატიული მცენარე.

1948 წლის  
14 ოქტომბერი

ტაჯიკ პიონერს, ნორჩ მებამბეთა რგოლის ხელმძღვანელს ტურსუნალი მატკაზიმოვს ბაშბის უხვი მოსავლის მოყვანისათვის მიენიჭა სოციალისტური შრომის გმირის წოდება. ერთი წლის შემდეგ, 1949 წლის აგვისტოში, სოციალისტური შრომის გმირის წოდება მიენიჭა კიდევ ერთ პიონერს — ქობულეთის რაიონის სოფელ ბობოყვათის საშუალო სკოლის რაზმეულის საბჭოს თავმჯდომარეს ნათელა ჩელებაძეს. მან ეს ჯილდო მიიღო ჩაის ფოთლის სარეკორდო მოსავლის მიღებისათვის.

**ორმოცდაათიანი წლები**

ომის ქარიშხალმა გადაიარა, მის ნანგრევებზე ახალი ქალაქები და სოფლები, ახალი ფაბრიკები და ქარხნები წამოიშალა, ვოლგა-დონის არხში ხომალდების პირველმა ქარაფნებმა გაიარეს. მშვიდობიანმა ატომმა კაცობრიობის ისტორიაში პირველად აამუშავა ელექტროსადგურის ტურბინები. ანთო ვოლჟსკის უდიდესი პიდრონაგებობის ჩირაღდნები. მსოფლიომ პირველად გაიგონა უბრალო რუსული სიტყვა „სპუტნიკი“. ჩვენი ქვეყანა კოსმოსის პიონერი გახდა.

შენი უფროსი ამხანაგები, კომკავშირელები, კვლავ მშენებელთა პირველ რიგებში მიაბიჯებდნენ. ეს ხომ წლობით განმტკიცებული ტრადიციაა. დონბასის შახტები, ყამირი, ციმბირი, უკიდურესი ჩრდილოეთი... შენმა მშობლებმა კარგად იციან ორმოცდაათიანი წლების კომკავშირის დამკვერთული შენების მისამართები. იმ წლებს ხომ მათი კომკავშირული გულის მდულარებაც ატყვია.

რით ცხოვრობდა იმხანად პიონერთი? რას აკეთებდა?

სწავლობდა, შრომობდა, იძენდა ახალ მეგობრებს მსოფლიოს ყველა კუთხეში. ორმოცდაათიანი წლები — ეს არის პირველი სასკოლო პლანეტარიუმი და ყამირელებისათვის გაგზავნილი „პიონერთული ბიბლიოთეკები“, სამზადისი მსოფლიოს სტუდენტობისა და ახალგაზრდობის VI ფესტივალისათვის, საერთაშორისო პიონ-

მათ ასახელეს გვირგვინით



ცყოსყნალი  
მატყაზიმოვი



ნათელია  
ჩელიებაძე

მათ ასახელეს გვირგვინით

# სამუშაო სახელოვანი!



შენი პიონერული ორგანიზაციის ისტორიაში ოქროს ასობითაა ჩაწერილი ეს ორი სახელი—ნათელა ჩელებაძე და ტურსუნალი მატკაჯიშვილი. თითქმის სამი ათეული წლის წინათ, როცა დიდი სამამულო ომი ახალი დამთავრებული იყო და ქვეყანა ჭრილობებს იშუშებდა, ომგადახდილი ქვეყნის მშრომელებს მხარში ედგა მილიონობით შენი თანატოლი. უფროსებთან ერთად ჭრიდა კალოს, კრეფდა ჩაის, ომის შემდეგ დარჩენილ სანგრებში ახალი სახლების საძირკველს ყრიდა... ასე შრომობდნენ ნათელა და ტურსუნალი, ერთი ჩვენთან, საქართველოში, ჩაის პლანტაციებში, მეორე კი შორეულ ტაჯიკეთში. უხვი მოსავლის მიღებისათვის მათ სოციალისტური შრომის გმირის საპატიო წოდება მიენიჭა.

პიონერი — სოციალისტური შრომის გმირი! რა ამაყად ჟღერს ეს სიტყვები, ამაყად და მომწოდებლურად — უსწორდე ბრძოლისა და შრომის გმირებს, სწავლის გმირებს, ჩვენი დღეების საუკეთესო ადამიანებს!

სწორება გმირებზე! — იმედი გვაქვს, რომ ასეთი იქნება შენი ცხოვრების დევიზი!

# სამუშაო სახელოვანი!

ნერული ოთხჯიდი მძლეოსნობაში, პიონერული ელმავლებისა და ტრაქტორების ასაგებად შეგროვებული ათასობით ტონა ჯართი, ქალაქის მაკულატურა, სამკურნალო მცენარეები, და, რა თქმა უნდა, ბევრი სწავლა. იქმნებოდა ნორჩი მათემატიკოსებისა და ფიზიკოსების სასკოლო საზოგადოებები, ტარდებოდა ტურნირები და ოლიმპიადები, ეწყობოდა მოგზაურობა მეცნიერებათა ჯადოსნურ სამყაროში. როსტოველმა პიონერებმა წამოიწყეს შეჯიბრება „შეიდწლედის თანამგზავრი რაზმის“ წოდებაზე. მთელი რაზმი ბეჯითად სწავლობს, გადადის კლასიდან კლასში, მეგობრობს კომუნისტური შრომის ბრიგადებთან, აქტიურად ეხმარება უფროსებს, — ასეთი იყო ამ შეჯიბრების მოთხოვნები. სულ მალე ბევრ რაზმულს ჰყავდა შეიდწლედის თანამგზავრი რაზმები, უკვე თვის რაზმეულებიც იბრძოდნენ ამ საპატიო წოდების მოსაპოვებლად.

ჩვენმა ქვეყანამ ორმოცდაათიან წლებში არაერთხელ გააოცა მსოფლიო ახალი მეცნიერული აღმოჩენებით, არნახული ტექნიკური მიღწევებით, მომავლის გრანდიოზული გეგმებით. წლითიწლობით ძლიერდებოდა ომგადახდილი ქვეყანა. იზრდებოდა და ძლიერდებოდა შენი ორგანიზაციაც. იგი თავის რიგებში ახლა თოთხმეტ მილიონზე მეტ წევრს აერთიანებდა, ცხოვრობდა თავისი კანონებით, აგრძელებდა პიონერთა წინა თაობების სახელოვან ტრადიციებს.

1950 წლის  
14 0360ს0

გაზეთი „პიონერსკაია პრავდა“, დაარსების ოცდახუთ წლის-თავთან დაკავშირებით, დაჯილდოვდა ლენინის ორდენით. ორი თვის შემდეგ სწორედ ამ გაზეთში გამოქვეყნდა ნორჩ მებაღეთა საკავშირო კონკურსის შედეგები. კონკურსში მონაწილეობა მიიღო 7 მილიონ 142 ათასმა პიონერმა და მოსწავლემ. მარტო ერთი წლის მანძილზე ნორჩმა მებაღეებმა დარგეს 30 მილიონ 500 ათასი ხე და დეკორატიული მცენარე. ჩვენი რესპუბლიკის მწვანე სამოსელს იმ წელს მილიონამდე ახალი ნერგი შეემატა.

1953 წლის  
ოქტომბერი

ფოლადის მაგისტრალებზე პირველად გამოჩნდა რამდენიმე თბომავალი და ელმავალი, წარწერით „პიონერული“. ეს თბომავლები და ელმავლები პიონერების მიერ შეგროვებული ჯართისაგან იყო აგებული. „ლითონის ჯართი — სამშობლოს!“ — ყველა რაზმეულს თავისი წვლილი შეჰქონდა ამ მოწოდების განხორციელებაში.



**1955 წლის  
დეკემბერი**

ვ. ი. ლენინის სახელობის საკავშირო პიონერული ორგანიზაციის საპატიო წიგნში შევიდა გმირ პიონერების სახელები: პავლიკ მოროზოვი, კოლია მიაგოტინი, ლიონია გოლიკოვი, ვალოდია დუბინინი, ვალია კოტიკი, ვიტია კორობკოვი, მარატ კაზეი, კოლია ზვერევი, ვალოდია პავლოვი, ვიტია სომენკო, შურა კობერი.

შენი ორგანიზაციის ყველაზე მთავარ საპატიო წიგნში რამდენიმე ქართველი პიონერის სახელიც არის შეტანილი. აი, ისინიც: ბათუმელი პიონერი ჰასან ნინიძე, იგი მესაზღვრეებს დაეხმარა საზღვრის დამრღვევის დაჭერაში.

გალის რაიონის სოფელ აჩიგვარის საშუალო სკოლის რაზმეულის საბჭოს თავმჯდომარე მაყვალა გეგეჭკორი. მისი ხელმძღვანელობით რაზმეულმა მოაწყო მეცხოველეობისა და მეფრინველეობის ფერმა, მოაშენა 8 ოჯახი ფუტკარი, დარგო 10.000 აკაცია, რომ ფუტკარს საჭირო საკვები ჰქონოდა.

გალის რაიონის სოფელ აჩიგვარის საშუალო სკოლის პიონერი ნანული ლილუაშვილი. იგი აქტიურად ეხმარებოდა კოლმეურნეობას, მოკრიფა 2346 კილოგრამი ჩაის ფოთოლი.

წითელწყაროს რაიონის სოფელ გამარჯვების საშუალო სკოლის პიონერები ტრისტან კიკოლაშვილი და კვირია ჯინჭარაული. 1959 წლის ზაფხულში კომბაინზე მუშაობის დროს ჩააქრეს ხანძარი და დაწვას გადაარჩინეს 200 ჰექტარი პურის ყანა.

გარდაბნის რაიონის სოფელ შინდისის სკოლის პიონერები იზაბელა ჯიჯიაშვილი და ლალი ტოტოლაშვილი. მათი თაოსნობით რაზმეულის პიონერებმა გამოკვებეს აბრეშუმის ჭია და სახელმწიფოს ჩააბარეს 60 კილოგრამი პარკი, კოლმეურნეობას გაუმარგლეს 10 ჰექტარი ყანა, 13 ჰექტარზე აიღეს სიმინდის მოსავალი.

**1959 წლის  
10 ივლისი**

ბორჯომის ხეობაში, კარვების პიონერულ ქალაქ „მზიანეთში“, გაიხსნა საქართველოს პიონერთა მეექვსე რესპუბლიკური შეკრება. ამ შეკრებას წინ უძღოდა საინტერესო თამაში „ვაშენებთ პიონერულ ქალაქს“. მოსწავლეები მთელი წლის მანძილზე სწავლობდნენ კარვების გაშლას, ელექტროგაყვანილობის მოწყობას, სადილის მომზადებას, ქუჩაში მოძრაობის წესებს. ასრულებდნენ მშენებლობის სამმართველოს დავალებებს, ვაზეთ „ნორჩ ლენინელში“ რომ იბეჭდებოდა სისტემატურად. ასეთი იყო თამაშის



პირველი ეტაპი. მეორე ეტაპზე კი თამაშში გამარჯვებული 500 მლსწავლე შეიკრიბა ბორჯომის ხეობაში, მდინარე ნეძურას პირას, და შეუდგა პიონერული ქალაქის მშენებლობას.

თორმეტ დღეს შენდებოდა კარვების ქალაქი. პიონერებმა თავისი ხელით გაიყვანეს ქუჩები, მოაწყვეს მწვანე თეატრი, მუზეუმი, სახელოსნო, ფოსტა, სასადილო... ერთი სიტყვით, ყველაფერი, რაც ნამდვილი ქალაქისათვის არის საჭირო. აი, სწორედ ამ ქალაქში ჩატარდა რესპუბლიკური შეკრება. პიონერები შეხვდნენ ძველ რევოლუციონერებს, ჩაატარეს სპარტაკიადა და ტყის კარნავალი, მხატვრული თვითმოქმედების ოლიმპიადა.

## სამოციანი წლები

„ვისწავლოთ, ვიცხოვროთ და ვიმუშაოთ ლენინურად“.— ამ სიტყვებით უნდა გადავშალოთ სამოციანი წლების პიონერული მატინე, რადგან მისი დასაწყისიც და დასასრულიც ვ. ი. ლენინის სახელთან არის დაკავშირებული. დასაწყისი — მისი დაბადების 90 წლისთავის ზეიმთან, სოლო დასასრული — 100 წლისთავის იუბილესათვის სამზადისთან. ამ ორ თარიღს შორის მოქცეული ათეული ჩვენი წინსვლის ისტორიაში გიგანტური კოსმოსური სიჩქარეებით არის ჩაწერილი. ესაა იური გაგარინი, კოსმოფრენის პიონერი დედამიწის მკვიდრთა შორისაა მთვარის პირველი საბჭოური თანამგზავრები და მრავალადგილიანი კოსმოსური ხომალდები; ესაა მსოფლიოში უდიდესი ბრატსკის ჰიდროელექტროსადგური და გაზსადენი ურალი-ბუხარა, უდაბნოებს, მთებსა და მდინარეებს რომ გადასწვდა ათასობით კილომეტრზე; ესაა ახალი ქალაქები, ქარხნები და ფაბრიკები, ატომური ელექტროსადგურები და ახალი საბადოები... თაობათა ესტაფეტა გრძელდება და იგი, ეს ესტაფეტა, ახლა შენ უნდა გააგრძელო, სწორედ შენ და შენმა თანატოლებმა, იმათ, ვინც სამოციანი წლებში დაიბადა, ვინც სამოცდაათიანი წლების ნორჩ ლენინელთა თაობას შეადგენს.

სამოციანი წლების პიონერთი კი თავისი ჩვეულებრივი საქმეებით ცხოვრობდა, თუ ჩვეულებრივი ეთქმის იმას, რასაც 180 ათასი რაზმი აკეთებდა. სამოციანი წლების პიონერული ქრონიკა შეიძლება დაგვეწყოს პირველი საკავშირო რადიოსაზით, 1960 წლის 2 ოქტომბერს რომ გაიმართა. ეს თარიღი შემთხვევით არ აურჩევიათ: ორმოცი წლის წინ, 1920 წლის 2 ოქტომბერს.

ვ. ი. ლენინი სიტყვით გამოვიდა კომკავშირის მესამე ყრილობის დელეგატების წინაშე. და, აი, ორმოცი წლის შემდეგ მთელი პიონერთი შეიკრიბა საკავშირო რადიოსაზუზე, რომ თავისი სწავლისა და შრომის შესახებ პატაკი ჩაებარებინა პარტიისათვის, ხალხისათვის, კომკავშირისათვის. პიონერული ორგანიზაციის 40 წლის-თავის იუბილესათვის მზადებასთან დაკავშირებით გამოცხადდა ორწლელი „პიონერი სამშობლოს“.

ასე ჩაეყარა საფუძველი კიდევ ერთ კარგ ტრადიციას — საკავშირო რადიოსაზი ჩატარებული მუშაობის ანგარიშიც არის და ახალ პიონერულ საქმეთა დასაწყისიც.

18 მაისი  
1962 წლის

ეს დღე განსაკუთრებით საზეიმო და დაუვიწყარია ყველასათვის, ვინც ოდესმე მდგარა პიონერულ მწყობრში, ვისაც პიონერული კანონებით უცხოვრია. კრემლის ყრილობათა სასახლეში, სადაც ყველაზე მნიშვნელოვანი სხდომები ტარდება ხოლმე, იმ დღეს შეიკრიბნენ პიონერთა ყველა თაობის წარმომადგენლები. აქ იყვნენ ისინიც, ვინც ოციან წლებში ქმნიდნენ პირველ რაზმებს, და ისინიც, ვინც ოცდაათიან წლებში ებრძოდნენ კულაკებს, კომკავშირელთა მხარდამხარ აშენებდნენ დნებრპესს და ამურის კომკავშირულ ქალაქს; აქ იყვნენ ისინიც, ვინც სამამულო ომის ქარცეცხლში გამოატარეს პიონერული დროშები და შემდეგ ყუმბარებისაგან გადათხრილ სანგრებში ახალი სახლების საძირკველი ჩაყარეს; აქ იყვნენ ორმოცდაათიანი წლების ყამირელებიც და სამოციანი წლების პიონერებიც, ბეჯითი სწავლითა და შრომით რომ ემზადებოდნენ ამ დღისათვის. და, აი, სამშობლომ მაღალი შეფასება მისცა მათ საქმიანობას: პიონერთის ყველაზე მთავარ დროშაზე — საკავშირო პიონერული ორგანიზაციის დროშაზე — აკიფდა უმაღლესი ჯილდო — ლენინის ორდენი. ლეონიდ ილიას ძე ბრეჟნევმა ჩვენი ქვეყნის კომუნისტების სახელით ასე მიმართა პიონერებს:

— ჩვენი სოციალისტური სამშობლოს მონაპოვართა დაცვა და გამრავლება თქვენ უმთავრესი ამოცანაა. დღეს თქვენ ბავშვები ხართ, გავა სულ რამდენიმე წელი და თქვენ ჩადგებით კომუნიზმის აქტიურ მშენებელთა რიგებში.

მაშ, ემზადეთ, ბავშვებო, ამ კეთილშობილური საქმისათვის. უკვე ახლა უნდა შეითვისოთ ყოველივე ის, რაც შექმნილია უფროსი თაობების მიერ, რომ გახდეთ ნამდვილი კომუნისტები. იყა-

ვით მზად, აქტიურად მონაწილეობდეთ კომუნისტური პარტიის დიადი საქმისათვის ბრძოლაში.

მეორე დღეს, 19 მაისს, წითელ მოედანზე გაიმართა დელაქა-ლაქის პიონერთა დიდი საზეიმო აღლუმი. იმ დღეს მავზოლეუმის წინ მწყობრი ნაბიჯით ჩაიარა ათი ათასზე მეტმა პიონერმა. მოსკოველი მოსწავლეების მწყობრში მიაბიჯებდნენ საზეიმო სხდო-მაზე მოძმე რესპუბლიკებიდან ჩამოსული პიონერული დელეგაციე-ბის წევრებიც. მავზოლეუმის შესასვლელთან კი, იქ, სადაც ჩვეუ-ლებრივად დგას სოლმე ორი ჯარისკაცი, ექვსი ნორჩი ლენინელი იდგა საპატიო ყარაულში, ჩვენი ქვეყნის № 1 საგუსეგოზე.

ასე იყო მოსკოვში, თბილისი კი იმ დღეს პიონერთა საიუბი-ლეო შეკრების დელეგატებს მასპინძლობდა.

**1962 წლის 10 ივლისი** „არტკეში“ გაიხსნა პიონერთა მეორე საკავშირო შეკრება, იგი პიონერული ორგანიზაციის 40 წლისთავს მიეძღვნა. შეკრების დე-ლეგატებმა მოწოდებით მიმართეს ყველა პიონერს, რომ 2 ოქ-ტომბერს — საკავშირო რადიოხაზზე — დაეწყოს რაზმების შე-ჯიბრება „ვისი რაზმია უკეთესი?“

**1966 წლის 30 სექტემბერი** საბჭოთა კავშირის უმაღლესი საბჭოს პრეზიდიუმის ბრძანე-ბულით, დაარსების ოცდახუთ წლისთავთან დაკავშირებით თბილისის ბ. ძნელაძის სახელობის პიონერთა და მოსწავლეთა სასახლე დაჯილდოვდა შრომის წითელი დროშის ორდენით.

**1967 წლის 15 ივნისი** „არტკეის“ მთავარ ანძებზე კიდევ ერთხელ აფრიალდა თხუთმე-ტი მოძმე რესპუბლიკის სახელმწიფო დროშები — გაიხსნა პიო-ნერთა მესამე საკავშირო შეკრება. იგი დიდი ოქტომბრის სო-ციალისტური რევოლუციის 50 წლისთავს მიეძღვნა. ნორჩმა კვა-ლისმაძიებლებმა შეკრებაზე შეაჯამეს იმ დიდი მუშაობის შედე-გები, რაზმებმა რომ გასწიეს საბჭოთა ხალხის რევოლუციური, საბრძოლო და შრომითი ტრადიციების შესასწავლად. შეკრებაზე მოეწყო შეხვედრები ინტერესების მიხედვით: თავის მუშაობაზე ერთმანეთს ესაუბრებოდნენ პიონერთა რაიონული და საქალაქო შტატების წევრები, ოქტომბრულთა ხელმძღვანელები, რაზმისა და რაზმეულის საბჭოს თავმჯდომარეები, საცხოვრებელი ადგილის

მიხედვით მუშაობის ორგანიზატორები, ნორჩი არმიელები, მესაზღვრეთა და მილიციელთა ნორჩი მეგობრები, სპორტული გუნდების კაპიტნები და მსაჯები, ინტერნაციონალური მეგობრობის კაბინეტების სელმძღვანელები. შეკრების ერთი დღე დაეთმო პიონერთა სოლიდარობას მსოფლიოს ხალხებთან, თავისუფლებისა და დამოუკიდებლობისათვის რომ იბრძვიან.

ასლოვდებოდა კომკავშირის 50 წლისთავის იუბილე. და, აი, ამ თარიღთან დაკავშირებით, მესამე საკავშირო შეკრების გადაწყვეტილებით, დაიწყო დათვალიერება „იკაშკაშეთ, ლენინურო ვარსკვლავებო!“

1969 წლის  
19 მაისი

ნოვოროსიისკისა და ვლადივოსტოკის საზღვაო ნავსადგურებიდან გავიდა ორი ხომალდი — „ბერეზოვკი“ და „მონგუჩაი“. კურსი — ვიეტნამი. მათ საბჭოთა პიონერების საჩუქრები წაუღეს მებრძოლი ვიეტნამის ბავშვებს. ასე დაიწყო პიონერული სოლიდარობის დიდი კამპანია „საბჭოთა კავშირის პიონერები — ვიეტნამს!“

სამოცდაათიანი  
წლები

არც ისე დიდი დრო გვაშორებს ამ ათწლეულის დასაწყისიდან — სულ რაღაც ექვსი წელიწადი. მთელი ქვეყანა — მუშები და კოლმეურნეები, ინჟინრები და მეცნიერები, პოეტები და კომპოზიტორები, — ყველა ახალ შრომითს ნობათს ამზადებდა ვ. ი. ლენინის დაბადების 100 წლისთავის აღსანიშნავად. ემზადებოდა პიონერთიც — ნორჩ ლენინელთა სამოცდაათიანი წლების თაობა.

ყველა რაზმეული მონაწილეობდა საკავშირო ექსპედიციაში „ილიჩის ანდერძის ერთგულნი ვართ“. „წითელი კვალისმაძიებლები“ მოგზაურობდნენ ლენინურ ადგილებში, სწავლობდნენ ლენინის სახელობის ქალაქების, ფაბრიკებისა და ქარხნების ისტორიას, ხვდებოდნენ ლენინის ორდენოსან ადამიანებს, აქტიურად მონაწილეობდნენ კომკავშირულ ორწლიურში „კომკავშირი — სოფლის სკოლას“, მიაბიჯებდნენ სამხედრო-სპორტული თამაშის „ცისკრის“ საბრძოლო გზებით. სამოცდაათიანი წლების პიონერთა მეგობრობის თავისებურ სიმბოლოდ იქცა ოპერაცია „ჩუკოტკა“. ყველა რაზმეული გამოეხმაურა მოსკოველი პიონერების მოწოდებას, შეეგროვებინათ ფული ჩუკოტკაზე მეგობრობის პიონერულ-

ლი სასახლის ასაშენებლად. ყოველწლიურად ათასობით მანეთი ირიცხება სასახლის მშენებლობის ანგარიშზე. მეგობრობის ამანათები მიდის შორეულ ჩუკოტკაზე ჩვენი სამშობლოს ყოველი კუთხიდან.

სწორედ ამაზე უპატაკეს პიონერებმა 1970 წლის 26 მაისს ლენინური კომკავშირის XVI ყრილობას. ყრილობამ მიიღო მარტოვა საბჭოთა კავშირის ყველა პიონერისადმი, მოუწოდა მათ, დაეწყოთ სამზადისი ვ. ი. ლენინის სახელობის საკავშირო პიონერული ორგანიზაციის 50 წლისთავის აღსანიშნავად. ამ მიმართვის პასუხად პიონერთა IV საკავშირო შეკრების დელეგატებმა, ჩვენი ქვეყნის ოცდასამი მილიონი ნორჩი ლენინელის სახელით, პირობა მისცეს კომკავშირს, რომ ღირსეულად აღნიშნავდნენ პიონერული ორგანიზაციის ნახევარსაუკუნოვან იუბილეს. ასე დაიწყო პიონერთა საკავშირო მარში „მზად ვართ!“

მეოთხე საკავშირო შეკრება ვ. ი. ლენინის დაბადების 100 წლისთავის აღსანიშნავად ჩატარდა ლენინგრადში 1970 წლის 30 ივნისიდან 3 ივლისამდე. შეკრების 24 დელეგატი დააჯილდოეს საიუბილეო მედლით. მათ შორის იყო ქუთაისის III საშუალო სკოლის რაზმეულის საბჭოს თავმჯდომარე თემურ უკლება.

**ტრადიცია** ასე დაიწყო საბჭოთა პიონერებისათვის ეს ათწლეული. რა  
**გრძელდება** უნდა გაიგებოთ ამ განვიღო სუთ წელიწადზე? შენი ვარსკვლავიც  
სომ მონაწილეობდა საიუბილეო მარშში, ესწრებოდა საშეფო  
რაზმის შეკრებებს, ხვდებოდი თქვენს უფროს მეგობრებს—  
კომკავშირელებს, ჩვენი ქვეყნის მოწინავე ადამიანებს. ალბათ,  
შენს მესხიერებაშიც არასდროს არ წაიშლება 1972 წლის მაისის  
საზეიმო დღეები, როცა შენი ორგანიზაციის დროშაზე ლენინის  
მეორე ორდენი აკაიფდა; გახსოვს საზეიმოდ მორთული წითელი  
მოედანიც და პიონერთა V საკავშირო შეკრების საცნობებიც.  
1972 წლის აგვისტოში რომ გაისმოდა „არტიკიდან“.

მას შემდეგ, 1974-76 წლებში, აქ, ჩვენი ქვეყნის პიონერთა  
მრავალი თაობისათვის ასე საყვარელ და საოცნებო „არტიკში“.  
საბჭოეთის პიონერების კიდევ ერთი შეკრება გაიმართა.

ოთხ დღეს ფრიალებდა პიონერთა VII საკავშირო შეკრების  
ალამი. დიდი ოქტომბრის 60 წლისთავისათვის სამზადისიკენ  
რომ მოუწოდა პიონერებს. „კომუნისტებისაგან ვიღებთ მგა-  
ლითს!“ ასეთია 70-იანი წლების ნორჩი ლენინელების მოწოდება.  
თაობათა ესტაფეტა გრძელდება, ჩვენი პარტიის XXV ყრი-



ლობამ ახალი სიმაღლეები დაუსახა საბჭოთა ხალხს. პარტიის გეგმები ხომ ხალხის გეგმებია. თვალს თუ გადაავლებ მეცხრე ხუთწლედის ციფრებს, დარწმუნდები, რომ, მართლაც, დიდი და საოცარი გეგმებია, წინსვლის გიგანტური ნაბიჯებია. 1980 წლის ბოლოსათვის ჩვენი ქვეყნის ეკონომიკამ უნდა მიიღოს 1340-1380 მილიარდი კილოვატსაათი ელექტროენერგია. 620-640 მილიონი ტონა ნავთობი, 160-170 მილიონი ტონა ფოლადი. ამ ხუთი ათეული წლის წინათ ვ. ი. ლენინი ასი ათას ტრაქტორზე ოცნებობდა, მარტო ამ ხუთწლედში კი სოფლის მეურნეობა 600 ათას ტრაქტორს მიიღებს. 1918 წელს საბჭოთა რუსეთის მრეწველობას მხოლოდ 22 დარგი ჰქონდა, ახლა დარგების რაოდენობამ 300-ს გადააჭარბა. მეათე ხუთწლედში ხალხი მიიღებს 540-550 მილიონი კვადრატული მეტრი ფართობის საცხოვრებელ ბინებს. ეს ნიშნავს, რომ 60 მილიონი კაცი იზიემებს ახალმოსახლეობას!

ამ გრანდიოზულ ციფრებში ჩვენი ქვეყნის სვალინდელი დღეა. აშენდება ახალი ქალაქები, ფაბრიკები და ქარხნები, სკოლები, პიონერთა სახლები და სასახლეები. გაიყვანენ ახალ გზებსა და არხებს, ახალი კოსმოსური ხომალდები აიჭრებიან ვარსკვლავებით დახუნძლულ ცაში.

ხუთწლედის მთავარი ამოცანა — ეს არის ხალხზე, მის კეთილდღეობაზე, მის მომავალზე ზრუნვა. ჩვენი გეგმები იმით არის ძლიერი და რეალური, რომ ეს ხალხის გეგმებია და ხალხი არაფერს არ დაიშურებს მათი განხორციელებისათვის. ყველგან და ყოველთვის უნდა გახსოვდეს პარტიის XXIV ყრილობის დელეგატების მოწოდება:

„ყველაფერში უსწორდით კომუნისტებს და კომკავშირელებს! ყოველ რაზმეულს — მეცხრე ხუთწლედის დამკვერთვური საქმე!“

ეს შენ უნდა გააგრძელო პიონერთა თაობების სწავლისა და შრომის სახელოვანი ტრადიციები. ოდესღაც, ამ ორმოცდაათი წლის წინათ, პირველ რაზმში მხოლოდ 52 პიონერი იყო. ახლა ჩვენი რაზმეული 25 მილიონ წევრს აერთიანებს. მათ შორის ხარ შენც, ერთი რიგითი ჯარისკაცი. უსწორდი პიონერულ დროშას, ბეჯითად ისწავლე და იშრომე, რადგან შენი შრომა ოცდახუთი მილიონი შენი თანატოლის შრომას ერწყმის, ახალი საქმეებით ავსებს თაობათა მატინანს.

იყავი მათი ღირსეული მემკვიდრე ყველგან და ყველაფერში!



## პ ი ო ნ ე რ უ ლ ი

მუსიკა ალ. შავერზაშვილისა  
ლექსი ჯ. ნინუასი

ჩვენი მჭექარე სიმღერა  
მსოფლიოს ხალხებს ახარებს,  
რომ შრომა, მეგობრობა და  
მშვიდობა გვინდა პატარებს.

სწავლა და სწავლა! — წინ გვიძღვის  
დიდი ლენინის სიტყვები,  
ფიცი შივეციტ პარტიას,  
მისი ერთგულნი ვიქნებით.

მ ი ს ა მ ლ ე რ ი:

მან მოგვცა ასეთი  
უღრუბლო ბავშვობა,  
სამშობლოს მადლობა,  
პარტიას მადლობა!

ჩვენია აწმყო ნათელი  
და მომავალიც ჩვენია,  
სამშობლო — ჩვენი ფიცია,  
სამშობლო — თავს გვირჩვენია.

მზის და ლენინის თაობა  
ვხარობთ სამშობლოს მაისით,  
იმის დაძახილს — „იყავ მზად!“ —  
„მზად ვართ!“ — ვპასუხობთ ზალისით.

მ ი ს ა მ ლ ე რ ი:



### სამუდამოდ მწყობრში

შენ უკვე იცი, როგორ შეიქმნა პიონერთა ორგანიზაცია, იცი, როგორ იზრდებოდა და ვითარდებოდა იგი წლების მანძილზე. ახლა უნდა გიამბოთ მის საუკეთესო წევრებზე, შენს თანატოლ გოგონებსა და ბიჭებზე. აი, იმათზე, ვისი სახელიც ოქროს ასოებით არის ჩაწერილი შენი ორგანიზაციის ისტორიაში. პავლიკ ანდრეევის და კოტე მღებრიშვილის ათასობით თანატოლი იბრძოდა რევოლუციის ბარბაკადებზე, მერე, ოციან და ოცდაათიან წლებში, ჩვენს ქვეყანაში სოციალიზმის მშენებლობა რომ დაიწყო, მათი საქმე პავლიკ მორთოვმა და მისმა თანატოლებმა განაგრძეს; შემდეგ — დიდი სამამულო ომი, ნორჩი პატრიოტების ახალი სახელები: ლიონია გოლიკოვი, ვალია კოტიკი, ვალოდია დუბინინი, ზინა პორტნოვა. რუბენ იბარუნი... ყველას ვერ ჩამოვთვლი, ათასობით ნორჩი გმირი დგას სამარადისო პიონერულ მწყობრში.

სწორედ მათზე ვიამბობთ ახლა...

### ლიონია გოლიკოვი

ლიონკას არასდროს არ უფიქრია, რომ გერმანელ გენერალს პირისპირ შეხვდებოდა, მაგრამ ომში ყველაფერი შეიძლება მოხდეს... მზვერავეების ჯგუფი მთელ ღამეს გზატკეცილის პირას იყო ჩასაფრებული. ღამის სიმყუდროვეს არაფერი არღვევდა, მხოლოდ დილაადრიან აქლურტულდნენ ჩიტები. ისინი ხომ ყველაზე ადრე ხვდებიან განთიადს! გზატკეცილზე არაფერ ჩანდა, ჯგუფის მეთაურმა მზვერავეებს უკან დახევის ნიშანი მისცა. ლიონკა რატომღაც ცოტათი შეყოვნდა და, ის იყო, თავისიანების დასაწევად უნდა გაქცეულიყო, რომ გზატკეცილზე მტერის ბული დაინახა. მსუბუქი მანქანა ახლოვდებოდა. „იქნებ შტაბის მანქანაა? — გაიფიქრა გოლიკოვმა. — მაგრამ ჩვენების გაფრთხილებას რომ ვერ მოვასწრებ?“

ხიდთან ქვების გროვა ეყარა, სწორედ ამ ქვებს ამოფარა. დეღავდა, წამები უსასრულობად ეჩვენებოდა. აი, მანქანა ხიდს გაუსწორდა. ლიონკამ ძალ-ღონე მოიკრიბა და ხელყუმბარა ისროლა. ხელყუმბარა მანქანის წინა თვლებთან გასკდა. მანქანიდან თეთრიკიტელიანი ოფიცერი გადმოხტა და უკანმოუხედავად გაიქცა. „ვერ წამიხვალ“, — ჩაილაპარაკა ლიონკამ და ტყვიამფრქვევის ცეცხლი გახსნა, მაგრამ მიზანს ააცდინა. მხოლოდ ახლა შეაჩინა, რომ ოფიცერს პორტფელი ეკავა. „დოკუმენტები, შტაბის დოკუმენტები!“ გაიფიქრა გახარებულმა და იშპამსვე ფაშისტს დაედევნა. უჩვეულო დუელი გაიმართა. ფაშისტს სროლით ტყისკენ გარბოდა,





ლიონკაც სროლით მისდევდა. ოფიცერმა კიტელი გაიხადა და დააგდო, თავქუდმოგლეჯილი გარბოდა ტყისკენ. ლიონკამაც გაიხადა ჩექმები, რომ სირბილი გაადვილებოდა. „თუ ტყემდე მივალწია, მორჩა, დაიმალება კიდევაც“, — გაიფიქრა გოლიკოვმა. არადა ტყეც ასლოვდებოდა, ფაშისტი მართლა თავს უშველიდა. ლიონკამ უცებ მოისაზრა, პარტიზანული წესით, ჩაჩოქილს ესროლა. თოფმა იქუსა, ჰიტლერული ბალახებში ჩავარდა.

პარტიზანულ ბანაკში ლიონკა გვიან დაბრუნდა, გენერლისსამხრეებიანი თეთრი კიტელი ეცვა, მხარზე ორი ავტომატი მოედო — თავისი და ნადავლი, ხელში კი შტაბის დოკუმენტებით საესე პორტფელი ეკავა.

ნორჩი მზვერავი მაშინვე პარტიზანული ბრიგადის შტაბის უფროსმა ტროფიმ პეტროვმა გამოიძახა.

— გენერლის დოკუმენტები მეტად მნიშვნელოვანია და საიდუმლო, ჩვენ მათ დაუყოვნებლივ მოსკოვს გადაეცემთ, — უთხრა შტაბის უფროსმა. — ფაშისტმა გენერალმა ახალი ნაღმის საიდუმლო გვაცნობა. ხომ გესმის?

— მესმის, — გაიღიმა ლიონკამ.

პეტროვი ლიონკასთან მივიდა, ხელი მაგრად ჩამოართვა და გადაეხვია:

— ყოჩაღ, შვილო...

რაზმში ახალი ფორმით დაბრუნდა, გახარებული იყო. მეორედღეს კი პარტიზანული რაზმის მეთაურმა მეზობლებს უამბო ნორჩი მზვერავის გმირობის ამბავი. მან ისიც თქვა, რომ ლიონკა გოლიკოვი საბჭოთა კავშირის გმირის წოდებაზე წარადგინეს.

ლიონკა გოლიკოვი უთანასწორო ბრძოლაში დაიღუპა ორმოცდასამი წლის იანვრის დამლევის. არ შემკრთალა, როცა შტაბთან ერთად გარემოცვაში მოხვდა. უკანასკნელ ტყვიამდე ისროდა, რომ პარტიზანული რაზმის დოკუმენტები დაეცვა და მტერს არ ჩავარდნოდა ხელში...

მისი პარტიზანული დოკუმენტები საბრძოლო გადაძახილს წააგავს:

გვარი — გოლიკოვი.

სახელი — ლიონია.

პარტიულობა — პიონერი.

პარტიზანულ რაზმში შესვლის დრო — 1942 წლის მარტი.

საბრძოლო გზა: მონაწილეობა მიიღო 27 ოპერაციაში, გაანადგურა 78 ფაშისტი, ააფეთქა ორი რკინიგზისა და 12 საგზატყე-



ცილო ხედი, ათი ავტომანქანა და 2 საწყობი, ორთაბრძოლაში და-  
ამარცხა ფაშისტი გენერალი.

ჯილდოები: წითელი დროშის ორდენი, მედალი „მამაცობისა-  
თვის“, გმირის „ოქროს ვარსკვლავი“.

**მარატ  
კაჯი**

ის-ის იყო კვირტებმა გაშლა იწვო ხეებზე. მარატს გაზაფხუ-  
ლი უყვარდა. სტანკოველ ბიჭებთან ერთად ხშირად დადიოდა  
ტყეში. არყის ხის წვეს სვამდნენ და სუნთქვაშეკრულნი უსმენ-  
დნენ რიჭობის საგაზაფხულო სიმღერას, ახლა კი ყოველ უბრა-  
ლო გაფაჩუნებაზედაც ყურადღებად უნდა ქცეულიყო, ყოველ ბურქს  
მიღმა შეიძლებოდა მტერი ყოფილიყო ჩასაფრებული.

ტყეში ცხენებით მიიკვლევდნენ გზას. წინ დაზვერვის უფრო-  
სი მიხეილ ლარინი მიდიოდა, მკერდზე ბინოკლი ჰქონდა ჩამო-  
კიდებული, ქამარში ხელყუმბარები გაერთო. უკან მარატი მიჰყე-  
ბოდა, მასაც ავტომატი მოემარჯვებინა. ბნელდებოდა. მარატი  
ხეზე აძვრა, მოშორებით პატარა სოფელი დანახა და ნეთაურს  
მოახსენა. ლარინმა გადაწყვიტა, სიბნელეს დალოდებოდნენ და  
სოფელში გაეთიათ ღამე. პარტიზანები დაიქანცნენ. ცხენებსაც  
არაქათი გამოეცალათ. ქოხამდე შეუმჩნევლად, ეზო-ეზო მიადწი-  
ეს. დააკაუნეს. კარი მასპინძელმა გააღო. იგი სიტყვაძვირი, პირ-  
ქუში კაცი აღმოჩნდა.

— ოდნავ რომ ირიყრაყებს, მაშინვე გამაღვიძე. — უთხრა ლა-  
რინმა მასპინძელს.

პარტიზანები დასაძინებლად მოეწყვნენ. სიჩუმე ჩამოვარდა.  
მაგრამ რა მაცდურია ზოგჯერ სიჩუმე! მარატი მეთაურის შეძა-  
ხილმა გამოაღვიძა:

— ფაშისტები სასწრაფოდ ცხენებზე, ტყეს შევაფაროთ თავი!..  
მზვერავებმა ცხენებზე შესხდომა მოასწრეს და ტყეს მიაშუ-  
რეს. ფაშისტებმა ტყვიების სეტყვა დაუშინეს. მარატი სულმოთ-  
ქმელად მიაჭენებდა ცხენს. ტყემდე სულ რაღაც ორასი თუ სამასი  
მეტრი იქნებოდა დარჩენილი, მაგრამ... უცებ ცხენი წაიქცა, თით-  
ქოს რაღაც უსილაგ დაბრკოლებას გადააწყდაო. მარატი ცხენს  
თავზე გადაეველო და მიწას დაენარცხა. მან ჯერაც არ იცოდა,  
რომ მეთაური მოკლული იყო, თვითონაც თითქმის ალყაში იყო  
მოქცეული. მარატი გარბოდა, ეცენოდა, ისევ გარბოდა, შემდეგ  
კი, როცა ტყვიები ყოველი მსრიდან წამოვიდა, ბურქებისაკენ ვა-  
ცოცდა. მხოლოდ ახლა გაარჩია ფაშისტების ჯაჭვი, ისინი მისკენ

მოაბიჯებდნენ. „ესეც თქვენ, ქვეწარმავლებო!“ — კბილებშუა გამოსცრა და ავტომატის ჯერი გახსნა. ფაშისტები მიწას გაერთხნენ. ალბათ, მიხვდნენ, რომ იქ, ბურჩქებს შიღმა, მხოლოდ ერთი პატიზანი იყო, და ცდილობდნენ ალყაში მოემწყვდიათ. მაგრამ მარატ კაზეი ასე იოლად დანებებას არ აპირებდა. როცა ავტომატი დადუმდა, მან იგი განზე მოისროლა და ორი გრანატა ამოიღო, „ცოცხლად უნდათ ჩამიგდონ ხელში“. — გაიფიქრა კაზეიმ. მწვანემაზარიანი ჯარისკაცები ყოველი მხრიდან ფრთხილად უახლოვდებოდნენ. აი, მარატამდე ოცდაათი ნაბიჯიღა დარჩათ, ოცი... ახლოს არიან, მათი მძიმე სუნთქვაც კი ესმის. მარატმა პირველი გრანატა ისროლა. რამდენიმე ფაშისტი ადგილზე დარჩა. შემდეგ მთელი ტანით წამოიშართა, ხელში გრანატა ჩაბლუჯა და ჯიქურწავიდა მტრებისაკენ....

დაიღუპა, მაგრამ მტერს არ დანებდა. ბელორუსიაში დაიბადა, ბელორუსიაში იბრძოდა, ბელორუსიაში დაიღუპა. ფაშისტებს მკვდარი მარატისაც კი ეშინოდათ.

დაიღუპა სტანკოველი ბიჭუნა, გამირობაზე რომ ოცნებობდა და ჩაიღინა კიდევაც გამირობა. ჯერ კიდევე მოსწავლე იყო, როცა კითხვაზე — „ვის გინდა მიბაძო?“ — ასე უპასუხებდა ხოლმე: ჩაპაევს, ჩკალოვს, პაპანინს. დღეს მისი მშობლიური სოფლის პითნერები იმავე კითხვაზე პასუხის გაცემისას აუცილებლად დაუმატებენ: მარატ კაზეის.

## ვალენტინე კოტიკი

...გზატკეცილზე სულიერის ჭაჭანება არ იყო. არც შეპეტოვკაში მიმავალი და არც იქიდან მომავალი მანქანები არ ჩანდა. ნორჩი მწვერავეები გზის პირას ჩასაფრებულნი იყვნენ. ერთი საათი გავიდა, ორი, სამი... უცებ შორს, გზატკეცილის მოსახვევში, მსუბუქი ავტომანქანა გაშოჩნდა, ფაშისტი დამსჯელებით საეყ ორი მანქანა ახლდა. ვალია კოტიკმა მაშინვე იცნო მძღოლის გვერდით მჯდარი ოფიცერი. ეს იყო შეპეტოვკის ყანდარმერიის უფროსი, ობერლეიტენანტი კენიგი. ვინ მოსთვლის, რამდენი საბჭოთა ადამიანი უმსხვერპლია მის სისასტიკეს.

ბიჭები ბურჩქებს ამოეფარნენ. გადაწყვიტეს, მანქანა აეფეთქებინათ და ყანდარმერიის შეფი მოეკლათ. როცა მანქანამდე რამდენიმე მეტრიღა იყო დარჩენილი, ნორჩი მწვერავეები ბურჩქებიდან გამოცვივდნენ და ბორბლებქვეშ ხელყუმბარები ისროლეს. სამი აფეთქება თითქმის ერთდროულად გაისმა. უკან მომავალმა ჯა-

რისკაცებით სავსე ავტომანქანებმა დამუხრუჭებაც კი ვერ მოასწრეს, კენიგის დაზიანებულ მანქანას დაეჯახნენ. ფაშისტებმა მთელი ტყე ტყვიებით დაცხრილეს, მაგრამ ნორჩი მშვერავები უკვე შორს იყვნენ. მეორე დღეს მთელ შეპეტოვკას სალაპარაკოდ ჰქონდა, რომ პარტიზანების რაზმი გაბედულად დაესა თავს ფაშისტებს და შეპეტოვკას ჯალათმა დამსახურებული სასჯელიც მიიღო.

...ვალია კოტიკი მორიგი დაზვერვიდან ბრუნდებოდა. სადგურ ცვეტახას მახლობლად მისი ყურადღება გზისპირა ფერდობმა მიიპყრო; მიწა გადათხრილი ჩანდა. „ნეტაუ რა უნდა იყოს?!“ — გაიფიქრა და მიწის გადათხრას შეუდგა. მალე კაბელსაც წააწყდა.

კოტიკმა პარტიზანებისაგან იცოდა, რომ განსაკუთრებით მნიშვნელოვან კავშირს ჰიტლერელები მეტისმეტად გულდასმით ნიღბავდნენ.

— ჰოდა, მეც დავესმარები ამ ქვეწარმავლებს, — ჩაილაპარაკა და თან დანა ამოიღო.

სწორედ ამ დროს ვარშავიდან ჰიტლერს პირდაპირი სატელეფონო ხაზით მეტად მნიშვნელოვანი საუბარი უნდა დაეწყო აღმოსავლეთის მიწების რაიხსკომისარ როზენბერგთან, სპეციალურად რომ ჩავიდა როვნოდან შეპეტოვკაში. და, აი, ხაზზეა ვარშავა, სადაცაა როზენბერგი ფიურერის ხმას გაიგონებს. იგი სმენაზე დადგა, ხელი წინ გამოსწია და აპარატთან დაიდრიალა: „პაილ, ჰიტლერი!“ ეს იყო უკანასკნელი სიტყვები, მათ გარდა ჰიტლერს არაფერი გაუგონია. ყურმილი დუმდა. მართლაც, რა არ ხდება ომში ჰიტლერმა ასობით კილომეტრი გამოიარა, რომ რაიხსკომისარს გასაუბრებოდა, ვალია კოტიკმა კი მშვიდად გადაჭრა კაბელი, გულდასმით ჩაფლა იგი მიწაში და შენიღბა, „უბოინ, რამდენიც უნდათ“, — ჩაიცინა და რაზმში გასწია. მაშინ არც კი იცოდა, რომ ფიურერის მნიშვნელოვანი მოლაპარაკება ჩაშალა, ეს მხოლოდ მოგვიანებით გაიგო.

...რაზმს ადგილი უნდა გამოეცვალა. მეზობლებმა იარაღს თავი მოუყარეს და გზას დაადგნენ. რაზმის კომისარი და მეთაური ჯერ ისევე მეტყვევის ჯიხურში იყვნენ, სავარაუდო მარშრუტს აზუსტებდნენ. ვალია კოტიკიც ჯიხურში იყო, ჩვეულებისამებრ გარემოს აკვირდებოდა, თუმცა საფრთხეს არსაიდან ელოდნენ.

უცებ ფაშისტები თითქოს მიწიდან ამოძვრნენ. მეთაური, კომისარი და ნორჩი მშვერავები საფანჯში აღმოჩნდნენ. ბრძოლა უნდა მიეღოთ. ავტომატის ჯერმა ფანჯრის მიწები ჩაღეწა, ხელყუმ-

ბარა შიგ ჯიხურში გასკდა და იქაურობა კვამლით აავსო. მეთაურს კონტუზია მოუვიდა, მისი ავტომატი ვალიამ აიღო. ხან ერთ ფანჯარასთან მიიბრუნდა, ხან მეორესთან და ორი ავტომატიდან ტყვიას ტყვიაზე უშენდა ფაშისტებს. ამასობაში პარტიზანებიც მობრუნდნენ, — შორს წასვლა ვერ მოესწრათ, სროლის ხმაზე მიხვდნენ, რაც მოხდა, და შურაგიდან შეუტყიეს ჰიტლერელებს. ბრძოლა დიდხანს არ გაგრძელებულა, გერმანელებმა უკან დაიხიეს.

მხოლოდ სამი ეპიზოდი გიამბვთ უკრაინელი პიონერის ვალია კოტიკის ცხოვრებიდან, მხოლოდ სამი ეპიზოდი... რაზმში მისი ცხოვრების ყოველი დღე კი ნამდვილი გმირობა იყო: მიდიოდა მტრის ზურგში დახვეწრვაზე, მოჰყავდა მოენე, ნაღმავდა რკინიგზებს, აფეთქებდა ხიდებს. ვალია კოტიკი იბრძოდა და სიცოცხლეს არ იშურებდა მშობლიური შეპეტოვკისათვის, მისი საყვარელი მწერლის — ნიკოლოზ ოსტროვსკის — დანგრეული სახლისათვის, თავისი თანამებრძოლების, იატაკქვეშელი მეგობრების სიკვდილისათვის.

ვალია კოტიკმა 14 წელს იცოცხლა, მაგრამ ეს უბრალო, ხანმოკლე სიცოცხლე არ იყო. ეს იყო ნამდვილი გმირის სიცოცხლე. იგი გმირულად იბრძოდა და გმირულად დაეცა ბრძოლის ველზე.

1965 წელს, გამარჯვების ოცი წლისთავის ზეიმის დღეებში პიონერ ვალენტინ კოტიკს საბჭოთა კავშირის გმირის წოდება მიენიჭა.

## ზინა პორტნოვა

გესტაპოს კაპიტანმა კრაუზემ გამოცემა ვერ დაფარა, როცა კაბინეტში ტანმორჩილი გოგონა შემოუყვანეს. „ნუთუ ამან მოწამლა ჩვენი ოფიცრები!.. ნუთუ ეს აგროვებდა სადაზვერვო ცნობებს!.. პარტიზანების შეკავშირეც ეს პატარა გოგონა იყო? თუმცა, ამ იდუმალებით მოცულ ქვეყანაში შეიძლება ყველა პარტიზანი იყოს“, — გაიფიქრა მან.

დაჯექო, — დამტკრეული რუსულით შესთავაზა გოგონას, მერე ალერსიანი ხმით დაუწყო დაკითხვა. სად არიან პარტიზანები? რამდენი არიან? მეთაური ვინ არის? რა პაროლები გაქვთ? შესვედრებს სად უნიშნავთ ერთმანეთს? — აი, რა აინტერესებდა კრაუზეს, მაგრამ პასუხი ვერც ერთ კითხვაზე ვერ მიიღო. კრაუზე კვლავ ღიმილით განაგრძობდა დაკითხვას, მტკიცედ სწამდა, რომ გოგონა ალაპარაკდებოდა. დღეს თუ არა, სვალ მაინც იტყოდა ყველაფერს. გესტაპოში იციან, როგორ ამოადგმევინონ ენა დამუნ-



ჯებულებს! კაპიტანი კრაუზე იღიმებოდა, არც კი დამუქრებია ზინას, მაგრამ... გოგონა საიდუმლოს გამსელას მაინც არ აპირებდა. იმ დღეს ყველაფერი ამით დამთავრდა. კრაუზეს ბრძანებით, ზინა გესტაპოს ერთ ოთახში შეიყვანეს. მაგიდაზე საღილი იყო გაშლილი. კანფეტებიც არ დავიწყებიათ.

დრო ნელა მიიზღაწუნებოდა, გოგონას კი არ ექინებოდა. ფანჯრის მიღმა გუშავი დააბიჯებდა. ფანჯარაში მთვარემ შემოიხედა, მთელი ოთახი ვერცხლისფრად აელვარდა. ზინას ლენინგრადის თეთრი ღამეები და ნარვის კარიბჭე გაახსენდა. თანაკლასელებთან ერთად რამდენჯერ უხეტიალია ლენინგრადის წყნარ ქუჩაში. ნეტავ როგორ არის ასლა მშობლიური ლენინგრადი? როგორ ცხოვრობენ ლენინგრადელები? მას შემდეგ, რაც არადადეგებზე ბებიასთან გაემგზავრა, მშობლებისა აღარაფერი გაუგია. იცოდა მხოლოდ ერთი რამ: ლენინგრადი ბლოკადაში იყო მოქცეული, ლენინგრადს უჭირდა და მშობლიურ ქალაქს ისიც რამით უნდა დახმარებოდა. ასე გახდა ზინა პორტნოვა იატაკქვეშელი, დადიოდა დახვეწრვაზე, ავრცელებდა პროკლამაციებს.

მოღალატემ გასცა და, აი, ასლა გესტაპოშია. გამოძიებელი სცემდა, მაგრამ დაკითხვაზე ხმა არ ამოუღია. ეს კრაუზე კი უფრო ეშმაკი ჩანს, უფრო ეშმაკი და უფრო საშიშიც...

შეორე დღეს ისევ ვაიყვანეს დაკითხვაზე. ისევ კაპიტანი კრაუზე, შემპარავი ხმა, მზაკერული ღიმილი...

— სად ხედებოდით? რა პაროლები გქონდათ? პარტიზანები რამდენი არიან?

ისევ დუმილი.

— ამაოდ დუმხარ... თუ არ იჯიუტებ, მშობლებსაც მალე ნახავ. ომი ხომ წაგებული გაქვთ! ლენინგრადი ჩვენია.

— სიცრუეა, — მშვიდად თქვა ზინამ, — ლენინგრადი ჩვენია! და, აი, კრაუზეს ნერვებმა უმტყუნა. უცებ აყვირდა, ისე აყვირდა, რომ რკინისცსაურებიან ფანჯრებში მინები აზანზარდა. კაპიტანმა ბუდიდან დამბაჩა ამოიღო.

— მიპასუხებ თუ არა?

ზინა დუმდა.

— ერთი გასროლა და ნაწნავეებიანი გოგონა აღარ იქნება, — ისევ შემპარავად დაიწყო კრაუზემ, დამბაჩა მაგიდაზე დადო.

დაკითხვა გრძელდებოდა. ამ დროს გესტაპოს შენობას მანქანა მიუასლოვდა. კრაუზე ფანჯარასთან მივიდა. უფროსობას ელოდა. და როცა უკან მიბრუნებულმა მისკენ მიშვერილი დამბაჩის ლულა

# სამარადისო



# სამარადისო

მ წ ყ ო ბ რ უ ი!



ფრანკო ჩეხანა



რეზა რადოჩი



გიორგი ბერიძე

მ წ ყ ო ბ რ უ ი!



სამარადისო მწყობრში!



ლანთერ ფერი

ფაღვილი ჯამბერი

ფან ჯან ბინუი

სამარადისო მწყობრში!



დაინახა, მხოლოდ მაშინ მიხედა, რა ძალა შესწევდა ნაწნავებიან გოგონას.

მეორე გასროლით ზინამ სმაურზე კაბინეტში შემოვარდნილი ოფიცერი მოკლა, მერე ბაღში გადახტა და მდინარისკენ გაიქცა მდინარის მეორე ნაპირზე ტყეა, ტყეში ჩვენები არიან.

ამ დროს გამცემლურად დადუმდა დამბაჩა, ვაზნები გამოიღია...

ზინა პორტნოვას სიკვდილის შემდეგ მიენიჭა საბჭოთა კავშირის გმირის წოდება.

...გადის წლები. სკოლაში, სადაც ზინა სწავლობდა, პიონერულ ორგანიზაციაში შესვლისას ოქტომბრელები ფიცს დებენ, რომ ისე იცხოვრებენ, როგორც ზინა ცხოვრობდა, და სამშობლოც ისე ეყვარებათ, როგორც თხუთმეტი წლის ზინა პორტნოვას უყვარდა.

**რუბენ  
იბარური**

ყირიმი, გაიდარის კლდე. კლდის ქიმზე შავგვრემანი ჭაბუკი დგას, შავ თმას ქარი უწეწავს. ჭაბუკი ზღვას გადაჰყურებს. რა უჩვეულო ცხოვრებაა არტიკში, რა უცნაურად ეფერებიან ტალღები ნაპირს... სადღაც შორს, ზღვის მიღმა კი მისი სამშობლოა, ესპანეთი. დედა ესპანეთში დარჩა. ტუჩები თავისით იმეორებენ ამას წინათ აქ გაგონილ სიმღერას:

ის მტერს უტყვედა გამმაგებული,  
რათა ღაეცვა ამ ქვეყნის ჩერო,  
და სიკვდილის წინ ასე მღეროდა:  
გრენაღა, გრენაღა, გრენაღა ჩემო.

ეს ჭაბუკი რუბენ იბარურია, ესპანელი კომუნისტების ბელადის დოლორეს იბარურის ვაჟი.

...რუბენს ბავშვობაში წითელი ყელსახვევი არ უტარებია, მაგრამ მემანსტეთა დასახლებაში, მეგობარ პიონერებთან ერთად, მთელ ორ წელს დადიოდა მიტინგებზე, პროკლამაციებსაც ავრცელებდა. ერთხელ მემანსტეებმა გაფიცვა მოაწყვეს. მაშინ დუქნის პატრონმა გადაწყვიტა, მუშებისათვის პური არ მიეყიდა. რუბენმა და მისმა მეგობრებმა ეს რომ გაიგეს, დილაადრიან გზის პირას პურის ფურგონს ჩაუსაფრდნენ. პურით სავსე ფურგონი სახლს რომ გაუსწორდა, რუბენმა ამხანაგებს ხელით რაღაც ანიშნა. სანამ მე-

დუქნის შვილი გონს მოსვლას მოასწრებდა, პიონერებმა მარჯვედ ჩამოაცვეს თავზე ტომარა. მერე რამდენიმე წუთში ოთხი ტომარა ახლად გამომცხვარი პურით გაავსეს, ერთი საათის შემდეგ კი მუშახტეთა ოჯახებს დაურიგეს თავისი „ნადავლი“.

რუბენის დედა საცხოვრებლად მადრიდში გადავიდა. ასე იყო საჭირო პარტიის საქმისათვის. რუბენიც თან გაჰყვა და მაშინვე დაუახლოვდა მადრიდელ პიონერებს. მათთან ერთად იყო მეკავშირედ, ფულს აგროვებდა პოლიტიკური პატიმრებისათვის, ავრცელებდა პროკლამაციებს. პიონერები ყოველ დილას მიდიოდნენ გალილეის ქუჩაზე და სტამბიდან ახალი გაზეთების დასტა მიჰქონდათ. მადრიდის ქუჩებში რუბენის წკრიალა ხმაც ისმოდა:

— იყიდეთ მუშათა გაზეთი „მუნდო ობრერო“! იყიდეთ მუშათა გაზეთი...

ერთხელ რუბენმა მუშათა დემონსტრაციის მონაწილეებს დაურიგა გაზეთები, შემდეგ მათ რიგებში ჩადგა და მათთან ერთად მღეროდა „ინტერნაციონალს“.

უეცრად სროლის ხმა გაისმა. რუბენის გვერდით მიმავალი მუშახტე ქვაფენილზე დაეცა...

...რუსპუბლიკელების ბევრი ბავშვი ომის დროს ჩვენს ქვეყანაში ჩამოვიდა. საბჭოთა კავშირი მათთვის მეორე სამშობლოდ იქცა. და როცა ჩვენს ქვეყანას ფაშისტები დაესხნენ თავს, სამშობლოს დამცველთა რიგებში ესპანელი პატრიოტებიც ჩადგნენ. მათ შორის პირველი იყო რუბენ იბარური.

იმ დღეებში დედამისმა რუბენისაგან ასეთი წერილი მიიღო:

„განსაცვიფრებელი ხალხია. მართალი გითხრა, სულის სიდრმემდე შეძრული ვარ გაცემისაგან. ასეთი ხალხის დამარცხება შეუძლებელია“.

ამ რწმენით იბრძოდა და იმარჯვებდა, მაგრამ გამარჯვების დღეს ვერ მოესწრო. 22 წლისა იყო, როცა სტალინგრადის მისადგომებთან დაეცა გმირთა სიკვდილით.

ხუთჯერ მიიტანეს ფაშისტებმა იერიში მტყვამფრქვევით ამ ასეულის პოზიციაზე, რომელშიც რუბენ იბარური იბრძოდა, და ხუთჯერვე უკუიქცნენ. ბატალიონის მეთაური დაიღუპა, უფროსმა ლეიტენანტმა იბარურიმ შეცვალა იგი. შუა ბრძოლაში მტრის ტყვიამ ისიც სასიკვდილოდ დაჭრა...

...არტკეში, ზღვის სანაპიროსთან, გრანიტის მემორიალური დაფა აღმართული. მასზე ამოკვეთილია არტკეელი გმირების სახელები. მათ შორის რუბენ იბარურის სახელიც არის. გმირის და-

ღუპვის დღეს — სამ სექტემბერს — გაიღარის კლდეზე კვლავ გა-  
ისმის მისი საყვარელი სიმღერა:

ის მტერს უტყვედა გაშმაგებული,  
რათა დაეცვა ამ ქვეყნის ჩერო,  
და სიკვდილის წინ ასე მღეროდა:  
რუსეთო, რუსეთო, რუსეთო ჩემო.

## მიტკო პალაუზოვი

მიტკო პალაუზოვი გაბრძოვის პარტიზანული რაზმის სული და  
გული იყო. დასვენების ხანმოკლე საათებში, როცა მებრძოლები  
იარაღს წმენდდნენ, მიტკო შურით შესცქეროდა ხოლმე პარტიზა-  
ნებს, სულ იმაზე ოცნებობდა, რომ ავტომატით ხელში მათთან ერ-  
თად ებრძოლა ფაშისტების წინააღმდეგ.

— შეიძლება მეც ავაწყო? მინდა ვისწავლო, — სთხოვდა მიტ-  
კო თავის მეგობარს მლადენს და ფრთხილად იღებდა ნადავლ  
„ვალტერს“.

— შენთვის ჯერ ადრეა... გაიზრდები და მერე ვნახოთ...— ილი-  
მებოდა მლადენი. — უმჯობესია, ლექსები წაგვიკითხო.

მიტკომ ბევრი ლექსი იცოდა ზეპირად, ყველაზე მეტად კი უყ-  
ვარდა „სიმღერა წითელ ესკადრონზე“. ხმლები მზეზე ლაპლაპებენ,  
ისმის ვაშას გრიალი, მტერი გარბის, წითელი არმიის კავალერის-  
ტებთან ერთად ფეხმარდ ცხენს მიაჭენებს მიტკო, ბულგარელი  
პარტიზანი.

— ყოჩაღ, მიტკო! კარგად კითხულობ, — აქებდა მლადენი. —  
ომი რომ დამთავრდება, ალბათ, მსახიობობა არ აგცდება.

შესვენება ბრძოლის დროს ისე ხანმოკლეა, როგორც ზაფხულის  
ღამე ბალკანეთის მთებში. პარტიზანები სალაშქროდ წასვლას მზის  
პირველ სხივებს ასწრებენ. მოლაშქრეთა მწყობრში ყველაზე პა-  
ტარაა მიტკო პალაუზოვი. იგი მამის გვერდით მიაბიჯებს. მწყრი-  
ვის ბოლოს კი დაჭრილების ალაღს დედამისი მიძყვება.

მთებში უცებ ტყვიამფრქვევი აკაკანდა. პოლიციელები გამოჩ-  
ნდნენ.

— ბრძოლისათვის მოემზადეთ! — ისმის ბრძანება.

მიტკომ ახლაც მლადენის გვერდით დაიკავა პოზიცია. მლადენი  
აუჩქარებლად ისროდა კარაბინიდან, მიტკო მეორე კარაბინში  
ვაზნებს აწყობდა და მეგობარს აწვდიდა. უცებ მლადენმა დაიკ-  
ვნესა და ხელიდან კარაბინი გაუვარდა: მარცხენა მხარში ტყვია



მოსვედროდა. მიტკომ ორი პოლიციელი დაინახა, ხეებს ეყარებოდნენ და ისე უახლოვდებოდნენ.

— გამომართვი, — მლაღენმა მიტკოს „ვალტერი“ გაუწოდა: — ზუსტად აიღე მიზანი და ისე ესროლე...

მიტკომ პოლიციელებს ასლოს მოსვლა აცალა და ცეცხლი დაუშინა, ისროდა, სანამ ვაზნები არ გამოელია. ამ ბრძოლის სახსოვრად მიტკოს საჩუქრად დარჩა მეგობრის „ვალტერი“...

ერთხელ რაზმი მთებში უნდა წასულიყო, მძიმე ბრძოლები ელოდათ. მეთაურმა გადაწყვიტა, დაჭრილები პარტიზანთა ჰოსპიტალში გაეგზავნათ. ეს ჰოსპიტალი მთებში ჰქონდათ, ოსენკოვოს ველზე, ერთ მყუდრო მიწურში.

— მიტკო, დაჭრილებს წააყვები.

ძალიან უჭირდა რაზმთან დაშორება, მაგრამ ბრძანება ბრძანებაა. რამდენიმე დაჭრილი პარტიზანი, მიტკო და დედამისი, — ასეთი იყო მათი საბრძოლო ჯგუფი. მთელი ზამთარი მიწურში ცხოვრობდნენ, ჭრილობებს იმუშებდნენ და გაზაფხულს ელოდნენ, რომ კვლავ რაზმში დაბრუნებულ იყვნენ.

ერთხელ მიტკომ მიწურის მახლობლად ყვავილები შეამჩნია.

— ენძელა! ენძელა აყვავებულა! — ამ შეძახილით შევარდა იგი მიწურში.

მან არ იცოდა, რომ პარტიზანთა ჰოსპიტალი ალყაშემორტყმული იყო. ყველაზე ადრე პოლიციელები მიტკოს დედამ დაინახა, როცა თეთრულს გასაშრობად ფენდა.

— მიტკო, პოლიციელები! — ამის დაძახებულა მოასწრო დედამ. პარტიზანებმა ბრძოლა მიიღეს. მათი რაზმი ძალზე მცირე იყო, პოლიციელები კი ყოველი მხრიდან უტევდნენ. ერთი ხელყუმბარა ზედ მიწურთან გასკდა, საიდანაც მიტკო ისროდა.

ირგვლივ კი ენძელები ყვაოდნენ, გაზაფხულის მათყვებელი თეთრი ენძელები...

ლექა  
რადიონი

ლექა სოფლის ქუჩაში მიაბიჯებდა და შორს იყურებოდა. იქ ეგულებოდა კოზარა — საუკუნოვანი ნაძვებით დაფარული მიუვალი მთები, მისი მეგობრები — პარტიზანები — ალბათ, ბრძოლას განაგრძობდნენ. ის კი... ამომავალი მზის სხივებზე ბადრავის ხიშტები ელავდა, — ლექა დასასჯელად მიჰყავდათ. ყოველი ნაბიჯი თითქოს ცხოვრების განვლილი წელი იყო, მას კი არც ისე გრძელი გზა ჰქონდა გავლილი...

რამდენიმე დღეს გრძელდება პარტიზანთა მეწინავე რაზმებისა და ჰიტლერელთა შეტაკება. ფაშისტების თვითმფრინავები ბომბებს უშენენ პარტიზანთა ბაზებს, აფეთქებათა ხმა ხეობას აზანზარებს. თითქოს მთებიც კენესიან, მაგრამ ადამიანები მტკიცედ დგანან.

ასეა საღამომდე, მთებში კი ადრე ღამდება ხოლმე. ირგვლივ სინრუმე დაისადგურებს, მხოლოდ პარტიზანთა კოცონის ტკაცანს თუ დაარღვევს ამ მოჩვენებითს მყუდროებას.

ცეცხლის პირას ზის ლეპა რადიჩიც. მთელ ღამეს დაჭრილებს ჭრილობას უხვევს, უკლის, წიწვების სასთუმალს უსწორებს. ო, როგორ უნდა თვითონაც რბილ წიწვებზე დაწვეს და სიზმარი ნახოს, აი, ის სიზმარი, ბავშვობაში რომ ნახულობდა ხოლმე. რა უცებ დამთავრდა ბავშვობა! განა სულ ახლახან არ იყო, მეგობარ გოგონებთან ერთად რომ დადიოდა სკოლაში და მთებშიც დარბოდნენ ენძელების დასაკრეფად? ყველაზე ღამაზ თაიგულს დედას მიაართმევდა ხოლმე. რა უეცრად შეიცვალა ყველაფერი! ომი დაიწყო და თხუთმეტი წლის გოგონამ მამასა და ძმებთან ერთად მთებს მიაშურა, პარტიზანებთან წავიდა.

ლეპას ისევ მოულოდნელად გამოეღვიძა, როგორც ჩაქვინა. სმელი ფიჩხი ისევ ტკაცუნობდა. ისევ ისე ციმციმებდნენ ვარსკვლავები. ალბათ, ერთი საათიც არ ექინა, თითქოს არაფერი შეცვლილა, მაგრამ პარტიზანების დამაბულმა სახეებმა მიახვედრა, რომ რალაც მოხდა.

— გერმანელებმა ჩვენი თავდაცვა გაარღვიეს, საბრძოლო განგაშს ვაცხადებ. ყველა, ვისაც სიარული და თოფის დაჭერა შეუძლია, ათ წუთში იქითკენ უნდა დაიძრას. სადაც მეწინავე რაზმებია განლაგებული, — ყველას გასაგონად ლაპარაკობდა მეთაური.

— ქალები, ბავშვები და მძიმედ დაჭრილები ბოსანსკუ კრუპაში გადაინაცვლებენ.

ამ სიტყვებით ლეპასთან მივიდა, მამაშვილურად გადაეხვია და უთხრა:

— მათ ხელმძღვანელად შენ გნიშნავთ, ლეპა. გზას ახლავე უნდა დაადგეთ.

შუალამე იყო, გზას რომ დაადგნენ. წინ ლეპა მიდიოდა. მალე მზეც ამოვიდა. სოფლამდე რამდენიმე კილომეტრიღა რჩებოდა. უცებ სინრუმე ავტომატის ჯერმა დაარღვია. ლეპა დაჭრილებთან ერთად კლდეს ამოეფარა. გარკვევით ხედავდა, როგორ ელავდა ნაძვის ხეებს შორის ჰიტლერელთა ჩაჩქანები.



— ცეცხლი — გაისმა ლეპას ბრძანება.

რამდენიმე საათს იგერიებდნენ მტერს, მაგრამ ძალები უთანაბრო იყო, გარემოცვის რკალი სულ ვიწროვდებოდა და ვიწროვდებოდა.

მტრებმა ლეპა ხელთ იგდეს და აწამეს. უნდოდათ გაეგოთ, რამდენი პარტიზანი იყო რაზმში, რამდენი იარაღი ჰქონდათ, რა გზით დაიხიეს უკან, მაგრამ საწაფელს მაინც ვერ მიაღწიეს...

სანამ უკანასკნელ ნაბიჯს გადადგამდა ლეპა, ამაყად ასწია თავი და სახეში ესროლა ჯალათებს:

— იუგოსლავია თავისუფალი იქნება! სიკვდილი ფაშისტებს ქარმა აიტაცა გოგონას სიტყვები და მთებისაკენ წაიღო. იქ კი, კოზარაზე, კვლავ გრძელდებოდა ცხარე ბრძოლა. პარტიზანები ასლა მისი სახელით იბრძოდნენ, იბრძოდნენ, რომ გამარჯვებულ მთებს სამუდამოდ შეენახათ პიონერი გოგონას ხსოვნა...

**ელენი  
პაპაგეორგი  
ორბიჭი**

საბერძნეთს მზის, მთებისა და აყვავებული ბარის ქვეყანას ეძახიან. ამ ქვეყნის დედაქალაქი კი, ათენი, მთელ მსოფლიოში ცნობილია, როგორც უძველესი ქალაქი-მუზეუმი. ელენი პაპაგეორგიუ ამ ზღაპრულ ქალაქში დაიბადა. მეგობარ გოგონებთან ერთად დადიოდა ზღვაზე, მთაში გარბოდა ზეთისხილის დასაკრეფად, უყვარდა დიდებული აკროპოლის ცქერა.

1941 წლის გაზაფხულზე ათენის ქუჩები გერმანულმა ჩექმებმა გადათელეს. ძველი აკროპოლის გვერდით სვასტიკიანი დროშა გამოჩნდა. ელენი პაპაგეორგიუ წინააღმდეგობის მოძრაობის ახალგაზრდული ორგანიზაციის რიგებში შევიდა.

მძიმეა იატაკქვეშელის ცხოვრება, ყოველ ნაბიჯზე ჯაშუშები უდარაჯებდნენ, ყოველდამ ალყაში მოქცევის საშიშროება ელის. ელენი სახიფათო დავალებებს ასრულებდა: აფიშებს აკრავდა ქალაქის ქუჩებში, მალულად გადაჰქონდა იარაღი, იატაკქვეშელებს ერთმანეთთან კავშირის დამყარებაში შეელოდა. არავის აზრად არ მოსდიოდა, რომ ეს მუდამ მოლიმარი და მხიარული გოგონა ხილის კალათით ავტომობილს ვაზნებს დაატარებდა.

1944 წელს საბჭოთა არმიამ ფაშისტებს ბალკანეთის ნახევარკუნძულზედაც შეუტია. განთავისუფლების დღე ახლოვდებოდა. 25 ივნისს ათენელები დემონსტრაციებზე გავიდნენ. მზიანი დღე იყო, ცხელოდა, მაგრამ სიცხეს თითქოს ვერც კი ამჩნევდნენ.

- სირცხვილი მოღალატეებს და ოკუპანტებს!
- ძირს ფაშიზმი!
- გაუმარჯოს თავისუფალ საბერძნეთს!

ელენი დემონსტრანტთა რიგებში მიაბიჯებდა. ერთ-ერთ ქუჩაზე მათ ტყვიამფრქვევის ცეცხლი დაუშინეს. ათენელები შეკრთნენ, მაგრამ ეს მხოლოდ ერთ წუთს გაგრძელდა. ტყვიების შესახვედრად ელენი გამოვარდა.

— მკვლელებო! ლაჩრებო! — ამის დაძახებულა მოასწრო და სიცხისაგან გავარვარებულ ქვაფენილზე დაეცა...

ელენი პაპაგეორგიუს დაკრძალვას ძველი ქალაქის ათასობით მცხოვრები დაესწრო. ათენელები უხმოდ მიაცილებდნენ თავის გმირ გოგონას უკანასკნელ გზაზე.

**ფრანკო ჩეხანა**

მრისხანე ორმოცდაერთი, შემოდგომა. ფაშისტური ტანკები მოსკოვის მახლობელ ველებსა და ჭალებს თელავდნენ. გერმანელი ოფიცრები უკვე წითელ მოედანზე გამართულ პარადზე ოცნებობდნენ...

ამ დროს კი რომის ქუჩებში ანტიფაშისტურ პროკლამაციებს აკრავდა ვიდაცა. იტალიელი პარტიზანები მტერს არ ასვენებდნენ. ერთ რაზმში პატარა მწვერავი ჰყავდათ, სახელად ფრანკო. მხიარული და გულადი ბიჭი იყო, წკრიალა ხმა ჰქონდა, ძალიან უყვარდა სიმღერა. ყოველთვის, როცა შესვენებისას ტყეში გაჩაღებულ კოცონს შემოუსხდებოდნენ, მებრძოლები სთხოვდნენ, ემღერა რამე. და ფრანკო თავის ყველაზე საყვარელ სიმღერას შემოსძახებდა ხოლმე. ეს იყო სიმღერა მშვიდ ზღვაზე, ზღვაში ჩაკარგულ მზეზე, ხმაურიან ტალღებზე. მერე წითელ დროშაზედაც იმღერებდა, იტალიელი პარტიზანების დროშაზე. პარტიზანებს სიმკაცრე აესახებოდათ სახეზე და ყველანი ბანს აძლევდნენ ფრანკო ჩეხანას.

ფრანკო ცამეტი წლისა იყო, მაგრამ ჩინებულად ისროდა, დაზვერვაშიც არაერთხელ ყოფილა. მეთაურმა იმ დღესაც დაზვერვაზე გაგზავნა.

— ცნობა მივიღეთ, გერმანელები დამსჯულ ექსპედიციას ამზადებენო. აუცილებლად უნდა ვიცოდეთ, საით მიდიან, რომელ გზაზე გაივლიან, რამდენი კაცია რაზმში.

- გასაგებია!





— გუშაგებს როგორ გაუძვრები?

— გავძვრები როგორმე, პირველად ხომ არ მაგზავნი...

ყველაფერი კარგად აეწყო, — გუშაგებსაც დაუძვრა, გასაგებიც გაიგო და რაზმშიც დროზე დაბრუნდა. პარტიზანები მტერს თავზე მოულოდნელად წაადგნენ და გაანადგურეს. ყველაფერი კარგად აეწყო, მხოლოდ... ამ ბრძოლაში მტრის ტყვიამ პატარა მზვერავეც იმსხვერპლა...

ომმა რა ხანია გადაიქუსა, რომის ხმაურიანი ქუჩები და პირქუში ალპები კი დღემდე ინახავენ წინააღმდეგობის დაღუპულ მე-ბრძოლთა ხსოვნას. მათ შორის იყო ისიც — ცამეტი წლის ფრანკო ჩეზანა. სიკვდილის შემდეგ იგი ბრინჯაოს მედლით დააჯილდოეს.

ჟოზე  
აუგუსტო  
სილვა

ეს ამბავი ლისაბონში მოხდა, პორტუგალიის დედაქალაქში. გვიანი საღამო იყო. ქალაქის ცენტრში თვალისმოჭრულად ციმციმებდა ათასფერი რეკლამები, ქალაქის განაპირას, მუშათა უბანში, შუქი ჩაქვროთ. უცებ ჟოზეს ბინის კარზე ვილაცამ ფრთხილად დააკაკუნა. დედამ და შვილმა ერთმანეთს გადახედეს.

— ვინ არის? — იკითხა დედამ.

— ფოსტალიონი ვარ, დეპეშაა, — უბასუსეს გარედან.

კარზე ურდულის გადაწევა ძლივს მოასწრეს, რომ ოთახში პოლიციელები შემოცვივდნენ.

— შენა ხარ ჟოზე აუგუსტო სილვა, პედრო ნუნესის ლიცეუმის მოწაფე? — ჰკითხა ჟანდარმმა.

— მე ვარ, — უბასუსა ჟოზემ.

— ჩაიცვი, დაპატიმრებული ხარ!

— უფლება არა გაქვთ, — გაისმა დედის ხმა, — დაპატიმრების ორდერი გვაჩვენეთ...

— რა ორდერი მოგინდათ! — იყვირა ჟანდარმმა. — თქვენი შვილი სახელმწიფო დამნაშავეა, ლიცეუმში მთავრობის საწინააღმდეგო აგიტაციას ეწეოდა. პროკლამაციების გავრცელებაშიც მისი ხელი ურევია. აბა, ჩაიცვი!

ბიჭს ხელზე ბორკილი დაადეს და ოთახიდან გაიყვანეს.

თხუთმეტი წლის ჟოზე ასე მოხვდა მეორედ საპატიმროში. პირველად კი... იგი საპატიმროში დაიბადა. დედამისი კომუნისტი



იყო და სწორედ მაშინ დააპატიმრეს, როცა ბავშვს ელოდა. პატარა ჟოზემ მზე პირველად საპატიმროს ფანჯრიდან დაინახა. მაშემდეგ თხუთმეტი წელი გავიდა და, აი, იგი კვლავ ციხეშია, კვლავ ამ ვიწრო სარკმლიდან გაპყურებს ზეცას.

დღეები გადის. მაგრამ რატომღაც დაკითხვაზე არ იძახებენ. მაშინ ჟოზემ ჯერ კიდევ არ იცოდა, რომ კანონით აკრძალული იყო არასრულწლოვანი ბავშვის გასამართლება და სალაზარის მოსამართლეები მოუთმენლად ელოდნენ, როდის გახდებოდა თექვსმეტი წლისა. ჟოზემ ისიც არ იცოდა, რომ მისმა დაპატიმრებამ მთელი მსოფლიო აალაპარაკა. პარიზში ჟოზეს დაცვის საერთაშორისო კომიტეტი შეიქმნა. სხვადასხვა ქვეყნებიდან პროტესტის უამრავი წერილი მოდიოდა. იწერებოდნენ ბულგარელი პიონერები, ინგლისელი მეშახტეები, მარსელელი დოქორები. „გულისტკივილი და შრისხანება მოგვეგვარა იმის გაგებაში, რომ სალაზარის საპატიმროში ეწამება ჩვენი თანატოლი ჟოზე აუგუსტო სილვა. ჟოზეს ადგილი მერსთანაა, და არა საპატიმროში!“ — მოითხოვდნენ მოსკოველი პიონერები.

რა უნდა ექნათ სალაზარის მსაჯულებს, მთელი მსოფლიო პროტესტს აცხადებდა. იძულებულნი გახდნენ, ჟოზე აუგუსტო სილვა გაეთავისუფლებინათ...

დანიელ  
ფანი

დანიელი დილაადრიან სენის სანაპიროსკენ მიიჩქაროდა. უყვარდა ეს დრო, როცა სენ-დენის სახურავებს მზის პირველი სხივები ეფინებოდა. სენ-დენი პარიზის ჩრდილოეთ გარეუბანია. მზესთან ერთად იღვიძებდა მუშათა რაიონიც. ლურჯბურეტიანი მუშები საავტომობილო ქარხნისაკენ მიდიოდნენ. დანიელი მათ შორის ბევრს იცნობდა.

— გამარჯობა, დანიელ! ახალი რა არის? — ეკითხებოდნენ მუშები და „იუმანიტეს“ ახალ ნომერს შლიდნენ. დანიელს კომუნისტების გაზეთი მოჰქონდა მათთან, ეს იყო მისი კომკავშირული დავალება.

— თასელები კვლავ თავხედობენ, ალჟირში ომის გაგრძელება სურთ, — ხმადაბლა ამბობდა დანიელი. — არ დაგავიწყდეთ, დღეს დემონსტრაციაა.

და მიწყნარებულ სენის ნაპირას კვლავ გაისმოდა დანიელის ხმა:



— იყიდეთ „იუმანიტეს“ ახალი ნომერი! სიმართლე ალჟირის ომის შესახებ!

მუშათა პარიზი ბობოქრობდა, მოითხოვდა ალჟირელი ხალხის წინააღმდეგ დაწყებული ომის შეწყვეტას. მთელი ხალხის სურვილიც ასეთი იყო. მხოლოდ ფაშისტური ორგანიზაციის ოასის წევრები მოითხოვდნენ ომის გაგრძელებას.

1962 წლის 8 თებერვალს პარიზის ქუჩები წითელი დროშებით, ლოზუნგებითა და ტრანსპარანტებით მოიფინა. „ძირს თასი!“.. „მშვიდობა ალჟირს!“.. „არ გვინდა ომი!“.. დემონსტრანტთა პირველ რიგებში დანიელი მიაბიჯებდა. მის გვერდით ძველი ნაცნობები მიდიოდნენ — ავტოქარხნის მუშები, მეღვინეები, ელექტრიკოსები...

გასროლის ხმა არც გაუგონია, ფაშისტური ტყვიით განგმირული ისე დაეცა ქვაფენილზე.

გაზაფხულზე პერ-ლაშეზის სასაფლაოზე, კომუნარების კედელთან, დაისის მზისფერი ტიტები ყვავიან. აქ, პარიზის კომუნის დამცველთა გვერდით, დაკრძალულია გავროშის თანატოლი ფრანგი ბიჭუნა დანიელ ფერი. გრანტიის ფილაზე მოკლე წარწერაა: „საფრანგეთი არასდროს არ დაივიწყებს შენს სახელს!“.

**ფადილ  
ჯაგალი**

მწვავე ტკივილისაგან გამოვლევია. ტკივილმა მთელ სხეულში დაუარა. თვალი გაახილა. საპატიმროს სარდაფის კართან მკრთალად ციმციმებდა პატარა ნათურა. იატაკი სველი იყო.

წამოწევა სცადა, მაგრამ ტკივილისაგან კინალამ დაიყვირა. იატაკზე დამსხვრეული მინა ეყარა, რამდენიმე ნატყეხი ხელისგულში შეერჭო. უცებ რკინის კარები ხრჭილით გაიღო, საპატიმროს მცველი გამოჩნდა.

„ისევ დაკითხვაზე“, — ამის გაფიქრება მოასწრო, მცველმა ხელი სტაცა და წაათრია.

— გვიპასუხებ თუ არა? — აღარც კი ახსოვდა ფადილს, მერამდენედ ეკითხებოდნენ ერთსა და იმავეს. ეკითხებოდნენ, ის კი ხმას არ იღებდა.

— კომუნისტების მისამართი, შეხვედრის ადგილები! — იმეორებდა მისი სიმტკიცით გაცოფებული გამოძიებელი. გუშინ დაკითხვა ჯერ დარიგებებით დაიწყო, მერე ფულსაც დაჰპირდა, განთავისუფლებასაც, მაგრამ არაფერმა გაჭრა. მერე ჯალათებმა მათ-



რახებით სცემეს, ფეხებით ჭერზე დაჰკიდეს. ფადილს გული წაუვიდა, თქმით კი არაფერი უთქვამს.

გამომძიებელმა ამჯერადაც ვერაფერს მიაღწია.

— გაათრიეთ! რაკი ენა ჩაუყლაპავს, საპატიმროში ამოსძვრეს სული...

მცველმა ისევ სარდაფში წაათრია. კარი ჩაიკეტა, საკანში ის ჩუმე ჩამოვარდა, მხოლოდ წყლის წვეთების ხმა ისმოდა გარკვევით, ჭერიდან რომ ეცემოდა ქვის იატაკს. თითქოს ამ ხმას ბანს აძლევსო, ისიც გულში მხოლოდ ერთ სიტყვას იმეორებდა: „დუმილი, დუმილი, დუმილი“...

1963 წლის თებერვალში ერაყში ხელისუფლებას რეაქციოზურები ჩაუდგნენ სათავეში და კომუნისტების დევნა დაიწყეს. ფადილის მშობლებიც კომუნისტები იყვნენ. ერთ დღეს დედამისი, ძმა და ორი წლის დაიკოც კი დააპატიმრეს. ფადილი შინ არ იყო; შემთხვევით გადაარჩა.

რა უნდა ექნა? ზოგიერთი ბაღდადეგი კომუნისტის ბინის მისამართი იცოდა და მათი გაფრთხილება დაიწყო, საფრთხე გელითო. მხოლოდ რამდენიმე ოჯახის გაფრთხილება მოასწრო, ერთ-ერთ ბინაში ისიც დააპატიმრეს.

დააპატიმრეს, მაგრამ ვერ გამოტყუეს. იგი ციხის ბნელ საკანში გარდაიცვალა 1963 წელს 8 თებერვალს. ისიც, როგორც გავროში, და როგორც დანიელ ფერი, თხუთმეტი წლისა იყო. მხოლოდ თხუთმეტი წლისა...

**ფან ვან ბინგაი**

ჯუნგლები... ჯუნგლები... ჯუნგლები... ათობით კილომეტრზე გაჭიმულა გაუვალი ტყე... აქ გადადგმული ყოველი ნაბიჯი შეიძლება უკანასკნელი იყოს. ოდნავ შესამჩნევი ბილიკი მიიკლაკნება მთებში. შემდეგ ისევ დაბლობში იკარგება. ბილიკზე ბიჭუნა მიაბიჯებს. მას მუქი მწვანე ფერის სამხედრო ქუდი ახურავს, სამხედრო გიმნასტურა აცვია. ნაბიჯზე ეტყობა, რომ ფრთხილობს, დროდადრო ჩერდება ხოლმე, სმენადაა ქცეული. სიფრთხილება საჭირო, მალე ამერიკელთა საგუშაგოც გამოჩნდება. პატარა მზვერავი ჩერდება და უსტვენს. ბილიკზე მებრძოლთა მთელი ჯგუფი რომ გამოჩნდება, ბიჭუნა ისევ ჯუნგლებში გაუჩინარდება.

ეს ფან ვან ბინგაი, სამხრეთ ვიეტნამის პარტიზანთა ნორჩი მზვერავი.



მისი პირველი სათამაშო ავტომატის ვაზნა იყო, პირველი სიმღერა — გულად პარტიზანთა სიმღერა, პირველი პიონერული დავალება — დაწვერა.

ფან ვან ბინგი სამხრეთ ვიეტნამის ერთ-ერთ განთავისუფლებულ რაიონში ცხოვრობდა. თხუთმეტი წლისა იყო, სკოლაში დადიოდა, მაგრამ ხშირად წიგნები რამდენიმე დღეს ხელუხლებლად ეწყო. სად იკარგებოდა ფან ვან ბინგი? პარტიზანების ნორჩი მშვერავი მხოლოდ მისთვის ცნობილი ბილიკებით მიიკვლევდა გზას კუანგ ჩის საბრძოლო ჯგუფისაკენ, რომ პარტიზანებისთვის მნიშვნელოვანი ცნობები გადაეცა.

კუანგ ჩის პარტიზანები მოულოდნელად ბევრჯერ დასხმინათავს მტერს. ხუთი თვითმფრინავი ჩამოაგდეს, რამდენიმე სიდი ააფეთქეს. ერთი ასეთი თავდასხმის შემდეგ მეთაური პარტიზანებს მიუბრუნდა:

— დღეს ყველამ თავი გამოიჩინა, მაგრამ განსაკუთრებით პიონერი ფან ვან ბინგი დაგვეხმარა გამარჯვებაში. მან დროზე მოგვაწოდა მნიშვნელოვანი ცნობები. ყოჩაღ!

ამ სიტყვებით მეთაური ფან ვან ბინგს გადაეხვია.

ჯუნგლები... ჯუნგლები... ჯუნგლები... თავი და ბოლო არ უჩანს გაუვალ ტყეს. აქ ყოველ ნაბიჯზე საფრთხე ემუქრება ადამიანს. ბევრი რამ ახსოვთ ამ გაუვალ ტყეებს, ლაპარაკი რომ შეეძლოთ, ისინი ყველას უამბობენ, როგორ იბრძოდნენ პარტიზანები, როგორ გაიმარჯვა ვიეტნამელმა ხალხმა, რა მამაცურად უტევდა მტერს პიონერი ფან ვან ბინგი. ექვსჯერ დაიჭრა ნორჩი მშვერავი და ექვსჯერვე მწყობრში დაბრუნდა, რომ კვლავ დახმარებოდა პარტიზანებს სამშობლოს თავისუფლებისათვის ბრძოლაში.

## ჩვენი დროშა

მუსია ე. კურტიდისა  
ლექსი ლ. მეგრელიძისა

ჩვენი დროშა აღისფერი  
მზის სხივებით ნაფერია,  
ვარდ-ყვავილით პირმონატულს,  
ზედ მშვიდობა აწერია.

მ ი ს ა მ ლ ე რ ი:

დელი ოდელა დელია,  
დელი ოდელი ოდელა, ჰე! ჰე! ჰე!  
ვარდ ყვავილით პირმონატულს  
ზედ მშვიდობა აწერია.

ეს თავთავი ღაღად შლილი  
ნაყოფია ძმური შრომის,  
ეს ჩაქუჩი, ეს ნამგალი  
მეგობრობა ხალხთა შორის.

მ ი ს ა მ ლ ე რ ი:

ეს ჩაქუჩი, ეს ნამგალი  
მეგობრობა ხალხთა შორის.

მიტომ მიყვარს მე ეს დროშა,  
მიტომ მიყვარს ასე მტკიცედ,  
რომ სამშობლოს ერთგულება,  
ამ დროშაზე დაეფიცეთ.

შენ უკვე ერთიანი პიონერული კოლექტივის წევრი ხარ. ამ კოლექტივის სახელია რაზმი. ახლა ყველგან და ყოველ საქმეში ანგარიში უნდა გაუწიო იმას, რომ კოლექტივის წევრი ხარ, შენი საქციელისათვის პასუხს აგებ თანარაზმელების წინაშე. სხვაგვარად არც შეიძლება, რადგან კოლექტივის ეხმარები, როცა მის დავალებებს ასრულებ, კოლექტივი კი შენ გეხმარება, როცა შენს კეთილდღეობაზე ზრუნავს. რაში გამოიხატება ეს დახმარება? იმაში, რომ მეგობრებთან ერთად მონაწილეობ მრავალფეროვან პიონერულ საქმიანობაში, რაც ხელს უწყობს შენს ზრდასა და განვითარებას, შენი ინტერესების ჩამოყალიბებას. ესეც რომ არ იყოს, სწორედ რაზმი დაგიცავს, თუ ვინმე უსამართლოდ მოგაქცევს. რაიმე კარგ წამოწყებაში მხარდაჭერა თუ დაგჭირდა, დარწმუნებული იყავი, რომ რაზმი აქაც შენ გვერდით იქნება.

კოლექტივი ლათინური სიტყვაა, იგი ისეთ ადამიანთა ჯგუფს აღნიშნავს, საერთო საქმიანობით, საერთო მიზნებითა და ინტერესებით რომ არიან გაერთიანებული. თქვენი რაზმიც სწორედ ასეთი უნდა იყოს—საერთო მიზნებითა და საქმით შეკავშირებული. შენ, როგორც კოლექტივის წევრმა, ანგარიში უნდა გაუწიო თანარაზმელების აზრს. მაგრამ ხომ შეიძლება, ამხანაგები ცდებოდნენ, შენ კი მართალი იყო? ზოგიერთი ასეთ დროს თავისი სიმართლის დამტკიცებას ხმის ამალღებით ცდილობს, ცხარობს, ამხანაგებს აბუჩადაც კი იგდებს, აქაოდა, თქვენზე მეტი ვიცი, ჩემი რატომ არა გჯერათო. ასეთი გზა სიმართლის დამტკიცების ყველაზე ცუდი გზაა. მაგრამ არც ის არის კარგი, ზოგიერთი ადვილად რომ დათანხმდება ამხანაგებს, თუმცა შინაგანად მათ აზრს არ იზიარებს. თუ მტკიცედ ხარ დარწმუნებული, რომ ამხანაგები ცდებიან, მშვიდად და მოთმინებით უნდა დაუმტკიცო მათ შენი სიმართლე, დაარწმუნო, რომ მათი გადაწყვეტილება არასწორია. ეს უბრალო სურვილი კი არ არის, ამის გაკეთება აუცილებელია, რადგან მთელი რაზმის საქმიანობა სწორედ იმაზეა დამოკიდებული, თუ რამდენად სწორია შენი ამხანაგების მიერ მიღებული ყოველი გადაწყვეტილება.

შენ უკვე იცი, რომ რაზმის საქმიანობას რაზმის საბჭო და პიონერხელმძღვანელი უძღვებიან. მათ მასწავლებლებიც ეხმარებიან. მაგრამ ვერც პიონერხელმძღვანელი და ვერც მასწავლებელი მუდამ ვერ იქნება რაზმთან. ეს არც არის საჭირო, რაზმის ბატონ-პატრონები ხომ თვითონ პიონერები არიან. სადაც ბეჭდითი და საზრიანი ხალხია, რაზმი საინტერესოდ ცხოვრობს, სასაყვე-



დუროც არაფერია. იქ კი, სადაც მხოლოდ უფროსების დახმარების იმედი აქვთ, ბევრი რამ მოუგვარებელია. ასეთი რაზმის პიონერებისაგან ხშირად გაიგონებთ საყვედურს, რა ხანია ექსკურსიაზე არ ვყოფილვართო, ჩვენი შეკრების მომზადებაზე არავინ ზრუნავს, სხვა რაზმები უკეთ მუშაობენო. ის კი ავიწყდებათ, რომ ექსკურსიაზედაც თვითონ უნდა იფიქრონ და შეკრებაზედაც, უფროსები კი ყოველ მათ წამოწყებას სიამოვნებით დაუჭერენ მხარს და დაეხმარებიან.

პიონერული რაზმი ერთიანი კოლექტივია. კოლექტივის თითოეული წევრი ერთნაირად აგებს პასუხს იმაზე, თუ როგორ ცხოვრობს რაზმი, როგორ იქცევიან პიონერები, როგორ ასრულებენ რაზმეულის დროშასთან დადებულ ფიცს. აი, რამდენიმე ასეთი პიონერული კოლექტივისაგან შედგება რაზმეული, ყოველი რაზმეული კი პიონერთა რაიონულ ან საქალაქო ორგანიზაციაშია გაერთიანებული. თავის მხრივ რაიონული და საქალაქო ორგანიზაციები საოლქო ან რესპუბლიკურ ორგანიზაციაში შედიან, მათ მუშაობას პიონერთა რაიონული და საქალაქო საბჭოები ხელმძღვანელობენ. ასეთი საბჭო კომკავშირის რაიკომთან ან ქალაქკომთან იქმნება.

ჩვენი ქვეყნის პიონერული ორგანიზაციის საქმიანობასაც საბჭო წარმართავს ლენინური კომკავშირის ხელმძღვანელობით. მისი სრული სახელწოდება ასეთია: ვ. ი. ლენინის სახელობის სრულიად საკავშირო პიონერული ორგანიზაციის ცენტრალური საბჭო. მისამართი: მოსკოვი, ახალი მოედანი, 6/8, ვ. ი. ლენინის სახელობის სრულიად საკავშირო პიონერული ორგანიზაციის ცენტრალური საბჭო.

**რაზმის  
სახელწოდება**

პიონერებს შეუძლიათ თხოვნით მიმართონ პიონერთა რაიონულ ან საქალაქო საბჭოს, რომ მათ რაზმს მიაკუთვნონ ძველი რევოლუციონერის, საბჭოთა კავშირის გმირის, სოციალისტური შრომის გმირის ან ისეთი ცნობილი ადამიანის სახელი, რომლის ცხოვრებაც სამაგალითო და მისაბაძია ყოველი ნორჩი ლენინელისათვის. საქვეყნოდ ცნობილი ადამიანის სახელის ტარება საპატიოა ყველა კოლექტივისათვის. ამიტომ ასეთ მოთხოვნას უნდა ჰქონდეს თავისი საფუძველი — ბეჯითი სწავლა და სასახელო პიონერული საქმეები.



## რაზმის საბჭო

რაზმში 30 პიონერია, სხვადასხვა ხასიათისა და მისწრაფების ადამიანი. ზოგს ავიამოდელიზმი იტაცებს, ზოგი მუსიკითაა გატაცებული, ზოგსაც სპორტულ სექციებში შეცადინება ურჩევნია. კარგია ეს თუ ცუდი? რა თქმა უნდა, კარგია.

სწორედ ისეთი კოლექტივის ცხოვრებაა საინტერესო და მრავალფეროვანი, სადაც სხვადასხვა გატაცების ადამიანები ცხოვრობენ, მხოლოდ საქმე იმგვარად უნდა აიწყოს, რომ ყველას თავისი წვლილი შექონდეს საერთო მუშაობაში. აი, ისე, როგორც ზოგიერთ რაზმში აკეთებენ. ნორჩი სპორტსმენები სპორტულ შეჯიბრებებს ატარებენ, მუსიკოსები მუსიკალური დღესასწაულებისათვის ემზადებიან, წითელი კვალისმაძიებლები ახალ მასალებს აგროვებენ სასკოლო მუზეუმისათვის. ერთი სიტყვით, ყველა პიონერს უნდა გამოეძებნოს საინტერესო საქმე. ყველა სანიმუშოდ უნდა ასრულებდეს რაზმის საბჭოს დავალებებს.

რაზმის საბჭო აქ იმიტომ ვახსენეთ, რომ სწორედ მან უნდა იფიქროს იმაზე, როგორ გაანაწილოს დავალებები რაზმის წევრებს შორის, საერთო საქმის წარმატებისათვის როგორ გამოიყენოს თითოეული პიონერის ცოდნა და გატაცება. რაზმის საბჭო პიონერული საქმეების საბრძოლო შტაბია, სადაც რაზმის ცხოვრების ყველაზე მთავარი და საჭირობოროტო საკითხები წყდება. საბჭოს ყოველთვის ბევრი საქმე აქვს: ზოგი რგოლის პიონერები რატომღაც კარგად ვერ ემზადებიან რაზმის შეკრებისათვის, ვიღაც ავადმყოფობის გამო ფიზიკაში ჩამორჩა, უნდა დაეხმარონ, დროზე უნდა გამოვიდეს კედლის გაზეთის მორიგი ნომერი. ახლოვდება ყვავილების სარაზმეულო დღესასწაული, ვიღაც უმიზეზოდ აცდენს გაკვეთილებს, ზოგი წესრიგს და სისუფთავეს არ იცავს საკლასო ოთახში, მერხი მზესუმზირას ჩენჩოთი გამოუვსია... საბჭომ ხომ ყველაფერზე უნდა იფიქროს: იმაზედაც, რომ ყველა პიონერი იცავდეს საზეიმო დაპირებას, და იმაზედაც, რომ საზაფხულო არდადეგებზე ყველას ჰქონდეს მისთვის შესაფერისი დავალება. პიონერები ამიტომაც ირჩევენ მას რაზმის შეკრებაზე, ამიტომაც ანდობენ ყოველდღიური საქმიანობის ხელმძღვანელობას.

## 30ს ირჩევენ რაზმის საბჭოში?

ამ კითხვაზე პასუხის გაცემა თითქოს ადვილია: ვის ირჩევენ და, ყველაზე საქმიან, ყველაზე ბეჯით, ყველაზე საზრიან პიონერებს. მაგრამ თუ იცი, როგორია ამ საზრიანობის საზომი, როგორ უნდა გაერკვე ადამიანებში? აი, შენ გვერდით მერხზე ზის



გოგონა, ფრიადოსანია, თავაზიანი, საქმიანიც ჩანს, მართლაც, მუყაითი მოსწავლეა, თითოთ საჩვენებელი. მასწავლებლები ასეც ამბობენ, თითოთ საჩვენებელი მოსწავლეაო. ყველაფერი ეს საკმარისია იმისათვის, რომ ასეთი პიონერი რაზმის საბჭოში ავირჩიოთ? ნუ ვიჩქარებთ. აბა, გაიხსენეთ, როგორ ასრულებს იგი პიონერულ დავალებებს? გოგონა ამბობს, რომ თავისუფალი დრო არა აქვს, ხან უცხო ენაში მეცადინეობს კერძო მასწავლებელთან, ხან მუსიკაზე დადის, ამიტომ რაზმის დავალების შესასრულებლად დრო არ რჩება. ესეც თქვენი თითოთ საჩვენებელი მოსწავლე! არა, ასეთი პიონერი რაზმს ვერ გაუძღვება, ის თავის ხუთიანებზე უფრო მეტს ფიქრობს, ვიდრე კოლექტივის საქმეებზე.

აი, კიდევ ერთი გოგონა. ისიც კარგად სწავლობს, მუსიკაზედაც დადის, მაგრამ ამხანაგებსაც არ ივიწყებს. ის კი არა, მუსიკის კვირეულიც კი ჩაატარა რაზმში, ამხანაგები მუსიკალურ სკოლაშიც მიიწვია. სწორედ ასეთი პიონერები სჭირდება რაზმს. რაზმის საბჭო მხოლოდ ფრიადოსანთა და კარგოსანთა საპატიო დაფა კი არ არის, ეს რაზმის საქმეების წარმმართველი ორგანოა. მის შემადგენლობაში ისეთი პიონერები უნდა ავირჩიოთ, ვისიც ყველაზე მეტად სჯერათ რაზმში, ვინც კოლექტივის არ უღალატებს, ეცდება კარგად იმუშაოს, ვისაც სიძნელეებისა არ ეშინია, შეუძლია კარგი წამოწყებით ამხანაგებიც აიყოლიოს. რა თქმა უნდა, შენს რაზმშიც იქნებიან ასეთი საქმიანი და საზრიანი პიონერები.

**საბჭოს  
შემად-  
გენლობა**

რაზმის საბჭოს თავმჯდომარეს და წევრებს რაზმის შეკრებაზე ირჩევენ სასწავლო წლის დასაწყისში. პიონერები ჯერ გასულ წელს ჩატარებული მუშაობის ანგარიშს ისმენენ, მერე იმათ გვარებს ასახელებენ, ვისი არჩევაც უნდათ საბჭოს ახალ შემადგენლობაში. შემდეგ კენჭს უყრიან. ვისაც უმრავლესობა მხარს დაუჭერს, არჩეულადაც ის ითვლება. საერთოდ, საბჭოში 5 ან 7 პიონერს ირჩევენ. 9 კაცის არჩევაც შეიძლება, თუ რაზმში ორმოცზე მეტი პიონერია. საბჭოს ყოველი წევრი მუშაობის ერთ უბანს ხელმძღვანელობს. საბჭოს შემადგენლობაში შედის რაზმეულის საბჭოს თავმჯდომარე, მედროშე, რაზმის გაზეთის რედაქტორი, ოქტომბრულთა ვარსკვლავების მეგობართა საბჭოს თავმჯდომარე, პიონერული შრომითი საქმეების საგუშაგოს უფროსი, საყოველთაო სწავლების საგუშაგოს და პიონერული მოქმედების ზონის



რგოლის ხელმძღვანელი ან რაზმის საბჭოს წევრი.



რაზმის საბჭოს თავმჯდომარე ან რაზმეულის საბჭოს წევრი.



რაზმეულის საბჭოს თავმჯდომარე.



პიონერთა რაიონული ან საკავალაქო საბჭოს თავმჯდომარე.



ხელმძღვანელი, სისუფთავისა და სილამაზის საგუშაგოს უფროსი. „ცისკარის“ შტაბის უფროსი და ფიზკულტურული მუშაობის ორგანიზატორი, რაზმის ხელმძღვანელი. შეიძლება, რაზმის საბჭოს შემადგენლობაში რგოლის ხელმძღვანელებიც შეიყვანონ. ეს იმაზეა დამოკიდებული, თუ რას გადაწყვეტს რაზმის შეკრება.

**პიონერული  
დავალება**

შენ მიიღე დავალება შენი ორგანიზაციისაგან. სულ ერთია, ვინ მოგცემს დაფალებას — რგოლის ხელმძღვანელი, რაზმის ან რაზმეულის საბჭო, რაზმის შეკრება თუ პიონერთა რაიონული საბჭო. სულ ერთია ისიც, თუ როგორი იქნება ეს დავალება, დიდი თუ მცირე. მთავარია, რომ შენ მიიღე პიონერული დავალება, ეს დიდი პატივიც არის და დიდ პასუხისმგებლობასაც გაკისრებს.

სანამ დავალების შესრულებას შეუდგებოდე, ჯერ კარგად უნდა მოიფიქრო, როგორ იმოქმედო, რა არის საჭირო, რომ თავი არ შეირცხვიო ამხანაგების წინაშე, სანიმუშოდ შეასრულო მინდობილი საქმე. უფროსებიდან ვის ვკითხო რჩევა? ბავშვებიდან ვისი დახმარება დამჭირდება? რა წავიკითხო, რა მოვამზადო? — ჯერ ამ კითხვებზე უნდა გასცე პასუხი, შემდეგ კი, მოქმედების გეგმას რომ შეადგენ, დავალების შესრულებაც არ გაგიძნელებს. სახვალიოდ საქმეს ნუ გადადებ, დღესვე გააკეთე ის, რის გაკეთებაც დღეს არის შესაძლებელი. თუ ხედავ, რომ დათქმულ ვადებში საქმეს თავს ვერ გაართმევ, მიმართე იმას, ვისგანაც დავალება მიიღე, იქნებ უფრო მეტი დრო მოგცენ, — ასეთია პიონერული ცხოვრების კანონი.

შენ და შენი მეგობრები თუ ასე სერიოზულად მოჰკიდებთ ხელს ყოველი დავალების შესრულებას, მაშინ რაზმის საქმეებიც წინ წავა და რაზმეულსაც ბევრ რამეში დაეხმარებით. პიონერიც ხომ იმაზე ოცნებობს, რომ თავისი წვლილი შეიტანოს საერთო საქმეში!

**თუ დაგვანა-  
ლეს...**

დავალება დავალებაა, მაგრამ ხომ შეიძლება, შენც აგირჩიონ რაზმის საბჭოს თავმჯდომარედ, გაზეთის რედაქტორად ან რგოლის ხელმძღვანელად? ახლა შენ სხვას უნდა უხელმძღვანელო, ამხანაგების ნდობა გაამართლო, მაგრამ როგორ?



**რაზმის  
საბჭოს  
თავ-  
მჯდომარე**

ეს იმას ნიშნავს, რომ შენ პასუხს აგებ რაზმის საერთო საქმეებზე, იმაზე, რომ ყველა პიონერი იცავდეს საზეიმო დაპირებას და საბჭოთა კავშირის პიონერთა კანონებს.

შენ რაზმის ხელმძღვანელთან და საბჭოს წევრებთან ერთად უნდა წარმართო რაზმის მთელი საქმიანობა როგორც სკოლაში, ისე პიონერული მოქმედების ზონაში. ამისათვის კი კარგად მოფიქრებული და შედგენილი სამუშაო გეგმაა საჭირო. გეგმას რაზმის საბჭოს წევრები და რგოლის ხელმძღვანელები ადგენენ. ზოგიერთ რაზმში კონკურსსაც კი აცხადებენ რაზმის სამუშაო გეგმაში შესატან ყველაზე საინტერესო წინადადებაზე. მაგრამ გეგმის შედგენა მხოლოდ საქმის დასაწყისია, მთავარი ის არის, რომ მის განხორციელებაში ყველა პიონერი აქტიურად მონაწილეობდეს.

სადაც რაზმია, იქ უნდა იყო შენც, — ასეთია პიონერული ცხოვრების კანონი. თუ საჭიროა, რაზმის სახელით დახმარებისათვის უნდა მიმართო შენი სკოლის კომუნისტებსა და კომკავშირელებს, მასწავლებელს, რაზმეულის საბჭოს. შენ რაზმის საბჭოს წევრებთან ერთად იმაზედაც უნდა იფიქრო, რომ რაზმს მჭიდრო კავშირი ჰქონდეს საშეფო კოლმეურნეობის თუ ფაბრიკის კომკავშირულ ორგანიზაციასთან, ასრულებდეს მის დავალებებს.

რაზმის საბჭოს წევრები თავისი მუშაობის შესახებ ანგარიშს აბარებენ თავმჯდომარეს, თავმჯდომარე კი — რაზმის შეკრებას და რაზმეულის საბჭოს. რაზმის საბჭომ როდის და რამდენჯერ ჩააბაროს ანგარიში პიონერებს, — ეს საკითხიც რაზმის შეკრებამ უნდა გადაწყვიტოს.

რაზმის საბჭოს თავმჯდომარემ კარგად უნდა იცოდეს ხაზისა და სხვა საზეიმო რიტუალების ჩატარება.

ყოველ პიონერს შეუძლია თხოვნით მიმართოს რაზმის საბჭოს თავმჯდომარეს, შესთავაზოს დახმარება, გაუზიაროს თავისი აზრი რაზმის საბჭოს მუშაობაზე, სთხოვოს რაიმე სადავო საკითხის გარკვევა. გულისყურით მოუსმინე ყველას, ვინც მოგმართავს და დახმარებას გთხოვს. თუ საკითხის გადაწყვეტა მარტო შენ არ შეგიძლია, დახმარებისათვის უფროსებს მიმართე. ისინი თავიდან აგაცილებენ მოსალოდნელ შეცდომას.

შენ, როგორც რაზმის საბჭოს თავმჯდომარე, უნდა ეცადო, რომ საბჭოს მუშაობაში აქტიურად ჩააბა რგოლის ხელმძღვანელები და აქტივისტი პიონერები. ისინი დაგეხმარებიან, რომ პიონ-



ნერებს გააცნოთ რაზმის საბჭოს გადაწყვეტილებები, რაზმის ყოველ წევრს მისცეთ მისთვის საინტერესო დავალებები, თვალყურით ადევნოთ მათ შესრულებას.

**რაზმის მედროში**

რაზმის მედროში ყველაზე მთავარი მოვალეობა ის არის, რომ თვალისჩინივით გაუფრთხილდეს რაზმის დროშას, გამოიტანოს იგი ზეიმებზე და სხვა რიტუალების დროს. მედროში ყველგან და ყოველთვის წინ მიუძღვის რაზმს, ამიტომ მან კარგად უნდა იცოდეს მწყობრში სიარული. არაფერს ვამბობთ წითელი რევოლუციური დროშის ისტორიაზე, დროშის გამოტანის წესზე, მამაც მედროშეთა გამირობაზე, — რაზმის მედროშისათვის ამის ცოდნა ისევე აუცილებელია, როგორც ჯარისკაცისათვის შაშხანის მოხერხებულად ხმარება.

**რაზმის გაზეთის რედაქტორი**

რედაქტორი კედლის გაზეთის სარედაქციო კოლეგიის მუშაობას ხელმძღვანელობს. კოლეგიაში რამდენიმე მხატვარი და კორესპონდენცია, მაგრამ თქვენ არ იფიქროთ, თითქოს სარედაქციო კოლეგიამ მხოლოდ კედლის გაზეთის გამოშვებაზე უნდა იზრუნოს. ეს რომ ასე იყოს, კოლეგიაც არ იქნებოდა საჭირო, ამ საქმეს ორი პიონერიც ჩინებულად გაუძღვებოდა. სარედაქციო კოლეგიამ უნდა გააფორმოს რაზმის სამუშაო გეგმა, პატაკები, დღიურები და ალბომები, რაზმის მატრიანე, პიონერული ზეიმებისათვის საჭირო პლაკატები და მოწოდებები, რაზმის კუთხე პიონერთა ოთახში.

რედაქტორმა უნდა იფიქროს იმაზე, რომ სარედაქციო კოლეგიის ყოველ წევრს კონკრეტული დავალება ჰქონდეს და აქტიურად მონაწილეობდეს რაზმის საქმეებში. თუ საჭიროდ ჩანსთვლის, რედაქტორმა რაზმის საბჭოს სასწრაფო დავალების შესასრულებლად ოპერატიული ჯგუფიც უნდა შექმნას. გარდა ამისა, რედაქტორთან ინახება რედაქციის მუშაობისათვის საჭირო ყველა მასალა: საღებავები, შრიფტების ნიმუშები, ფანქრები, სახაზავები, ქალაღდი და ა. შ.

**ოქტომბრულთან მუშაობის ორგანიზატორი**

ყოველ რაზმში არის ოქტომბრულთა ვარსკვლავების მეგობართა საბჭო. მისი თავმჯდომარე რაზმის საბჭოს წევრია, მან უნდა იზრუნოს, რომ რაზმის ყველა პიონერი დაუმეგობრდეს ოქტომბრულთა ვარსკვლავებს.

ყოველ რაზმში არიან ხელმარჯვე პიონერები. მათ შეუძლიათ სათამაშოები დაუმზადონ ოქტომბრელებს, ასწავლონ მარტივი მოდელებისა და სათამაშოების დამზადება. რაზმში, ალბათ, მასიური მუშაობისა და პიონერული თამაშების ორგანიზატორებიც იქნებიან. მუშაობაში ისინიც უნდა ჩააბათ, ოქტომბრელებს ხომ ყველაზე მეტად სწორედ თამაშისაკენ მიუწევთ გული!

სამუშაო გეგმის შედგენის დროს რაზმის საბჭომ ისიც უნდა გაითვალისწინოს, როგორი საზოგადოებრივი დავალება უნდა მისცეს ოქტომბრელებს. რაზმის რომელ ზეიმში მიიღებენ მონაწილეობას, როგორ მოემზადებიან პიონერთა რიგებში შესასვლელად. ოქტომბრელებთან მუშაობის ორგანიზატორი კი ვარსკვლავთა ხელმძღვანელებთან ერთად დაეხმარება მომავალ პიონერებს ამ დავალების შესრულებაში.

**როგორი  
ხელმძღვანელი  
სჭირდება  
რგოლს**

ერთხელ ასეთ ამბავს შევესწარი: პიონერთა ოთახში რამდენიმე რგოლის ხელმძღვანელი გამოიძახეს. რაზმეული ყვავილების დღესასწაულისათვის ემზადებოდა, დავალებები უნდა გაენაწილებინათ. დავალება მრავალგვარი იყო, ვისაც რა მოეწონებოდა, თავის რგოლისათვის იმას აირჩევდა. მაგრამ ზოგს არჩევანისათვის არც დაუცდია, ეტყობა, შინ წასვლას ეშურებოდა. რაც შესთავაზეს, იმაზე დათანხმდა.

ერთი ბიჭი კი მაგიდას არ მოსცილებია, ორჯერ თუ სამჯერ გადახედა ზეიმის გეგმას, სადაც სხვადასხვა ღონისძიებები იყო ჩამოწერილი, მერე რაზმეულის საბჭოს წევრს სთხოვა:

— ჩვენი რგოლის პიონერები საფოსტო მარკებს აგროვებენ. ძალზე ბევრი მარკა გვაქვს ყვავილების გამოსახულებით. არ შეიძლება, გამოფენა რომ მოვაწყოთ?

— გეგმაში რომ არა გვაქვს? — ცოტა არ იყოს, პასუხის გაცემა გაუჭირდა რაზმეულის საბჭოს წევრს. — საქმე ისედაც ბევრია, რაღა მარკებს ჩააცვიდით.

— რგოლში ყველა აგროვებს, საინტერესო გამოფენას მოვაწყობთ. სხვებიც დაგვეხმარებიან.

— გამოფენას მოვაწყობთ, მაგრამ დღესასწაულს ვინდა მოამზადებს? — არ თმობდა რაზმეულის საბჭოს წევრი. — თანაც, გეგმას ხომ ვერ შევცვლი, რაზმეულის საბჭოს უნდა ვთხოვოთ.

— მერე რა, ვთხოვოთ, — არც რგოლის ხელმძღვანელი აპირებდა დათმობას. — არსადაც არ მეჩქარება, დავიცდი...



დაიცადა და თავისიც გაიტანა. მისი რგოლის წევრებიც კმაყოფილი დარჩნენ და რაზმეულის საბჭოც, რადგან კარგად მოფიქრებულმა გამოფენამ დღესასწაული კიდევ უფრო საინტერესო და მრავალფეროვანი გახადა.

ყველა რგოლს უნდა ჰყავდეს ასეთი ხელმძღვანელი: ამხანაგების ინტერესების დამცველი, მომთხონი თავისი თავისა და სხვების მიმართ, სამართლიანი და პირდაპირი, რომ გაბედულად უთხრას მეგობარს სიმართლეს და თავისი შეცდომაც გულახდილად აღიაროს. სიზუსტე და თავმდაბლობა რგოლის ხელმძღვანელის აუცილებელი თვისებაა. ზოგიერთს უცნაური ჩვევა აქვს: ამხანაგებში თუ გამოარჩიეს, მაშინვე გაამაყდება და თანაკლასელებს ქედმაღლურად უყურებს. ასეთ ადამიანს კეთილი საქმის გაკეთება არ შეუძლია.

კარგია, როცა რგოლის ხელმძღვანელმა ბევრი რამე იცის და ბევრი რამის გაკეთებაც შეუძლია. მაშინ ის ყველაფერში — თამაშშიც, სწავლაშიც და შრომითს საქმიანობაშიც, — ადვილად აიყოლიებს რგოლის წევრებს. მაგრამ მარტო ესეც არ არის საკმარისი: რგოლის ხელმძღვანელი ინიციატივიანი ორგანიზატორიც უნდა იყოს, რომ მხოლოდ რაზმის საბჭოს მითითებებს არ ელოდოს, თანაც, ყველაფერს მარტო კი არ აკეთებდეს, ცდილობდეს, ყველა პიონერი აქტიურად ჩააბას რგოლისა და რაზმის საქმეებში.

აი, სწორედ ასეთი ხელმძღვანელი სჭირდება რგოლს.

**სამი რჩევა  
რგოლის  
ხელ-  
მძღვანელს**

პირველი რჩევა: აუცილებლად უნდა გქონდეს უბის წიგნაკი, თავისებური პატარა ცნობარი. რუსულ ენაზე ასეთი ცნობარი სტამბური წესით იბეჭდება. ნაწილობრივ, ალბათ, ეს წიგნიც გაგიწევს მის მაგივრობას, მაგრამ მაინც გირჩევთ, რომ ასეთი უბის წიგნაკი შენ თვითონ დაამზადო. პირველ გვერდებზე საზეიმო დაპირება და პიონერთა კანონები ჩამოწერე. შემდეგ — შენი რგოლის წევრების სია, ბინის მისამართები, ტელეფონის ნომრები. რგოლის ყველა წევრის დაბადების დღეც ჩაინიშნე, რომ მილოცვა არ დაგავიწყდეთ. იცი, როგორ გაუნარდება ამხანაგს, როცა მთელი რგოლი მიულოცავს დაბადების დღეს!

შემდეგ უბის წიგნაკი რამდენიმე ნაწილად დაყავი. ყოველ ნაწილს თავისი დანიშნულება უნდა ჰქონდეს. აი, მაგალითად: „რა უნდა გააკეთოს რგოლმა სკოლაში“, „რა უნდა გააკეთოს პიონერული მოქმედების ზონაში“, „პიონერთა წინადადებები“, „რაზ-



მის საბჭოს დავალებები“, „პიონერული კალენდარი“, „ვის რა დავალება აქვს?“, „საინტერესო წიგნები“. თუ ყურადღებით იქნები, დარწმუნებულნი ვართ, მალე უბის წიგნაკში არც ერთი ცარიელი გვერდი არ დარჩება.

აღბათ, ადრეც კითხულობდი პიონერულ ჟურნალ-გაზეთებს, ისმენდი სატელევიზიო და რადიოგადაცემებს. იქნებ პიონერული აქტივის შეკრებასაც დასწრებიხარ? ადრე სხვა იყო, მაგრამ როცა რგოლის ხელმძღვანელი ხარ, ყველაფერს სხვაგვარი თვალთ უნდა შეხედო და აწონ-დაწონო: „იქნებ ეს ჩვენი რგოლისთვისაც გამოდგეს?“ ცხადია, ჟურნალ-გაზეთებშიც, რადიოგადაცემებშიც და აქტივის შეკრებაზედაც ბევრი რამ იქნება საინტერესო. ამ ბევრიდან ცოტაც რომ მოხვდეს უბის წიგნაკში, მუშაობაში ესეც დაგეხმარება.

ჩვენ ერთხელ უკვე ვახსენეთ რგოლის ხელმძღვანელის თავმდაბლობა. იცი, რას ნიშნავს, იყო თავმდაბალი? იმას, რომ ყურადღებით მოუსმინო თანატოლებს, რგოლის მუშაობაში გაითვალისწინო ის, რასაც ისინი გირჩევენ. კარგი იქნება, თუ ყოველ ორ-სამ კვირაში, სანამ სამუშაო გეგმას შეადგენ, რგოლში პიონერული საქმეების დაზვერვას მოაწყობთ. ყველა პიონერი შემოიტანს თავის წინადადებას — რა გააკეთოთ, სად წახვიდეთ ექსკურსიაზე, ვინ მოიწვიოთ შეხვედრაზე. რაც უფრო მეტი ასეთი წინადადება გაჩნდება უბის წიგნაკში, რგოლის მუშაობაც მით უფრო საინტერესო და სახალისო იქნება.

მეორე რჩევა: სამუშაო გეგმას რომ შეადგენ, იმაზედაც უნდა იფიქრო, რას გააკეთებ, რომ რგოლის საერთო საქმეებში ყველა პიონერი მონაწილეობდეს.

ყოველ რგოლში არის შრომის ორგანიზატორი, რგოლის სანიტარი, საყოველთაო სწავლების საგუშაგოს წევრი, „ცისკრის“ ორგანიზატორი, კორესპონდენტი, რგოლის ფიზორგი. შენც სწორედ აქედან უნდა დაიწყო. მაგალითად, რაზმის საბჭოსაგან მიიღეთ დავალება, რომ მომავალ კვირას სკოლის ეზოს გამწვანებაზე იმუშაოთ. შენ შრომის ორგანიზატორთან ერთად უნდა მოიფიქრო ამ ოპერაციის ყველა წვრილმანი, შემდეგ კი საქმეს თვით ორგანიზატორი გაუძღვება: გაიგებ, რამდენი ნერგია გამოყოფილი თქვენი რგოლისათვის, სად უნდა დარგოთ, როდის დაიწყებთ მუშაობას. შრომის ორგანიზატორი ზოგიერთ პიონერს სამუშაო იარაღის მომზადებას დაავალებს, ზოგს სანერგეზე მიამაგრებს,

იმას კი, ვინც კარგად ერკვევა ნატურალისტურ მუშაობაში, სთხოვს, საუბარი ჩაატაროს რგოლის პიონერებთან და საშეფო კლასის ოქტომბრელებთან გამწვანების მნიშვნელობაზე (რგოლის საქმეებში ხომ ოქტომბრელებთან მუშაობაც იგულისხმება). ამის შემდეგ ერთად ნახეთ იმ ადგილს, სადაც ორმოები უნდა ამოიღოთ, და სამუშაოს გაანაწილებთ რგოლის ყველა პიონერს შორის.

შრომით დესანტამდე ორი-სამი დღით ადრე ორგანიზატორი ვალდებულია პატაკი ჩააბაროს რგოლის მზადყოფნაზე.

აი, ასე მიადრწევ იმას, რომ ყველა პიონერმა აქტიური მონაწილეობა მიიღოს რგოლის საერთო საქმეებში.

მესამე რჩევა: ახლოს უნდა იცნობდე რგოლის ყოველ წევრს, უნდა იცოდე, რით არის გატაცებული, რას აკეთებს თავისუფალ დროს, რა იცის და რის გაკეთება შეუძლია. ამის გაგება არ არის ძნელი, თქვენ ხომ ერთი კოლექტივის წევრები ხართ, თანაკლასელები. ეს რომ გეცოდინება, მაშინ რგოლის წევრებს შორის დავალებებსაც უფრო ადვილად გაანაწილებ და ისინიც მეტი მონდომებით იმუშავენ.

პიონერებს ერთი კარგი წესი აქვთ: „ისწავლე თვითონ, შეასწავლე ამხანაგებს!“ საქმე იმდაგვარად უნდა ააწყო, რომ თქვენი რაზმის ყოველი წევრის ცოდნა მთელ კოლექტივს გამოადგეს. აი, თუნდაც იმ ბიჭის ამბავი გავიხსენოთ, საფოსტო მარკების გამოფენა რომ მოაწყო სკოლაში. იცით, როგორ დაიწყო ყველაფერი? შემთხვევით გაიგო, რომ მისი რგოლის ერთ პიონერს საინტერესო კოლექცია ჰქონდა. ჯერ თვითონ ეწვია შინ, მერე კოლექცია სკოლაში მოიტანეს და ყველამ დაათვალიერა. ეს იყო და ეს, მთელმა რგოლმა დაიწყო საფოსტო მარკების შეგროვება. მალე ინტერნაციონალური მეგობრობის კლუბში ნორჩი ფილატელისტების წრეც გაიხსნა. ალბათ, თქვენს რგოლშიც არიან ასეთი პიონერები. მათ მრავალი საინტერესო სიახლის შეტანა შეუძლიათ რგოლის ცხოვრებაში, თუ ამხანაგების მხარდაჭერას იგრძნობენ.

მხარდაჭერა ყველგან საჭიროა და ყველას სჭირდება. ერთიანი, მეგობრული კოლექტივის ცხოვრება სხვაგვარად წარმოუდგენელია. თანაკლასელი თუ ავად გახდა, იმავე დღეს მიაკითხეთ შინ, აუხსენით საშინაო დავალება. ამ საქმეს მართო საყოველთაო სწავლების საგუშაგოს წევრს ნუ დაავალებ, ამხანაგისათვის ხელის გამართვა რგოლის ყველა პიონერის ვალია. იქნებ ოქტომ-

ბრელთა ვარსკვლავის ხელმძღვანელმა მინდობილ საქმეს თავი  
ვერ გაართვა, ცოდნა და გამოცდილება არ ეყო! მასაც მთელი რგო-  
ლის მხარდაჭერა სჭირდება: ერთი პატარებს ლექსებს წაუკითხავს,  
მეორე მუყაოს სათამაშოებს დაუმზადებს, მესამე თამაშობებს შე-  
ასწავლის. აი, ეს არის მხარდაჭერა.

რგოლი, თუ მისთვის სულ ერთი არ არის, როგორ ისწავლის  
ავადმყოფობის შემდეგ მათი ამხანაგი, როგორ იმუშავებს თავის  
ოქტომბრულბთან მეორე ამხანაგი, ნამდვილად მეგობრული  
რგოლია. მისმა წევრებმა კარგად იციან, რომ ერთის წარუმატებ-  
ლობა და სიძნელეები მთელი რგოლის წარუმატებლობაა, ერთის  
სიხარული ყველას სიხარულია.

ასეთი რგოლის პიონერები თავს არასოდეს შეირცხვენენ.

## პიონერული საზო

საზოთ იწყება და მთავრდება რაზმისა და რაზმეულის ყოველი  
შეკრება, — ეს უკვე ტრადიციად იქცა. მაგრამ საზო ეწყობა მაშინ-  
ნაც, როცა უფროსმა პიონერხელმძღვანელმა, რაზმეულის ან რაზ-  
მის საბჭომ მოსწავლეებს უნდა აცნობოს პიონერული ცხოვრების  
ახალი ამბები, შეაჯამოს მუშაობის ან შეჯიბრების შედეგები,  
განიხილოს სამუშაო გეგმა. საზოე ოქტომბრულბს იღებენ პიო-  
ნერთა რიგებში, დოღს და საყვირს გადასცემენ ახალ რაზმებს,  
აჯიღდობენ პიონერებს. ყველაფერი ეს ჩვეულებრივ საზოე ხდე-  
ბა ხოლმე. განსაკუთრებულ შემთხვევაში კი საზეიმო საზო ეწყობა.  
პირველი მაისის დღესასწაული, გამარჯვების ზეიმი, გმირი პიო-  
ნერის სახელის მინიჭება რაზმისათვის, პიონერული ორგანიზაცი-  
ის დაბადების დღე, ლენინური კომკავშირის იუბილე, ომის შეწყ-  
ვება ვიეტნამში, ნორჩი გმირი ანტიფაშისტის დღე, — ყოველ ასეთ  
თარიღს საზეიმო საზოთ აღნიშნავენ. ესეც ტრადიციაა. ამის გა-  
რეშე ძნელია პიონერული ცხოვრების წარმოდგენა.

რაზმეულის საზო მესაყვირის ნიშანზე იწყება. პირველი ნიშა-  
ნია „ყურადღება!“ მეორე — „ისმინეთ ყველამ!“ ამ ნიშანზე რაზ-  
მეული მწყობრში უნდა დადგეს ერთ მწკრივად ან ასო „П“-ს  
მსგავსად. ეს დამოკიდებულია იმ ადგილზე, სადაც საზო ტარდება.  
მედროშეთა ჯგუფი ცალკე დგას. მისთვის წინასწარ მიჩენილ ად-  
გილზე. უფროსი პიონერხელმძღვანელი და რაზმეულის საბჭოს  
თავმჯდომარე საერთო მწყობრის წინ დგანან, შუა ადგილზე,  
რაზმის საბჭოს თავმჯდომარეები — თავისი რაზმის წინ,  
რგოლის ხელმძღვანელები — რგოლის მარჯვენა ფლანგზე.



რაზმეულის საბჭოს თავმჯდომარე იძლევა ბრძანებას: „რაზმეულო, სწორადი სმენაი რაზმის საბჭოს თავმჯდომარეებო, მოემზადეთ და ჩააბარეთ პატაკი თავისუფლად!“ ბრძანება უნდა გაიცეს სხარტად, ხმამაღლა, შუაღედებით, რომ შესაძლებელი იყოს თვალყურის დევნება, ყველა პიონერი ასრულებს თუ არა ბრძანებას. ბრძანებაზე: „თავისუფლად!“ — ყოველი რაზმის საბჭოს თავმჯდომარე თავისი რაზმისაკენ შებრუნდება, დააზუსტებს, რამდენი პიონერია მწყობრში, რამდენი აკლია, არკვევს გაცდენის მიზეზს, შემდეგ რაზმს აძლევს ბრძანებას: „სმენა!“ და უმოკლესი გზით მიდის რაზმეულის საბჭოს თავმჯდომარისაკენ. რა თქმა უნდა, რაზმის საბჭოს თავმჯდომარემ ხაზზე მოწყობამდეც უნდა გაარკვიოს, რამდენი პიონერი ესწრება შეკრებას, მაგრამ უშუალოდ პატაკის ჩაბარების წინაც აუცილებელია რაზმისათვის თვალის გადავლება.

რაზმის საბჭოს თავმჯდომარე სამი-ოთხი ნაბიჯით მიუახლოვდება რაზმეულის საბჭოს თავმჯდომარეს, აიღებს სალუტს და როცა რაზმეულის საბჭოს თავმჯდომარეც აიღებს სალუტს, აბარებს პატაკს: „ამხანაგო რაზმეულის საბჭოს თავმჯდომარევი თინა იოსებიძის (მაგალითისათვის) სახელობის რაზმი ხაზზე მოწყეო. ორი პიონერი არ ესწრება ავადმყოფობის გამო. რაზმმა შრომითი დესანტის დროს დარგო ორმოცდაათი ნერგი. რაზმის საბჭოს თავმჯდომარე გელა წერეთელი (ესეც მაგალითისათვის)“.

რაზმეულის საბჭოს თავმჯდომარე, პატაკს რომ ჩაიბარებს, თუ დასაზუსტებელი არაფერია, იძლევა ბრძანებას: „თავისუფლად!“ და ხელს ჩამოუშვებს. რაზმის საბჭოს თავმჯდომარე ადგილზე შებრუნდება, ხელს ჩამოუშვებს, გაემართება თავისი რაზმისაკენ, მწყობრის წინ შეჩერდება და რაზმს აძლევს ბრძანებას: „თავისუფლად!“ რაზმეულის საბჭოს თავმჯდომარე კი ამ დროს უკვე სხვა რაზმის პატაკს იბარებს. რიტუალის წესით, პატაკის ჩაბარება ასაკის მიხედვით ხდება, იწყება უფროსების რაზმიდან.

რაზმეულის საბჭოს თავმჯდომარე ყველა რაზმის ანგარიშს რომ მოისმენს, იძლევა ბრძანებას: „რაზმეულო, დროშის შემოსატანად — სმენაი სწორება დროშაზე!“ ყველა პიონერი თავს აბრუნებს დროშის მხარეს და იღებს სალუტს. მედროშე, ასისტენტების თანხლებით, საყვირისა და დოლის ხმაზე, დროშას მთელი მწყობრის გასწვრივ შემოატარებს — მარცხენა ფლანგიდან მარჯვნივ



და რაზმეულის მარჯვენა ფლანგთან შეჩერდება. რაზმეულის საბჭოს თავმჯდომარე შებრუნდება უფროსი პიონერხელმძღვანელისაკენ, აძლევს მას სალუტს და უპატაკებს დაახლოებით ასე: „ამხანაგო უფროსო პიონერხელმძღვანელო! შოთა გამცემლიძის (მაგალითისათვის) სახელობის პიონერული რაზმეული მოწყობილია შრომითი დესანტის აღსანიშნავ საზეიმო ხაზზე. ხაზზეა სამასი პიონერი, შვიდი მოსწავლე არ ესწრება საპატიო მიზეზის გამო (მაგალითისათვის). რაზმეულის საბჭოს თავმჯდომარე პაატა მალრაძე (მაგალითისათვის)“.

რაზმეულის პატაკი მიღებულია, უფროსი პიონერხელმძღვანელი იძლევა ბრძანებას: „თავისუფლად!“ რაზმეულის საბჭოს თავმჯდომარე მწყობრისაკენ შებრუნდება და რაზმეულს გადასცემს იმავე ბრძანებას.

იწყება პიონერული ხაზი. ამის შემდეგ რაზმეულის საბჭოს თავმჯდომარე პიონერებს აცნობს ხაზის ჩატარების მიზანს, სიტყვას აძლევს საზეიმო ხაზზე მოწვეულ საპატიო სტუმრებს, კომკავშირელებს, მასწავლებლებს, რაზმეულის მოიწინავე პიონერებს.

ხაზის დასასრულს უფროსი პიონერხელმძღვანელი ან რაზმეულის საბჭოს თავმჯდომარე პიონერებს მიმართავს მოწოდებით: „ნორჩო პიონერებო, საბჭოთა კავშირის კომუნისტური პარტიის საქმისათვის საბრძოლველად იყავით მზად!“ პიონერები უპასუხებენ: „მზად ვართ!“ — და იღებენ სალუტს. შემდეგ გაისმის ბრძანება: „რაზმეულო, დროშის გასატანად — სმენა! სწორება დროშაზე!“ დროშას კვლავ მთელი მწყობრის გასწვრივ ჩაატარებენ, პიონერები სალუტით აცილებენ მას. ხაზი მთავრდება, რაზმები მწყობრი ნაბიჯით გადაიან ხაზიდან.

**საპატიო  
ყარაული  
დროშასთან**

რაზმეულის შეკრების ან სხვა საზეიმო ღონისძიების დროს რაზმეულის დროშასთან დგას საპატიო ყარაული — მედროშე და ორი ასისტენტი. საპატიო ყარაული ყოველ 5—10 წუთში იცვლება, მის შემადგენლობაში მხოლოდ საუკეთესო პიონერები შეჰყავთ. რაზმეულის დროშასთან შეიძლება რაზმის მედროშეებიც დადგნენ რაზმის აღმებით. საპატიო ყარაულის შეცვლაზე პასუხისმგებელია რაზმეულის მედროშე.

იცით, როგორია საპატიო ყარაულის შეცვლის წესი? მორიგი ცვლა დროშას მწყობრით უახლოვდება. რაზმეულის მედრო-



შის ბრძანებაზე — „ცვლა, სდექი“ — ყოველი შემცვლელი ზურგში უდგება შესაცვლელ პიონერს, შემცვლელი მდროშე კი ხელს ჰკიდებს დროშის ტარს. ბრძანებაზე — „შეიცვალეთ!“ — ორივე ცვლა ნაბიჯს ადგამს წინ. კიდევ ერთი ბრძანება — „მარცხნივ (ან მარჯვნივ) ნაბიჯით იარს!“ — და შეცვლილი პიონერები მიდიან. ბრძანება უნდა გაიცეს მკაფიოდ, ხმადაბლა, რომ შეკრების მსვლელობას ხელი არ შეეშალოს.

**დიდების  
ყვავილ-  
წნული**

დიდების ყვავილწნული უფროსი თაობების საბრძოლო და რევოლუციური ტრადიციებისადმი პიონერული ერთგულების სიმბოლოა.

ყვავილწნულს ცოცხალი ყვავილებისაგან, მუხის, ნაძვის ან დაფნის ფოთლებისაგან ამზადებენ, ირგვლივ წითელ ან გვარდიულ ზონარს შემოავლებენ. წითელზონარიანი ყვავილწნული მიიქვთ ვ. ი. ლენინისა და რევოლუციის გმირთა ძეგლებთან, ყვავილწნული გვარდიული ზონრით — საბჭოთა არმიის მებრძოლთა ობელისკებთან, იმ უცნობი ჯარისკაცის საფლავთან, მილიონებთან ერთად თავი რომ შესწირა ჩვენი სამშობლოს დამოუკიდებლობისათვის ბრძოლას.

**პიონერული  
ვარ-  
სკვლავები**

ფორმის მარცხენა სახელოზე ამოქარგული პიონერული ნიშნის ზემოთ აქტივის განმასხვავებელი ნიშნებია: ერთი ვარსკვლავი — რგოლის ხელმძღვანელი ან რაზმის საბჭოს წევრი, ორი ვარსკვლავი — რაზმის საბჭოს თავმჯდომარე ან რაზმეულის საბჭოს წევრი, სამი ვარსკვლავი — რაზმეულის საბჭოს თავმჯდომარე. პიონერთა რაიონული და საქალაქო შტაბის წევრებიც სამ ვარსკვლავს ატარებენ.

## წითელი ლაშქრის სიმღერა

მუსიკა ა. ჩიმაკაძისა

ლექსი ჯ. ჩარკვიანისა

მოვდივართ პიონერები,  
საბჭოთა ქვეყნის შვილები,  
ბედნიერებით გამთბარნი,  
მოვდივართ გულგაშლილები!

პიონერებო, მხარი მხარს მივცეთ,  
მარად მზად იყოს ჩვენი ლაშქარი,  
პიონერებო, ბუკი დაჰკარით!  
ჩვენი მჭექარე სიმღერა

გაისმის მთა და ველადა,  
ავაყვავილეთ სამშობლოს  
ყველა ველი და ყველა მთა.

პიონერებო, მხარი მხარს მივცეთ,  
მარად მზად იყოს ჩვენი ლაშქარი,  
პიონერებო, ბუკი დაჰკარით!  
ვინც დიად გზებზე მივეიძღვის

სიყვარულსა და შრომაში,  
მხარში დავუდგეთ ყველანი  
დიად ლენინურ კომკავშირს!

**საჭირო  
მისა-  
მართობი**

თუ იცი, რას ნიშნავს ოპერაცია „თეთრი კუ?“ ვინ ატარებს გონებასადაც და საზრიანთა კონკურსს? სად შეიძლება გავცნო „მეგზურთა საკრებულოს“ მორიგ დავალებებს? ვისთვის აწყობს გადაცემებს რადიოსადგური „ციცინათელა?“ კვირაში რამდენჯერ გამოდის რადიოგაზეთი „საქაროველოს პიონერი?“ სად არის „ჟამთაბერის დარბაზი?“ ცხოვრებაში ბევრი ასეთი „თუ იცი“, „სად შეიძლება“ და „როდის“ შეგხვდება. და ზუსტი, ამომწურავი პასუხი რომ გაცეცხე ყოველ ასეთ კითხვაზე, კარგად უნდა იცნობდე შენს მეგობრებს, — პიონერულ გაზეთებს და ჟურნალებს, რადიოს, ტელევიზიას, საბავშვო ლიტერატურის გამომცემლობას, პიონერთა სახლებსა და სასახლებს, ნორჩ ტექნიკოსთა და ნატურალისტთა სადგურებს, სპორტულ სკოლებს... მეგობარი და კეთილი მრჩეველი მართლაც ბევრია. ყველგან, ყველა საქმეში ურევია მათი ხელი. ვინც მათთან მეგობრობს, სიძნელებსაც ადვილად სძლევს და ხალისიანადაც ცხოვრობს. სწორედ მათზე გიამბობთ ჩვენი წიგნის ამ გვერდებზე... თქვენთვის საჭირო ყველა მისამართსაც აქვე იპოვით:

**პიონერული  
პრესა**

- გაზეთი „პიონერსკაია პრავდა“, 101502, გსპ მოსკოვი, კ-30 სუშჩევსკაიას 21. ტელეფონი 251-15-00; დამატებითი 2-38.
- გაზეთი „ნორჩი ლენინელი“, 380026, თბილისი, ლენინის ქუჩა, 14, ტელეფონი: 93-97-81.
- ჟურნალი „პიონერი“, 380026, თბილისი, ლენინის ქუჩა 14, ტელეფონი: 93-31-81.
- ჟურნალი „დილა“, 380026, თბილისი, ლენინის ქუჩა 14, ტელეფონი: 93-41-30.

გაზეთებს ყოველდღიურად ბევრი ახალი ამბავი მოაქვთ, ჟურნალებიც ბევრ საინტერესო სიახლეს გვთავაზობენ. მაგრამ თავისთავად ამ ახალ ამბავსა და სიახლეს რა ფასი აქვს, თუ ადამიანები არ იმსჯელებენ, სათანადო დასკვნებს არ გააკეთებენ, არ გამოიყენებენ მუშაობაში. ყველაფერი, რაზედაც პიონერული ჟურნალ-გაზეთები წერენ, სწორედ იმ მიზნით იბეჭდება, რომ შენც წაიკითხო და შენმა რაზმმაც გამოიყენოს. ამიტომ გირჩევთ, რომ რაზმში მოაწყოთ პრესის კუთხე, სადაც პიონერული გაზეთის ყოველ ახალ ნომერს გამოაკრავთ. რაზმის საბჭოს დავალებით, ნორჩი კორესპონდენტი ან რომელიმე სხვა პიონერი ყველაზე ადრე წაიკითხავს გაზეთს, საინტერესო სტატიებს ფანქრით აღნიშნავს და



მერე გაზეთს პრესის კუთხეში მოათავსებს. კარგი იქნება, თუ პრესის კუთხის გვერდით მსოფლიოს პოლიტიკურ რუკასაც გააკრავთ. გაზეთები ახლა ბევრს წერენ საერთაშორისო ცხოვრებაზე და თქვენს რუკაზე პატარა წითელი დროშებით აღნიშნავენ იმ ადგილებს, სადაც მნიშვნელოვანი ამბები ხდება. ეს წაკითხულის დამახსოვრებაშიც დაგეხმარებათ და იმაშიც, რომ სისტემატურად ადევნოთ თვალი მსოფლიოს ახალ ამბებს. სხვათა შორის, ზოგიერთი რაზმისა და რგოლის ბიონერები უცხო სიტყვათა ლექსიკონსაც კი ადგენენ. მართლაც, გაზეთები ყოველ გამოშვებაში ხომ ვერ აგიხსნიან, რას ნიშნავს „გენოციდი“, „სუბორდინაცია“, „დევალაცია“, „სევი“, „პენტაგონი“, „რასისტული რეჟიმი“, ინფლაცია“ და ა. შ. უცნობ სიტყვას თუ შეხვდები გაზეთში, ლექსიკონში ჩაიხედავ და მორჩა, ყველაფერი გასაგებია, უფროსებს აღარ შეაწუხებ. ასეთი ლექსიკონის შედგენა რაზმში ან რგოლში შეიძლება ერთ ბიონერსაც დაავალოთ, ეს იქნება მისი მუდმივი ბიონერული დავალება.

ბიონერული გაზეთები და ჟურნალები, ცხადია, უმთავრესად ბიონერულ ცხოვრებაზე წერენ. ამიტომ, როგორც წესი, ყველა რაზმში უნდა კინძავდეს გაზეთის საჭირო ნომრებს ან ადგენდეს ალბომს საგაზეთო რუბრიკების მიხედვით. მაგალითად, გაზეთ „ნორჩ ლენინელში“ მთელი წლის მანძილზე ბევრი კარგი მასალა იბეჭდება საერთო სათაურით „ფიქრის გორა“, „ქამთაბერის დარბაზი“, „წყარო“. თქვენთვის ძალზე საჭირო მასალებს ბეჭდავენ ჟურნალი „ბიონერიც“ რუბრიკებით: „ჯადოსნური სარკე“, „ბუნების კარი“, „საუბრები ხელოვნებაზე“, „გამოცანები“. ამ მასალების მიხედვით შეიძლება საინტერესო საუბრის მომზადება, შეკრების ჩატარება. იქნებ გაზეთში გამოქვეყნებულ წერილზე რაზმში ან რგოლში დისკუსიაც მოაწყობთ? გაზეთი ხშირად სვამს მწვავე და რთულ კითხვას: ვინ არის რაზმში უფროსი? როგორი უნდა იყოს ბიონერი? რას ნიშნავს ნამდვილი მეგობრობა? ვის უშლის ხელს ჩემი ორიანი? ასეთ კითხვებზე მთელმა კოლექტივმა უნდა გასცეს პასუხი. იქნებ რაიმე საკითხზე ვერ შეთანხმდით, ან გაზეთს არ ეთანხმებით, — მისწერეთ ამის შესახებ რედაქციას, საჭირო პასუხსაც მიიღებთ.

გაზეთებში და ჟურნალებში ხშირად იბეჭდება ისეთი მასალებიც, რომელიც სასწრაფოდ უნდა განიხილოთ რაზმში. ეს შეიძლება იყოს საკავშირო სამხედრო-სპორტული თამაშის „ცისკარის“ ბრძანება, მეგზურთა საკრებულოს მითითება ან რომელიმე ახალი



პიონერული ოპერაციის დებულება. შეიკრიბეთ რგოლში ან რაზმში, იმსჯელეთ, ერთად მოიფიქრეთ, რას გააკეთებთ ახალი ბრძანების შესასრულებლად, ვის რა დავალებას მისცემთ, ვისი დახმარება გჭირდებათ, ვის უნდა მიმართოთ რჩევისათვის!

**გაზეთი** საქართველოს რადიოს საბავშვო გადაცემათა რედაქცია, **უქალღმერთი...380025**, თბილისი, ლენინის ქუჩა, 68, ტელეფონი: 36-96-86.  
 საქართველოს ტელევიზიის საბავშვო გადაცემათა რედაქცია, **380025** თბილისი, ლენინის ქუჩა, 68, ტელეფონი: 36-94-48.

გაზეთმა ასობით კილომეტრი უნდა გაიაროს, სანამ შენამდე მოაღწევს. თუ გზაზე რაიმე სერიოზული შეფერხებაა, გაზეთსაც დააკვირანდება. ამ „გაზეთს“ კი ვერც უგზობობა შეაფერხებს და ვერც უამინდობა, ერთი წამიც საკმარისია იმისათვის, რომ მოსკოვის კრემლის კურანტების ხმა მთელ ქვეყანას მოუფინოს. ელვის სისწრაფით მუშაობენ უხილავი დამტარებლები — რადიოტალღები.

შენთვის ნაცნობი პიონერული საყვირის ხმაც ამ რადიოტალღებს გადააქვთ. ამიტომ არის, რომ რადიოგაზეთ „საქართველოს პიონერს“ ერთდროულად უსმენენ თბილისშიც და მესტიაშიც, ყაზბეგშიც და ქუდაშიც.

რადიოგაზეთს თავისი კორესპონდენტები ჰყავს, ისეთივე პიონერები, როგორც შენა ხარ. იმედი გვაქვს, რომ მათ რიგებს შენც შეემატები რაზე უნდა დაწერო? ალბათ, იმაზე, როგორ სწავლობთ, რას ფიქრობთ მომავალ პროფესიაზე, მეგობრობთ თუ არა სოფლის პიონერებთან, როგორ ეხმარებით უფროსებს, როგორია თქვენი პიონერშენის მისამართები... რედაქციას ხომ ყველაფერი აინტერესებს!

ბეჯით სწავლაში რადიო-ტელევიზიაც დაგეხმარება. „მოთხრობები მეთუ ხუთწლედზე“, „მოგზაურობა ცოდნის სამყაროში“, „გვეკითხებიან ვუსაბუხებთ“, „მეცნიერების გზაჯვარედინებზე“, „წიგნის თარო“, „გამოჩენილ ადამიანთა ცხოვრება“, — აი, ეს გადაცემები გიამბობენ მეთუ ხუთწლედის ახალ მშენებლობებზე, ჩვენი ქვეყნის მომავალზე, მეცნიერებისა და ტექნიკის მიღწევებზე, საუკეთესო ლიტერატურულ ნაწარმოებებზე, საქვეყნოდ ცნობილ ადამიანებზე.

კლასიკური და თანამედროვე მუსიკის კონცერტები, საუბრები მუსიკალურ ხელოვნებაზე დაგეხმარება იმაში, რომ უკეთ გაიგო

მუსიკა, ნათელი წარმოდგენა გქონდეს საუკეთესო მუსიკალურ ნაწარმოებებზე, ცნობილი კომპოზიტორების შემოქმედებაზე. ერთი სიტყვით, ამ უხილავ დამტარებლებს — რადიოტალღებს — შენთვის ყოველდღე, მართლაც, ბევრი საინტერესო ამბავი მოაქვთ.

## ოცნებების სასახლე

ბორის ძნელაძის სახელობის პიონერთა და მოსწავლეთა რესპუბლიკური სასახლე, 380064, თბილისი, შოთა რუსთაველის გამზირი, 6, ტელეფონი: 99-00-94.

ნორჩ ნატურალისტთა რესპუბლიკური სადგური, 380061, თბილისი, ვახტანგ გორგასალის ქუჩა, 75, ტელეფონი 72-37-27.

ნორჩ ტექნიკოსთა რესპუბლიკური სადგური, 380054, თბილისი, აკაკი წერეთლის გამზირი, 1, ტელეფონი: 95-06-39.

ნორჩ ტურისტთა ცენტრალური სადგური, 380052, თბილისი, კამოს ქუჩა, 52, ტელეფონი: 95-48-69.

ამ ორმოცდაათი წლის წინათ თბილისის ერთი რაიონის პიონერებს საჩუქრად გადასცეს ძველი ეკლესიის შენობა. ბნელი და ნესტიანი შენობა იყო, მაგრამ ამას ვინა ჩიოდა, საჩუქარი სიხარულით მიიღეს — წიგნები შეაგროვეს და პატარა ბიბლიოთეკა მოაწყვეს, მერე წრეებიც ჩამოაყალიბეს. ეკლესიის შენობაში წარმოდგენებსაც მართავდნენ ხოლმე. ძველი ეკლესიიდან მოგონებალა დარჩა, იმ ადგილას ახლა ახალი საცხოვრებელი მასივია გაშენებული, მაგრამ მისი დავიწყება მაინც არ შეიძლება: სწორედ იმ პირველი პიონერული კლუბით იწყება შენი ყველაზე დიდი და ყველაზე ლამაზი სასახლის ისტორია.

აღბათ, ერთი დღეც საკმარისია იმისათვის, მთელი სასახლე რომ შემოიარო, მაგრამ ყველა წრის მეცადინეობას ათი წუთით მაინც რომ დაესწრო, ორი კვირაც არ გეყოფა! თუმცა, თუ ასტრონომებს დაუუჯერებთ, ათი წუთი არც ისე ცოტა დრო ყოფილა. ისინი თავიანთ პიონერულ პლანეტარიუმში მიგიწვევენ და ათ წუთში ვარსკვლავთა მთელ საუფლოს შემოგატარებენ. ეს ათი წუთი საკმარისია, რომ პლანეტარიუმი დაათვალიერო და... ნორჩ ასტრონომთა წრეშიც ჩაეწერო. მაგრამ იქნებ ისტორია და არქეოლოგია უფრო გიტაცებს? შორს წასვლა არ არის საჭირო, სიძველეთა მუზეუმი გვერდით ოთახშია. თუმცა, ოთახიც არ ეთქმის, ეს თავისებური ეთნოგრაფიული დარბაზია: საქართველოს რელიეფური რუკა, ძველი ქართული დამწერლობის ძეგლები... რამდენი წლისაა ეს დარბაზი? აღბათ, ათი ან ოცი წლისა, მაგრამ აქ ოცი

დიდებული საუკუნე მაინც სუნთქავს. მის სუნთქვას რადიოტალღების სმაური ერთვის — ეს უკვე შეოცე საუკუნეა თავისი კონსონსური ნაბიჯებით და სიმალღეებით. ნონაგლის საპაერო სონალღები, რადიოლოკატორები, მიზღებები, გადამცემები, ზესწრაფი სარკინიგზო ტრანსპორტი, — ეს სომ მართლაც მომავლის საქმეა, მაგრამ მათ მოდელეზე რა ხანია მუშაობენ ნორჩი ტექნიკოსები. იქნებ შენც ასეთი ზღაპრული პროექტების შედგენაზე ოცნებობ? კეთილი, შენთვისაც მზადაა საცდელი პოლიგონი—სამუშაო მაგიდა, დაზგა და ხელსაწყობები. ნორჩ ტექნიკოსთა წრეებში ბევრ ცოდნასა და ჩვევას შეიძენ, ხელს გაიწაფავ და, ალბათ, პიონერულ წესსაც არ დაივიწყებ: „ისწავლე თვითონ, შეასწავლე ამხანაგებს!“ ბიოლოგია, ქიმია, ფიზიკა, მათემატიკა, ბუნების ნორჩ მეგობართა საზოგადოება, ნორჩ ლიტერატორთა სალონი, სახვის კაბინეტი... შენ მხოლოდ აირჩიე. პედაგოგები და ცნობილი მეცნიერები კი (ისინი ხშირად არიან სტუმრად სასახლეში) იმაზე იზრუნებენ, რომ ყოველი მეცადინეობა შენთვის აქამდე უცნობ სამყაროში საინტერესო მოგზაურობად გადაიქცეს.

შენც შეამჩნევდი, სასახლეზე რომ ლაპარაკობენ, უნებურად ამბობენ ხოლმე: „ჩვენი სასახლე“. ეს არავის უკვირს, რადგან ეს, მართლაც, ჩვენი სასახლეა, ჩვენი პიონერული გაზეთით „გაზაფხულით“, კინოსტუდია „პიონერ-ფილმით“, ინტერნაციონალური მეგობრობის კლუბით, დიდი საჭადრაკო სარბიელით, სათამაშოების ფაბრიკით და, რა თქმა უნდა, პიონერული აქტივის კაბინეტით. წლების მანძილზე ათასობით შენი თანატოლი სწორედ აქ სწავლობდა პიონერული მუშაობის ანბანს, სწავლობდა ცხოვრებას. მათ ახლა შენ შეცვლი, გავა დრო და მერე შენც მათსავით იტყვი: „ჩვენი სასახლე“; ასე იტყვი, რადგან შენთვის მუდამ ღიაა მისი კარი, შენა ხარ მისი ყველაზე სასურველი სტუმარი, შენ აქ ყოველთვის მოუთმენლად გელიან.

და განა მართო აქ, ამ სასახლეში, ყველა რაიონსა და ქალაქში მოუთმენლად გელის პიონერთა და მოსწავლეთა სახლი, საბავშვო ბიბლიოთეკა, ნორჩ ტურისტთა, ტექნიკოსთა და ნატურალისტთა სადგური, კულტურის სახლის თუ სასახლის ბავშვთა სექტორი, მუსიკალური და სპორტული სკოლა, პიონერული ბარაკი. ეს, მართლაც, დიდი სიმდიდრეა, ხუთი ათეული წელიწადი დასჭირდა მის შექმნას! და თუ ამ სიმდიდრეს შენ და შენი თანატოლები კარგად გამოიყენებთ მომავალი ცხოვრებისათვის, ეს იმის დასტური იქნება, რომ ადამიანებს თქვენამდე ტყუილად არ უშრომიათ.

შენი  
„ნაკადული“

ასალგაზრდობისა და საბაშვო ლიტერატურის გამომცემლობა  
„ნაკადული“, 380073, თბილისი, კ. მარჯანიშვილის ქუჩა, 5,  
ტელეფონი 95-19-94.

„ნაკადულის“ წიგნის სასლი, 380173, თბილისი, ვაჟა-ფშავე-  
ლას გამზირი, 15, ტელეფონი 37-03-18.

რამდენი წიგნი გაქვს წაკითხული?

რამდენი წიგნი დევს შენს წიგნის თაროზე?


რამდენი წიგნი მიგიღია საჩუქრად მეგობრებისაგან შენი და-  
ბადების დღეს, „ზღაპრების გუდა“, საყმაწვილო მოთხრობების  
კრებული, ლექსების კონა... რომ მონიდომო კიდეც, მაინც ვერ ჩა-  
მოთვლი. მართლაც, ზღაპრულ ასფურცელასავითაა: თვლი და მა-  
ინც ვერ დაგითვისია, კითხულობ და მაინც ვერ ამოგიწურავს,  
სულ მოდის და მოდის, და მაინც არ წყდება.

მართლაც, ნაკადულივით უღევია!

იმიტომაც ჰქვია შენს გამომცემლობას „ნაკადული“, რომ იგი  
არასოდეს არ იღვევა, სულ მოედინება და თავისი ანკარა, კამკამა  
წიგნებით ავსებს შენი ბავშვობის დღეებს; ნაკადულივით თამაშ-  
თამაშაა და წმინდა; ნაკადულივით საჭიროა და დაუზარელი, ყვე-  
ლასთან მივა, ყველას მიუალერსებს, ყველას უზიარებს უკვდავე-  
ბის წყალს — თავის წიგნებს. ნაკადულივით გულმდიდარია, რად-  
გან რაც უფრო მეტი მეგობარი ჰყავს, ძალაც მეტი აქვს და სიკე-  
თეც მეტი მოაქვს. აი, ამიტომაც ჰქვია „ნაკადული“.

იგი თითქმის 40 წელია არსებობს და იცი, რამდენი წიგნი  
აქვს გამოცემული შენი თანატოლებისათვის? მილიონი!

თუ დაუმეგობრდები „ნაკადულის“ წიგნებს (ჩვენ კი გვჯერა,  
რომ უკვე ნამდვილი მეგობრები ხართ!), ბევრი საინტერესო მოგ-  
ზაურობა გელის: ეწვევი და გაეცნობი მსოფლიოს ყველა საოცრე-  
ბას; შეხვდები მსოფლიოს ყველა ქვეყნის ხალხებს და ბევრ, ძა-  
ლიან ბევრ საინტერესო ამბავს შეიტყობ მათი ცხოვრებიდან;  
იმოგზაურებ მეცნიერებისა და ტექნიკის საოცარ სამყაროში, აი  
იმ ზღაპრულ ქვეყანაში, რომელსაც ჩვენი მომავალი ჰქვია: გაი-  
გებ, რას წარმოადგენენ ციური სხეულები, რატომ გუგუნებენ  
ვულკანები, როგორ იბადებიან და ქრებიან კუნძულები, რისთვის  
ჩადიან ადამიანები ოკეანის ფსკერზე და რას ეძებენ მთვარისა თუ  
მარსის უდაბნოებში... ყველაფერზე გიამბობენ „ნაკადულის“  
წიგნები, შენი ერთგული და კეთილი მეგობრები, თუკი შენც ასე-  
თივე ერთგული და კეთილი მეგობარი იქნები მათთვის.





## ჩვენ ინტერნაციონალისტები ვართ!

ჩვენო თანატოლო!

ჩვენ, 39 ქვეყნის ბავშვები, აქედან, „არტეკიდან“, მივმართათ შენს გულს, შენს გონებას. ჩვენ მეგობრულ ხელს გიწვდით, რადგან ვიცით, რომ ქვეყნად ყველაფერზე ძლიერია უბრალო ადამიანთა სოლიდარობა. ჩვენზეა დამოკიდებული ჩვენი პლანეტის — დედამიწის — მომავალი.

ჩვენ სხვადასხვა კონტინენტებზე ვცხოვრობთ, ჩვენ სხვადასხვა ენაზე ვლაპარაკობთ, მაგრამ ეს ხელს არ გვიშლის, გვესმოდეს ერთმანეთისა, ვიყოთ ნამდვილი მეგობრები.

ჩვენ, ჩვენო თანატოლო, გულდამშვიდებით ვერ ვიქნებით, თუ დღეს, აი ამ წუთში, ვიეტნამში ისევ სკდება ბომბები, პორტუგალიელი კოლონიზატორები ტყვეს უშენენ ანგოლისა და მოზამბიკის ბავშვებს, ისრაელი აგრესორები კი მშობლიური სახლებიდან სდევნიან არაბ ყმაწვილებს.

ჩვენ, ჩვენო თანატოლო, გულმშვიდად ვერ ვიქნებით, თუ მხესა და მშვიდობას ატომური ღრუბლები ემუქრებიან!

„არტეკში“ ჩვენ მშვიდობიანი ცა დაგვენათის, მაგრამ არასდროს არ გვავიწყდება, რომ ეს ცა ყველგან არ არის ასეთი სუფთა და მშვიდობიანი; ჩვენ გვახსოვს, რომ მილიონობით ბავშვი სილატაკეში ცხოვრობს, შიმშილობს; რომ მილიონობით ჩვენმა თანატოლმა წერა-კითხვა არ იცის, მაგრამ ბავშვები არ არიან ამაში დამნაშავენი! ჩვენ ვადანაშაულებთ იმპერიალიზმს!

ჩვენი ამოცანა, ჩვენო თანატოლო და უცნობო მეგობარო, ის არის, რომ განვამტკიცოთ ჩვენი მეგობრობა, გავიზარდოთ მამაც და გულმართალ ადამიანებად, ვებრძოლოთ ყოველგვარ სიბოროტეს, ვიყოთ გულისხმიერი სხვისი უბედურების მიმართ!

ჩვენ უნდა გავხდეთ მტკიცე ინტერნაციონალისტები!

39 ქვეყნის ბიონერების მიმართვა  
მსოფლიოს ბავშვებისადმი.  
არტეკი.

## შენი თანატო- ლები

აღბათ, უფრო სწორი ის იქნებოდა, ამ განყოფილებას „ნაირ-ფერი ყელსახვევების გამოფენას“ თუ ვუწოდებდით. და იცი რატომ? იმიტომ, რომ იგი შენს საზღვარგარეთელ თანატოლებზე, მათ პიონერულ ორგანიზაციებზე, სწავლასა და შრომაზე გიამბობს. ჩვენს პლანეტაზე ახლა სამოცამდე ბავშვთა პროგრესული ორგანიზაციაა და ყოველ მათგანს თავისებური ყელსახვევი აქვს. ზოგი წითელია, ზოგიც ლურჯი თუ ნარინჯისფერი; ზოგს გარშემო თეთრი არშია აქვს შემოვლებული, ზოგიერთ ყელსახვევზე დიდი ნაცრისფერი სპილოა გამოსახული, ზოგში კი ორი თუ სამი სხვადასხვა ფერია შერწყმული... ერთად რომ შეკრიბო, მართლაც, ნაირფერი ყელსახვევების გამოფენა იქნება.

ღამაში და უჩვეულო გამოფენა!


გამოფენა, რომელიც მოგიტხრობს ბულგარელ „სექტემბრულეებზე“, გერმანიის დემოკრატიული რესპუბლიკის ნორჩ ტელმანელებზე, კიმ დონგის ლაშქარზე ვიეტნამის დემოკრატიული რესპუბლიკიდან, შენს იუგოსლავიელ თანატოლებზე, თავისუფალი კორეისა და კუბის პიონერებზე, ნორჩ სუსებატორელებზე, პოლონელ ხარცერებზე და უნგრელ უტიერებზე, რუმინელ და ჩეხოსლოვაკიელ ნორჩ პიონერებზე. მათი პიონერული ორგანიზაციების ცხოვრება და კანონები ძალზე ჰგავს შენი ორგანიზაციის ცხოვრებასა და კანონებს; ისინიც შენსავით დადიან ლაშქრობებში, აწყობენ საზეიმო შეკრებებს, მათაც აქვთ საზეიმო დაპირება, დევიზი და მოწოდება, პიონერთა კანონები — პიონერული ცხოვრების თავისებური წესდება.


ჩვენი გამოფენა მოგიტხრობს ზოგიერთი კაპიტალისტური ქვეყნის ბავშვთა პროგრესულ ორგანიზაციაზედაც. ხომ იცი, რას ნიშნავს სიტყვა „პროგრესული“? „პროგრესი“ ლათინური სიტყვაა და ნიშნავს წინსვლას, აღმავლობას. „პროგრესული“ ამ სიტყვიდან არის ნაწარმოები. ესე იგი, პროგრესული პიონერული ორგანიზაცია ეს ისეთი ორგანიზაციაა, უკეთესი მომავლისათვის, სიკეთისა და სამართლიანობის გამარჯვებისათვის რომ იბრძვის, მთელი მსოფლიოს მშრომელებთან ძმობისა და სოლიდარობის სულისკვეთებით ზრდის შენს თანატოლებს.

აი, ამიტომ არის, რომ კაპიტალისტურ სახელმწიფოებში მთავრობა მხარს არ უჭერს, არავითარ მატერიალურ დახმარებას არ უწევს პიონერულ ორგანიზაციებს. მათ მუშაობას კომუნისტები და ახალგაზრდობის დემოკრატიულ კავშირთა წევრები ხელმძღვანელობენ, ეს მათი საზოგადოებრივი დავალებაა. უფროსი მეგობ-











რების დახმარებით ბავშვები აწყობენ შეკრებებს და ლაშქრობებს, მონაწილეობენ მუშათა მიტინგებსა და გაფიცვებში; ყოდიან გაზეთებს, თავისი ხელით გაკეთებულ სათამაშოებს, აგროვებენ ქაღალდის მაკულატურას და მერე, თავისი შრომით შეგროვებული ფულით სინტერესო ღონისძიებებს ატარებენ, ესმარებიან ღარიბთა ოჯახებს. პიონერები — შენი ყველაზე ერთგული და მტკიცე მეგობრები — ასლა ყველა კონტინენტზე ცხოვრობენ, მათ მსოფლიოს ბევრ, ძალზე ბევრ ქვეყანაში შეხვდები. შენს მეგობრებს იმიტომ ვუწოდებთ, რომ მათ მეგობრული ურთიერთობა აქვთ საბჭოეთის პიონერებთან. ყოველ ზაფხულს „არტკეში“ მსოფლიოს მრავალი ქვეყნის პიონერები ჩამოდიან და აქ, ინტერნაციონალური მეგობრობის ყველაზე მთავარ კლუბში, თავიანთი მუშაობის გამოცდილებას უზიარებენ ერთმანეთს, მეგობრდებიან.

**ავსტრალია,  
„ევრიკა“**

სწორედ მათზე მოგიტხრობს ჩვენი უჩვეულო გამოფენა... ბავშვთა ლიგა „ევრიკა“ შეიქმნა 1952 წელს. თავის რიგებში მწვეანე კონტინენტის მუშათა შვილებს აერთიანებს, მუშაობს ავსტრალიის კომუნისტური პარტიისა და ახალგაზრდული ორგანიზაციის „ევრიკას“ სელმძღვანელობით. შენ, ალბათ, გაინტერესებს, რატომ ჰქვია პიონერთა ორგანიზაციას ასეთი უცნაური სახელი. ავსტრალიაში, ვიქტორიას შტატში, არის ქვანახშირის საბადოებით მდიდარი კოლონია „ევრიკა“, სადაც რამდენიმე ათასი მაღაროელი ცხოვრობს და მუშაობს. XIX საუკუნის მიწურულს მაღაროელები აჯანყდნენ. აჯანყებულთა ცისფერ დროშებზე ხუთი ვერცხლისფერი ვარსკვლავი იყო გამოსახული. აი, მუშათა ამ აჯანყების აღსანიშნავად უწოდეს პიონერებმა თავის ორგანიზაციას „ევრიკა“, დროშა და ყელსახვევიც აჯანყებულთა დროშის ფერისა აქვთ — ცისფერი.

„ევრიკას“ რიგებში მუშათა შვილებს იღებენ 10-16 წლის ასაკში, ლიგის ჯგუფები საცხოვრებელი ადგილის მიხედვით იქმნება. ავსტრალიელი პიონერები ახალგაზრდული ორგანიზაციის წევრებთან ერთად აღნიშნავენ პირველი მაისის ზეიმს, ქალთა საერთაშორისო დღესასწაულს, ბავშვთა დაცვის დღეს, მონაწილეობენ მუშათა გაფიცვებსა და დემონსტრაციებში, ასრულებენ თავისი ორგანიზაციის წესდებებსა და კანონებს. მთავარი კი ამ წესდებაში ის არის, რომ ყოველი პიონერი „...გაიზარდოს იმ ბრძოლის აქტიურ მონაწილედ, რომელსაც მუშები ეწვევიან უკეთესი ცხოვრებისათვის, მშრომელი ხალხის უფლებებისათვის“.

**ავსტრია,  
„იუნგე  
გარდე“**

მეორე მსოფლიო ომის დამთავრების შემდეგ, 1946 წელს ავსტრიაში შეიქმნა ბაუშვთა ორგანიზაცია „იუნგე გარდე“. რაც ჩვენებურად „ახალგაზრდა გვარდიას“ ნიშნავს. 10-14 წლის გოგონები და ბიჭები გვარდიაში რომ შედიან, საზეიმო დაპირებას იძლევიან, რომ „იუნგე გარდეს“ კანონებით იცხოვრებენ და იმუშავენ. აი, როგორია ეს კანონები:

ჩვენ პატივს ვცემთ მშრომელებს.

ჩვენ გვიყვარს ჩვენი სამშობლო.

ჩვენ ვმეგობრობთ მთელი მსოფლიოს ბავშვებთან.

ჩვენ პატივს ვცემთ და ვაფასებთ ჩვენს მშობლებს.

ჩვენ კარგად ვსწავლობთ, რომ მეტი ვიცოდეთ.

ჩვენ ჩვენი კოლექტივის ერთგულნი ვართ და ყოველთვის ვიცავთ მიცემულ სიტყვას.

ჩვენ მამაცები ვართ და მუდამ მზად ვართ დახმარებისათვის.

ჩვენ მივდევთ ტურიზმს და გვიყვარს ბუნება.

ჩვენ ვზრუნავთ ჩვენს ჯანმრთელობაზე, ვიკაჟებთ სხეულს.

ჩვენი სურვილია, გავხდეთ ავსტრიის თავისუფალი ახალგაზრდობის კავშირის ღირსეული წევრები.

ახალგაზრდა გვარდიის წევრები ატარებენ სამკერდე ნიშანს და წითელი ფერის ყელსახვევს, რომელსაც ორი მხრიდან თეთრი არშია გასდევს. ორგანიზაციაში შესვლის დროს გვარდიელებს აძლევენ „იუნგე გარდეს“ საწევრო ბილეთს.

**ბულგარეთი,  
„სეპტემ-  
ვრიიჩე“**

პიონერთა ორგანიზაცია „სეპტემვრიიჩე“ შეიქმნა 1944 წლის 23 სექტემბერს, გერმანელი ოკუპანტებისაგან ბულგარეთის განთავისუფლების ორი კვირის შემდეგ. ამიტომაც უწოდეს მას „სეპტემვრიიჩე“ — „სექტემბრელი“. ეს სიტყვა ბულგარეთის თავისუფლებისა და დამოუკიდებლობისათვის თავდადებულ მებრძოლთა სინონიმაა. 1949 წელს სექტემბრელთა პიონერულ ორგანიზაციას ბულგარელი ხალხის ბელადის გიორგი დიმიტროვის სახელი მიენიჭა.

„სეპტემვრიიჩეს“ პიონერული ფორმა ძალიან ჰგავს შენს პიონერულ ფორმას. რაზმეულის დროშაც და ყელსახვევიც წითელი ფერისაა. განსხვავება მხოლოდ ის არის, რომ ბულგარელი პიონერები ძველ ბულგარულ ქუდს ატარებენ. სექტემბრელების დევიზია:



„სოციალიზმის საქმისათვის, ჩვენი სამშობლოს ბედნიერებისათვის იყავ მზად!“

პასუხია:

„მზად ვარ!“

**გულგია,  
პიონერთა  
კავშირი**

„პირობას ვდებ, რომ ყველგან და ყოველთვის ვიქნები პიონერთი“, — ასეთია უფროსი პიონერების საზეიმო დაპირება პიონერთა კავშირში შესვლის დროს.

„პირობას ვდებ, რომ კარგი ამხანაგი ვიქნები“, — ამბობენ უმცროსები. უფროს ასაკისად ითვლებიან 12-16, ხოლო უმცროსად — 8-12 წლის პიონერები. ისინი, მართლაც, სანიმუშოდ ასრულებენ საზეიმო დაპირებას: აქტიურად მონაწილეობენ კომუნისტური პარტიის მიერ მოწყობილ პოლიტიკურ ღონისძიებებში, უფროსებთან ერთად ახსნა-განმარტებითს მუშაობას ეწევიან მოსახლეობაში, განსაკუთრებით კი საარჩევნო კამპანიის დროს, რომ ხალხის წარმომადგენლებმა რაც შეიძლება მეტი ხმა დააგროვონ სახელმწიფო მმართველობის ორგანიზაციებში. პიონერთა კავშირის წევრები ძირითადად მუშათა შვილები არიან.

**გღრ,  
ნორჩი  
ტელ-  
მანელევი**

1920 წელს გერმანიის კომუნისტური პარტიისა და ახალგაზრდობის კომუნისტური კავშირის გადაწყვეტილებით შეიქმნა პირველი პიონერული ორგანიზაცია. 1924-30 წლებში იგი „ნორჩი სპარტაკელების კავშირის“ სახელს ატარებდა. ნორჩი სპარტაკელების ორგანიზაციამ ათ წელიწადს იარსება, შემდეგ კი ფაშისტებმა კომუნისტურ პარტიასთან და ახალგაზრდობის კომუნისტურ კავშირთან ერთად მათი საქმიანობაც აკრძალეს.

ფაშიზმის განადგურების შემდეგ გერმანიის თავისუფალი ახალგაზრდობის კავშირმა ხელი მოჰკიდა ბავშვთა ანტიფაშისტური დემოკრატიული ორგანიზაციის შექმნას. 1948 წლის 16 დეკემბერს შეიქმნა გერმანიის დემოკრატიული რესპუბლიკის ერთიანი პიონერული ორგანიზაცია. 1952 წელს მას გერმანიის მუშათა კლასის ბელადის — ერნსტ ტელმანის სახელი მიეკუთვნა.

ნორჩი ტელმანელები ლურჯი ფერის ყელსახვევს ატარებენ, მათი რაზმეულის დროშაც ლურჯი ფერისაა. ეს გასაგებიცაა — ლურჯი ფერი ხომ შრომისა და მშვიდობიანი ცის სიმბოლოა.

ნორჩი ტელმანელების დევიზია:



„მშვიდობისა და სოციალიზმის საქმისათვის საბრძოლველად იყავ მზად!“.

და პასუხი — ტრადიციული, პიონერული:

„მზად ვარ!“

**გვინეა,  
პიონერთა  
ორგანიზაცია**

გვინეის რესპუბლიკის პიონერთა ორგანიზაცია 1959 წლის 26 მარტს დაარსდა, როცა გვინეის დამოუკიდებელი რესპუბლიკა სულ რამდენიმე თვის შექმნილი იყო. ახალი ცხოვრება ყველაზე მეტად სკოლას დაეყვო: დაიწყო პიონერთა ჯგუფების ჩამოყალიბება (გვინეაში მათ „სტადოს“ ეძახიან), საინტერესო მუშაობა გაიშალა ნორჩ ნატურალისტთა თუ მხარეთმცოდნეთა წრეებში. მოსწავლეები ამ წრეებში ეცნობიან თავისი ქვეყნის ისტორიას, სწავლობენ ფოლკლორს, ერკვევიან ეკონომიკის საკითხებში. გვინეის პიონერთა ორგანიზაციაში სამი საფეხურია: I საფეხურის პიონერები (7-10 წლის მოსწავლეები) წითელ ყელსახვევს ატარებენ, II საფეხურის პიონერებს (11-14 წლის მოსწავლეები) ყვითელი ყელსახვევი უკეთიათ, III საფეხურის პიონერებს კი (15—18 წლის მოზარდები) მწვანე ფერის ყელსახვევი აქვთ. გვინეის რესპუბლიკის დროშაზედაც ზომ ეს სამი ფერია გამოსახული — წითელი, ყვითელი და მწვანე, როგორც შრომის, სამართლიანობისა და სოლიდარობის სიმბოლო.

გვინეელი პიონერების დევიზია:

„ყოველთვის მხოლოდ წინ, არასოდეს უკან!“

**ვიეტნამი,  
ნორჩი  
სოფი  
მინელები**

პირველი ბავშვთა კომუნისტური რაზმი ვიეტნამში 1933-35 წლებში არსებობდა. მაგრამ პიონერთა ორგანიზაციის დაარსების თარიღად 1941 წლის 15 მაისი ითვლება, როდესაც ვიეტნამის დამოუკიდებლობისათვის ბრძოლის დემოკრატიული ფრონტი შეიქმნა კომუნისტების ხელმძღვანელობით. ვიეტნამის დემოკრატიული რესპუბლიკის შექმნის შემდეგ პიონერული რაზმები მასობრივად ჩამოყალიბდა ქვეყნის სხვადასხვა კუთხეში. პიონერები აქტიურად მონაწილეობდნენ იმ ბრძოლაში, რასაც მათი მშობლები ეწოდნენ ჯერ ფრანგი, ხოლო შემდეგ ამერიკელი აგრესორების, კოლონიზატორების წინააღმდეგ.

ამჟამად ვიეტნამის დემოკრატიული რესპუბლიკის პიონერული ორგანიზაცია ორ მილიონზე მეტ პიონერს აერთიანებს.



მათი დევიზია: „სოციალისტური სამშობლოს მშენებლობისათვის საბრძოლველად იყავით მზად!“.

1970 წელს ვიეტნამის დემოკრატიული რესპუბლიკის პიონერთა ორგანიზაციას მიენიჭა ვიეტნამელი ხალხის ბელადის — ხო-ში მინის — სახელი. პიონერებმა საზეიმოდ დადვეს პირობა, სანიმუშოდ შეასრულონ ის ექვსი დარიგება, თავისუფალი ვიეტნამის ნორჩ მოქალაქეებს რომ მისცა „ძია ხომ“. აი, ეს ექვსი დარიგება:

„გიყვარდეს სამშობლო. გიყვარდეს ხალხი. გიყვარდეს შრომა. იყავ სამაგალითო სწავლაში. იყავ დისციპლინებული. დაიცავი პიგიენის წესები“.

**იუგოსლავია,  
პიონერთა  
კავშირი**

1942 წლის 27 ნოემბერს ბიხაკში, გერმანელი ოკუპანტებისაგან განთავისუფლებულ ქალაქში, ჩატარდა იუგოსლავიის ანტი-ფაშისტური ახალგაზრდობის პირველი ყრილობა. სწორედ ამ ყრილობამ მიიღო დადგენილება განთავისუფლებულ რაიონებში პიონერთა რაზმების შექმნის შესახებ. ეს დღე — 1942 წლის 27 ნოემბერი — პიონერთა ორგანიზაციის შექმნის დღედ ითვლება.

იუგოსლავიელ პიონერებს წითელი ფერის ყელსახვევი აქვთ, ყელსახვევს მხოლოდ სადღესასწაულო დღეებში, შეკრებებისა და სხვა მასობრივი ღონისძიებების დროს იკეთებენ. მუშაობა რომ უფრო საინტერესო და სახალისო იყოს, რაზმში სხვადასხვა კოლექტივებს ქმნიან. მაგალითად, ერთ რაზმში შეიძლება იყოს ნორჩი ტურისტების ლაშქარი და ფილატელიის მოყვარულთა კლუბი, ან ნორჩი მეხანძრეების პუნქტი, ან ფიზკულტურული რგოლი. ყოველ ასეთ კოლექტივს თავისი პიონერული აქტივი და ხელმძღვანელი ჰყავს. ჰყავთ შეფებიც — იუგოსლავიის ახალგაზრდათა კავშირის ან სტუდენტთა კავშირის წევრები.

იუგოსლავიის პიონერთა კავშირის დევიზია:

„სამშობლოსათვის, წინ!“

**ინდოეთი,  
ბავშვთა  
ლიგა**

1961 წელს, როდესაც ჩვენი ქვეყნის ნორჩი ლენინელები თავიანთი პიონერული ორგანიზაციის 40 წლისთავისათვის ემზადებოდნენ. „არტკეში“ პირველად ჩამოვიდნენ ინდოეთის ბავშვთა ლიგის წევრები. ისინი გატაცებით და დიდი ინტერესით ეცნობოდნენ





სხვადასხვა ქვეყნების პიონერების ცხოვრებას, აქტიურად მონაწილეობდნენ შესვენებებში, შეკრებებსა და პიონერულ ლაშქრობებში.

1962 წლის 1 იანვარს ინდოეთში შეიქმნა პიონერთა ორგანიზაცია. მის დროშაზე ინდოეთის საზღვრების კონტურებია ამოქარგული, შუაში კი წარწერაა: „პიონერი“. პიონერები სამყარო ყელსახვევს ატარებენ. როგორც ინდოეთის სახელმწიფო დროშაზე, მათ ყელსახვევზედაც სამი ფერია: ყვითელი, თეთრი და მწვანე. ინდოელი პიონერები მსოფლიოს ყველა ქვეყნის ბავშვებთან მეგობრობენ, მონაწილეობენ პიონერთა საერთაშორისო შეკრებებში, ხშირად ატარებენ ბავშვთა ნახატების კონკურსებს. ამ ორიოდ წლის წინათ ასეთ კონკურსში ჩვენი რესპუბლიკის პიონერებმაც მიიღეს მონაწილეობა და ჯილდოებიც დაიმსახურეს.

**იტალია,  
პიონერთა  
ასოციაცია**

პირველი პიონერული რაზმი იტალიაში 1944 წელს შეიქმნა, ქალაქ რეჩიო ემილიაში. ადგილობრივმა პარტიზანებმა მას „ნორჩი მშვერავების ასოციაცია“ უწოდეს. პიონერთა მოძრაობა მალე მთელ იტალიას მოედო: ჯერ რომში შეიქმნა „ნორჩი გარიბალდელების რაზმები“, შემდეგ ნეაპოლშიც გამოჩნდა „იტალიის იმედის“ რამდენიმე ჯგუფი. სწორედ ნეაპოლში გაიმართა 1949 წელს პიონერთა პირველი ეროვნული შეკრება და შეიქმნა იტალიის პიონერთა ასოციაცია. იგი ახლა თავის რიგებში 130.000-ზე მეტ პიონერს აერთიანებს.

პიონერთა რაზმები საცხოვრებელი ადგილის მიხედვით იქმნება, რადგან მთავრობა პიონერებს არ აძლევს სკოლაში მუშაობის უფლებას. „ნორჩი გარიბალდელებს“ ოდნავადაც არ აშინებს მთავრობის აკრძალვა, ისინი აქტიურად მონაწილეობენ მუშათა მიტინგებსა და გაფიცვებში, გაბედულად იცავენ თავიანთ უფლებებს.

იტალიელი პიონერები წითელ ყელსახვევს ატარებენ, მას გარშემო შემოვლებული აქვს სამი ფერის — თეთრი, მწვანე და წითელი ფერის — ზოლები. პიონერთა ასოციაციის ღვევიზია:

„სიცოცხლის შესახვედრად!“

და პასუხი:

„წინ!“



**კსდრ,  
„სონი-  
ონდანი“**

ეს იყო 1945 წლის დამლევს, როდესაც კორეულმა პარტიზანებმა საბჭოთა ჯარების დახმარებით თავიანთი ქვეყნიდან განდევნეს იაპონელი იმპერიალისტები. კორეის განთავისუფლებულ ქალაქებში პირველად სწორედ იმ დღეებში გამოჩნდნენ წითელყელსახვევიანი ბავშვები. ბავშვთა ორგანიზაციები ჯერ სტიქიურად იქმნებოდა, შემდეგ კორეის შრომის პარტიის დავალებით, ახალგაზრდობის დემოკრატიულმა კავშირმა ერთ ორგანიზაციად გააერთიანა ეს ჯგუფები. 1946 წლის 6 ივნისს ჩატარდა პიონერთა I შეკრება და ეს თარიღი ითვლება კორეის სახალხო დემოკრატიული რესპუბლიკის პიონერთა ორგანიზაციის დაბადების დღედ. სახელწოდება „სონიონდანი“ თვით პიონერებმა შეარჩიეს. კორეაში ასე ეძახიან ყველაზე მამაც და გაბედულ ადამიანებს.

„სონიონდანი“ თავის რიგებში ახლა ოთხ მილიონამდე წევრს აერთიანებს. მოსწავლეებს პირველი კლასიდანვე იღებენ პიონერთა ორგანიზაციაში. ყოველი წლის 9 სექტემბერს — ეროვნული ზეიმის დღეს — სკოლებში სწავლისა და მოსავლის ზეიმები იმართება. მართლაც, კარგი ტრადიციაა: მთელი ქვეყანა ერთად აღნიშნავს რესპუბლიკის დღეს, მოსავლისა და სწავლის ზეიმს! პირველკლასელებს სწორედ ამ ზეიმზე იღებენ პიონერთა ორგანიზაციის რიგებში, ზეიმზე მოწვეული მშობლები წითელ ყელსახვევებსა და სამკერდე ნიშნებს გადასცემენ მათ.

კორეული პიონერების მოწოდებაა: „კორეის შრომის პარტიის საქმისათვის, ხალხის საქმისათვის საბრძოლველად იყავით მზად!“

და პასუხი — ტრადიციული, პიონერული:  
„მზად ვართ!“

**კუბა,  
პიონერთა  
კავშირი**

ჩვენი სამშობლოდან შორს, კარიბის ზღვაში, 1600 მცირე კუნძულს შორის არის კუნძული კუბა, აქლა მთელი მსოფლიო თავისუფლების კუნძულს რომ ეძახის. 1959 წელს კუბელებმა საბოლოოდ განდევნეს უცხოელი კოლონიზატორები, თითქმის ხუთი საუკუნე რომ ბატონობდნენ მათ სამშობლოში. კუბა გახდა ამერიკის კონტინენტზე პირველი თავისუფალი სოციალისტური სახელმწიფო.

კუბის პიონერთა კავშირი სრულიად ახალგაზრდაა, როგორც თვით რესპუბლიკა. იგი 1961 წლის 4 აპრილს შეიქმნა — კუნძულზე დიქტატურის დამხობისა და სახალხო ხელისუფლების გა-



მარჯვენის ოცდაშვიდი თვის შემდეგ. ლათინური ამერიკის ქვეყნებში ეს არის პირველი ბავშვთა ორგანიზაცია, კომუნისტური პარტიისა და ხალხის საქმისათვის ერთგულების სულისკვეთებით რომ ზრდის მომავალ თაობას. ამ სულისკვეთებით არის გამსჭვალული პიონერული დევიზიც:

„კუბელი პიონერები სოციალიზმისათვის მუდამ მზად ვართ!“

პიონერული ყელსახვევის ერთი ნახვევი თეთრი ფერისაა, მეორე კი — ლურჯია. ლურჯი ფერი მშვიდობიანი ცის ფერია, თეთრი კი კუბის რევოლუციის იდეალების სიწმინდის სიმბოლოა. რესპუბლიკის მთავრობა მზრუნველობას არ აკლებს თავისუფალი კუნძულის ნორჩ მოქალაქეებს: მათთვის აშენებს სკოლებს, ინტერნატებს, ბანაკებს, პიონერთა სასახლეებს. კუბის ერთ-ერთი ყველაზე დიდი და კეთილმოწყობილი ინტერნატი ვ. ი. ლენინის სახელს ატარებს, იგი საბჭოთა მთავრობის საჩუქარია კუბელი ბავშვებისადმი. და, აი, უფროსებს არც პიონერები რჩებიან ვალში: ბევრთად სწავლობენ და შრომობენ, შპქრის პლანტაციებში და ფაბრიკებში აწყობენ კონცერტებს, მუშაობენ მოძრაობის მომწესრიგებლებად, ზრუნავენ სკოლებისა და საცხოვრებელი კვარტალების სისუფთავის დაცვაზე.

კუბელ პიონერებს ერთი კარგი ტრადიცია აქვთ — ისინი ყოველ შეკრებას ასეთი სიტყვებით ამთავრებენ:

„სულ წინ ვიართ, პიონერებო. ჩვენი ორგანიზაცია ისე მოვაწყვთ, რომ იგი ზრდიდეს ბედნიერ, მხიარულ, ჯანმრთელ და ძლიერ ბავშვებს, რომლებიც ჩვენი სოციალისტური სამშობლოს, ჩვენი ბედნიერი მომავლის ღირსეული მოქალაქენი იქნებიან.

სამშობლო ან სიკვდილი ჩვენ გავიმარჯვებთ!“

**მალი,  
პიონერთა  
ორგანიზაცია**

მალის რესპუბლიკის ეროვნული პიონერული ორგანიზაცია ერთ-ერთი პირველი პროგრესული ბავშვთა ორგანიზაციაა აფრიკის კონტინენტზე. იგი ამ 15 წლის წინათ შეიქმნა. მალელი პიონერები სწავლასთან ერთად ქვეყნის ეკონომიურ და პოლიტიკურ ცხოვრებაშიც აქტიურად მონაწილეობენ: მუშაობენ გზებისა და არხების მშენებლობაზე, ეხმარებიან მთავრობას წერა-კითხვის უცოდინარობის ლიკვიდაციაში, არიან „სიფრთხილის ბრიგადის“ წევრები: ეს ბრიგადები მალის ახალგაზრდული კავშირის ინიციატივით შეიქმნა იმპერიალიზმის პროვოკაციისა და დივერსიის წინააღმდეგ ბრძოლისათვის.



პიონერთა ორგანიზაციის რიგებში იღებენ 8-18 წლის ბავშვებს, რაზმები (მალიში მათ „ჯგუფებს“ ეძახიან) ძირითადად სოფლებისა და საცხოვრებელი კვარტალების მიხედვით იქმნება.

პიონერთა ორგანიზაციის დევიზია: „პიონერი დღეს — პიონერი მუდამი“

**მონღოლეთი,  
ნორჩი სუსხა—  
ბატოროლები**

1925 წლის 8 მაისი მონღოლეთის სახალხო რესპუბლიკის პიონერთა ორგანიზაციის დაბადების დღედ ითვლება. ახალგაზრდობის რევოლუციური კავშირის თაოსნობით ულან-ბატორის პირველ დაწყებით სკოლაში ამ დღეს შეიქმნა ბავშვთა რევოლუციური კავშირი „ცვლა“. 11 ივლისს, სახალხო რევოლუციის გამარჯვების მეოთხე წლისთავის ზეიმზე, ორმა მოსწავლემ გაიკეთა პირველად წითელი ყელსასვევი.

მონღოლეთის პიონერთა ორგანიზაცია ახლა თავის რიგებში ას ათასზე მეტ წევრს აერთიანებს, იგი გმირი რევოლუციონერის — სუსხე-ბატორის სახელს ატარებს.

უდიდესი შრომისათვის, სამშობლოსათვის გაწეული დახმარებისა და კარგი სწავლისათვის მონღოლეთის პიონერთა ორგანიზაცია დაჯილდოებულია რესპუბლიკის უმაღლესი ჯილდოთი — სუსხე-ბატორის ორდენით.

ნორჩი სუსხე-ბატორელების დევიზია: „მონღოლეთის სახალხო-დემოკრატიული პარტიის საქმისათვის საბრძოლველად იყავით მზად!“

და პასუხი:

„მზად ვართ!“

მონღოლეთის პიონერებსა და მოსწავლეებს შორის ახლა ძალზე პოპულარულია მოძრაობა „ხუთი ღირსებისათვის“. ეს ხუთი ღირსებაა: ბეჯითი სწავლა, შეუპოვარი შრომა, სანიმუშო პიგიენა, მისაბაძი დისციპლინა, მუყაითობა და სიმარადე. უკვე სამ ათასზე მეტი პიონერი ატარებს „ხუთი ღირსების“ სამკერდე ნიშანს.

სწორედ იმ ხანებში, როცა ჩვენში ზეიმით აღინიშნა საბჭოთა პიონერიის 50 წლისთავი, დღესასწაული ჰქონდათ ნორვეგიელ პიონერებსაც: ისინი ზეიმობდნენ თავისი ნორჩი პიონერული კავშირის 20 წლისთავს.

ნორვეგიელი პიონერების სამკერდე ნიშანზე პიონერული კო-



ცონია გამოსახული. ეს ხომ მსოფლიოს ყველა ქვეყნის ბავშვებთან მეგობრობის, მშობლიური ხალხის ბედნიერებისათვის ბრძოლის თავისებური სიმბოლოა. ასეთი სამკერდე ნიშნის ტარების უფლება რომ მოიპოვო, ესე იგი, ნორვეგიის ნორჩ პიონერთა კავშირის წევრი რომ გახდე, უნდა შეისწავლო პიონერული კანონები, იცნობდე კავშირის ტრადიციებს, პირველი მაისის საერთაშორისო დღესასწაულის ისტორიას. და, რა თქმა უნდა, ყველა მომავალ პიონერს უნდა შეეძლოს ადგილმდებარეობის მიხედვით ორიენტირება, კოცონის სწრაფად გაჩაღება, კარავის გაშლა. მხოლოდ ამის შემდეგ გადასცემენ მას ლურჯ ყელსახვევს და პიონერის სამკერდე ნიშანს.

და ნორვეგიელი პიონერების მოწოდებაზე:  
 „მშვიდობისა და მეგობრობისათვის საბრძოლველად იყავ მზად!“  
 მას უფლება ექნება, გასცეს პასუხი:  
 „მზად ვარ!“

**რუმინეთი,  
 პიონერთა  
 ორგანიზაცია**

პირველი პიონერული რაზმი რუმინეთში 1949 წლის 30 აპრილს შეიქმნა, საპირველმაისო დღესასწაულის წინა დღეს. მეორე დღეს კი, როდესაც ფაშისტებისა და ბურჟუებისაგან განთავისუფლებული ბუქარესტი მთელი მსოფლიოს მშრომელთა სოლიდარობის დღეს ზეიმობდა, დემონსტრაციების კოლონებში წითელყელსახვევიანმა მოსწავლეებმაც ჩაიბარეს. ასე დაიწყო სოციალისტური რუმინეთის პიონერთა ორგანიზაციის ისტორია.

მას შემდეგ ოცდაექვსი წელი გავიდა. ახლა პიონერთა რაზმები და რაზმეულები შექმნილია ყველა სკოლასა და პიონერთა ბანაკში.

რუმინელი პიონერების ფორმა ძალიან ჰგავს შენს საპარადო პიონერულ ფორმას. ყელსახვევი წითელი ფერისაა, სამკერდე ნიშანზე გამოსახულია ალის სამი ენა, სამი თაობის — კომუნისტების, კომკავშირელებისა და პიონერების — ურღვევი კავშირის სიმბოლო. პიონერები ყველგან — სკოლაშიც და პიონერთა სახლშიც — სამკერდე ნიშნით დადიან, ყელსახვევს კი მხოლოდ შეკრებაზე ან სხვა განსაკუთრებულ შემთხვევაში იკეთებენ, როცა არის რაზმის საბჭოს თავმჯდომარის ბრძანება.

რუმინეთის პიონერთა დევიზია:

„კომუნისტური პარტიის საქმისათვის საბრძოლველად იყავ მზად!“

პასუხი:

„მზად ვარ!“

**უნგრეთი,  
„უტიერები“**

უნგრეთში პიონერებს „უტიერებს“ ეძახიან. „უტიერი“ გზის გამკვლევს, ახალი გზების მაძიებელს ნიშნავს უნგრულ ენაზე. უნგრელი პიონერები მუდამ სიახლეს ეძებენ, ახალი გზებით მიდიან წინ.

უნგრეთის პიონერთა კავშირის ისტორია უნგრეთის საბჭოთა რესპუბლიკის ისტორიასთან ერთად დაიწყო 1919 წელს. რესპუბლიკამ მაშინ 133 დღეს იარსება მხოლოდ, მაგრამ სახალხო ხელისუფლებამ ბევრი კარგი საქმის გაკეთება მოასწრო, მიიღო უნგრეთის საბჭოთა რესპუბლიკის კონსტიტუცია, მუშებს გადასცა ფაბრიკა-ქარხნები, ბავშვების სწავლისა და დასვენებისათვის რამდენიმე ბანაკიც გახსნა.

მას შემდეგ თითქმის ექვსი ათეული წელი გავიდა, უნგრელი პიონერები ახლა ბედნიერად ცხოვრობენ, ბეჯითი სწავლითა და შრომით თვითონაც აქტიურად მონაწილეობენ თავიანთი სამშობლოს ნათელი მომავლის მშენებლობაში.

მათი დევიზი ასეთია: „პიონერებო, წინი მშრომელი ხალხისათვის, სამშობლოსათვის ურყევად — წინ!“

ამ მოწოდებაზე პიონერები უპასუხებენ:

„წინ!“

მომავალში მოგზაურობაზე, აბა, ვინ იტყვის უარს! ამიტომ იყო, უნგრელმა პიონერებმა ასეთი აქტიური მონაწილეობა რომ მიიღეს მოძრაობაში „პიონერული ექსპედიცია მომავალში“. ექსპედიციის დღიურები გვიამბობენ, როგორ მონაწილეობდნენ პიონერები ქალაქებისა და სოფლების გამწვანებაში, ადგენდნენ მართლაც ზღაპრულ გეგმებს, თუ როგორი იქნება 2000 წელიწადი, ეცნობოდნენ ქარხნებისა და ფაბრიკების მუშაობას, აბარებდნენ გამოცდებს ნორჩი კოსმონავტის წოდებაზე.

პიონერული ექსპედიციის დამთავრების შემდეგ 38 ათასმარგოლმა კარგი მუშაობით იმის უფლება მიიღო, რომ თავის ალამზე ექსპედიციის წითელი ვარსკვლავი მიემაგრებინა. მაგრამ ექსპედიცია ამით არ დამთავრებულა.

პიონერული ექსპედიცია მომავალში გრძელდება...



# ჩეხოსლო- ვაკიის პიონერები

ჩეხოსლოვაკიის პიონერთა ორგანიზაციის ისტორია 1949 წლის აპრილიდან იწყება. სახელმძღვანელოებში ასეა ჩაწერილი, მაგრამ სინამდვილეში პიონერთა ორგანიზაცია ჩეხოსლოვაკიაში ბურჟუაზიული ხელისუფლების დროსაც არსებობდა: თითქმის ხუთი ათეული წლის წინათ მუშათა შეილები წითელი პიონერების ორგანიზაციაში გაერთიანდნენ. დღესაც სიამაყით იგონებენ წითელ პიონერებს, მთავრობისაგან მალულად რომ იკრიბებოდნენ და კომუნისტებთან ერთად მამაცურად იბრძოდნენ ფაბრიკანტებისა და მემამულეების წინააღმდეგ.

პოლიცია შეკრებას უკრძალავდა მათ, ჯაშუშები ყველგან უთვალთვალდნენ: სკოლაში და ეზოში თამაშის დროსაც კი. სკოლაში თუ გაიგებდნენ, რომელიმე მოსწავლე პიონერთა ორგანიზაციაში შევიდაო, მასწავლებლები მათ ცუდ ნიშანს უწერდნენ ყოფაქცევაში, ზოგჯერ სკოლიდანაც რიცხავდნენ, მათ მშობლებს კი სამუშაოდან ითხოვდნენ. ფაშისტური ოკუპაციის დროს ბევრი მათგანი საკონცენტრაციო ბანაკებში ჩაამწყვდიეს, მაგრამ წითელი პიონერების ნებისყოფა მაინც ვერ გატეხეს. ჩეხოსლოვაკიის პიონერთა ორგანიზაციის ისტორიაში ოქროს ასოებითაა ჩაწერილი 70 ნორჩი პატრონის სახელი, — ისინი ფაშისტებმა დახვრიტეს მხოლოდ იმისათვის, რომ უარი თქვეს პიონერული ყელსახვევის მოხსნაზე...

დღეს ჩეხოსლოვაკიის პიონერთა ორგანიზაციაში ორ მილიონზე მეტი პიონერია. პიონერული დევიზია:

„სოციალისტური სამშობლოს მშენებლობისა და დაცვისათვის იყავით მზად!“

პასუხი ტრადიციულია, პიონერული:

„მზად ვართ!“

## ს ი მ ე ა

შენი რაზმეული თუ გამოდის საინტერესო საერთაშორისო შეჯიბრებაში, მძლეოსნური ოთხჭიდიში „შეგობრობა?“ იქნებ შენც მონაწილეობდი ბავშვთა ნახატების საერთაშორისო გამოფენაში ან საჩუქრებს აგროვებდი ვიეტნამელი თანატოლების დასახმარებლად? მაგრამ თუ იცი, ვისი დახმარებით ტარდება ეს ღონისძიებები?

სიმეა — შემოკლებით ასე ეწოდება ბავშვთა და მოზარდთა ორგანიზაციების საერთაშორისო კომიტეტს. იგი 1957 წელს შეიქმნა დემოკრატიული ახალგაზრდობის მსოფლიო ფედერაციას-

თან. ალბათ, ჟურნალ-გაზეთების ფურცლებზე სშირად გინახავს ლურჯი გლობუსი, თეთრი ფერის პიონერული ყელსახვევი რომ აქვს შემოხვეული. აი, ეს არის სიმეას სამკერდე ნიშანი. სიმეას ძალზე საინტერესო ემბლემა აქვს — მხიარული თოჯინა ვიკი, სწორედ ის ვიკი, აქვე, ჩვენი წიგნის ამ გვერდზე რომ არის გამოსახული. სიმეას თავისი ჰიმნიც აქვს — „მეგობრობის ხიდი“.

სიმეას მთელი მსოფლიოს ბავშვების კეთილ მრჩეველსა და ერთგულ მეგობარს უწოდებენ. ეს, მართლაც, დიდი საერთაშორისო პიონერული რაზმეულია, მსოფლიოს ოცდაათზე მეტი ქვეყნის ორმოც მილიონ პიონერს რომ აერთიანებს. მის სახელზე ჩვენი პლანეტის ყველა კუთხიდან მოდის წერილები. სხვადასხვანაირია ეს წერილები — ზოგში თხოვნაა მიწისძვრისაგან დაზარალებული ბავშვებისათვის დახმარების გასაწევად, ზოგში მადლობა იმ მეგობრული ამანათებისათვის, სიმეას მოწოდებით რომ გაგზავნეს აფრიკასა თუ აზიაში მრავალი ქვეყნის პიონერებმა, ზოგსაც დამეგობრება უნდა თავის საზღვარგარეთელ თანატოლებთან და სიმეას სთხოვს დახმარებას...

შენც შეგიძლია შენთვის საინტერესო საკითხზე ბარათი გაუგზავნო სიმეას. მით უმეტეს, რომ ჩვენ მხოლოდ ძალზე მცირე რამ ვიამბეთ შენი საზღვარგარეთელი თანატოლების ცხოვრებაზე, სიმეას კი შეუძლია ბევრი საინტერესო მასალა გამოგიგზავნოს.

აი, მისი მისამართი:

ბრალა, ჩეხოსლოვაკია, სიმეა, მსოფლიოს ბავშვთა და მოზარდთა ორგანიზაციების საერთაშორისო კომიტეტი.



## პიონერული

მუსიკა ს. ცინცაძისა

ლექსი პ. გრუზინსკისა

გვიღიშის მთაცა და ბარიც,  
ღიღინებს ჭალარა მტკვარიც,  
ყვავილთა ზღვაური დეღავს,  
სალამი, სალამი ყველას.

მ ი ს ა მ ლ ე რ ი:

მშვიდობის დროშად,  
მშვიდობის ფარად  
ლალის ვარსკვლავი ანთია,  
მზადა ვართ მარად,  
მზადა ვართ მარად,  
მივბაძოთ დიად პარტიას.

მხარდამხარ მოვდივართ ლაღად,  
არ ვიცით რა არის დაღლა,  
დიდება უსაზღვრო მამულს,  
ასწიეთ დროშები მაღლა.

მ ი ს ა მ ლ ე რ ი:

სულ ყველამ ჩაბურეთ ბუკი,  
გვინათებს ლენინის შუქი,  
დავჭექეთ სიმღერა ლაღად,  
ავწიეთ დროშები მაღლა.

მ ი ს ა მ ლ ე რ ი:

Нинуа Джемал Александрович

### Будь готов!

(На грузинском языке)

Художник З. Деисадзе  
Детюниздат Грузинской ССР  
«Накадули», Тбилиси, 1977

ИБ № 173


რედაქტორი ლ. ქადაგიშვილი,  
მხატვარი ზ. დეისაძე;  
მხატვრული რედაქტორი შ. დოლიძე,  
ტექნედაქტორი ლ. ქვარცხავა,  
კონტრ.-კორექტორი დ. კალანდარიშვილი,  
კორექტორი ქ. გუნცაძე,  
გამომწვეები ნ. კაკაშვილი.

გადაეცა ასაწყობად 8.VIII.75 წ.  
ანაწყობის ზომა 6×10;  
შელმოწერილია დასაბეჭდად 15/III-77.  
ქალაქის ზომა 70×90/16  
ნაბეჭდი თაბახი 9,95;  
საალრიცხვო-საგამომცემლო თაბახი 6,95  
უე 00343.  
ტირაჟი 20.000  
შეკვეთის № 2788  
ფასი 39 კაპ.

გამომცემლობა „ნაკადული“, თბილისი,  
მარჯანიშვილის ქ. № 5.  
Издательство «Накадули», Тбилиси,  
ул. Марджанишвили № 5

საქართველოს სსრ მინისტრთა საბჭოს გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტის თბილისის წიგნის ფაბრიკა, მეგობრობის გამზირი, 7.

Тбилисская книжная фабрика Государственного комитета Совета министров Грузинской ССР по делам издательств, полиграфии и книжной торговли, пр. Дружбы № 7



934/1

